

भारत सरकार
GOVERNMENT OF INDIA
राष्ट्रीय पुस्तकालय, कलकत्ता
NATIONAL LIBRARY, CALCUTTA.

वर्ग संख्या 180 . Jc
Class No.
पुस्तक संख्या 91 . 69
Book No.

श्री० पु०/N, L. 38.

MGIP Sant.—45 NL, (Spl/69)—4-8-69—1,00,000.

॥ अथ तैत्तिरीयमंहिता प्रारम्भः ॥

ॐ इषे त्वोर्जे त्वा वायवं स्थोपायवं स्थ देवो वः सविता प्रापयतु श्रेष्ठ-
 तमाय कर्मण आप्यायध्वमग्निया देवभागमजैस्वतीः पर्यस्वतीः प्रजावर्तारन-
 मीवा अयक्षमामा वंस्तेन ईशत माघशशो रुद्रस्य हेतिः परि वो वृणक्तु
 ध्रुवा अस्मिन् गोपतौ स्यात वृहिर्यजमानस्य पशून् पाहि — १३) [इषे त्रिच-
 त्वारिश्शत्] ॥ १ ॥ यज्ञस्य घोषदसि प्रत्युष्टश्शः प्रत्युष्टा अरातयः
 प्रेयमंगद्विषणा बर्हिर्च्छमनुना कता स्वधया वितंष्टा त आवहन्ति कवयः
 पुरस्ताद्वेभ्यो जुष्टमिह बर्हिरासदे देवानां परिषुतमसि वर्षवृद्धमसि देवब-
 र्हिर्मा त्वान्वङ्गा तिर्यक् पर्वते राध्यासमाच्छेत्ता ते मा रिषुं देवबर्हिः शत-
 वंशं विरोह सहस्रवल्गाः (१) विवयश्शहेम पृथिव्याः सम्पृचः पाहि
 सुसम्भृता त्वा सम्भराभ्यदित्यै रात्राऽसीन्द्राण्यै सन्नहनं पूषा ते ग्रन्थिग्रन्थातु

स ते मा स्यादिन्द्रस्य त्वा बाहुभ्यामुदच्छे बृहस्पते मधो हाराम्यवन्तरिक्षम-
न्विहि देवं गममसि—३८) [सहस्रवल्गा अष्टात्रिंशच्च] ॥ २ ॥

शुन्धध्वं दैव्याय कर्मणे देवयज्यायै मातरिश्वनो धर्मोऽसि द्यौरसि
पृथिव्यसि विश्वधाया असि परमेण धाम्ना दृहस्व मा हार्वसूनां पवित्रमसि
शतधारं वसूनां पवित्रमसि सहस्रधारः हुतस्तोको हुतो द्रप्सोऽद्यै बृहते
नाकाय स्वाहा द्यावापृथिवीभ्याः सा विश्वायुः सा विश्वव्याः सा विश्व-
कर्मा सम्पृच्यध्वमतारिर्मिणीर्मधुमत्तमा मन्द्रा धनस्य सातये सोमै न

(१) त्वातं नुचमीन्द्राय दधि विष्णो हव्यश्रक्षस्व—८) [सोमैनाष्टौ
च] ॥ ३ ॥ कर्मणे वां देवेभ्यः शक्यं वेषाय त्वा प्रत्युष्टश्रक्षः प्रत्युष्टा-
अरांतयो धूरसि धूर्व धूर्वन्तं धूर्व तं योऽस्मान् धूर्वति तं धूर्वयं वयं धूर्वाम-

स्त्वं देवानामसि सस्मिन्तमं पप्रितमं जुष्टमं देवदत्तममहुतमसि हवि-
 र्धानं दृष्ट्व माह्विमित्रस्य त्वा चक्षुषा प्रेक्षे माभिमर्मासंविक्था मा त्वां (१)
 हि श्लिषमरु वाताय देवस्य त्वा सवितुः प्रसवेऽश्विनोर्वाहुभ्यां पणोहस्ता-
 भ्यामग्रेये जुष्टं निर्वपाम्यग्नीषोमाभ्यामिदं देवानामिदमुनःसह स्फात्ये त्वा
 नारात्यै सुवर्गभि विरुधेपं वैश्वानरं ज्योतिर्दृष्ट्वान्तां दुर्या द्यावापृथिव्योरुर्वन्तरि-
 क्षमन्विह्यदित्यास्त्वोपस्थे सादयाम्यग्ने हव्यश्शक्षस्व—४६) [त्वा षट्चत्वा-
 रिंशच्च] ॥ ४ ॥ देवो वः सवितोत्पुनात्वच्छिद्रेण पवित्रेण वसोः
 सूर्यस्य रश्मिभिरापो देवीरेग्रेपुवो अग्रेगवोऽग्रं इमं यज्ञं नयताग्ने यज्ञपतिं धत्त
 यत्मानिन्द्रो वृणति वृत्रतुर्ये ययमिन्द्रमवृणीध्वं वृत्रतुर्ये प्रोक्षिताः स्यामग्ने वो जुष्ट-
 प्रोक्षाम्यग्नीषोमाभ्यां शनध्वं देव्याय कर्मणे देवयज्याया अवधूतश्शक्षोऽव-

धृता अरातयो ऽदित्यास्त्वर्गसि प्रति त्वा (१) पृथिवीवै त्वधिषवर्णमसि वानस्पत्यं
 प्रति त्वादित्यास्त्वर्गवै त्वग्रस्तनूरसि वाचो विसर्जनं देववीतये त्वा गृह्णाम्यद्विरसि
 वानस्पत्यः स इदं देवेभ्यो हव्यं सुशमिंशमिष्वेषमावदोर्जमावद द्युमद्वदत
 वयं संष्टातं जैष्म वर्षवृद्धमसि प्रति त्वा वर्षवृद्धं वेत्तु परापतूरक्षः परापता
 अरातयो रक्षसां भागः (२) असि वायुवो विचिनक्तु देवो वंः सविता हिर-
 ण्यपाणिः प्रतिगृह्णातु—११) [त्वा भाग एकादश च] ॥ ५ ॥ अव-
 धतूरक्षोऽवधृता अरातयो ऽदित्यास्त्वर्गसि प्रति त्वा पृथिवी वेत्तु दिवस्कम्भ-
 निरसि प्रति त्वादित्यास्त्वर्गवेत्तु धिषणासि पर्वत्या प्रति त्वा दिवस्कम्भनि-
 र्वेत्तु धिषणासि पर्वतेयी प्रति त्वा पर्वतिर्वेत्तु देवस्य त्वा सवितुः प्रसवे-
 ऽश्विनोर्बाहुभ्यो पूष्णो हस्ताभ्यामधिषवामि धान्यमसि धिनुहि देवान्

प्राणाय त्वा (१) अपानाय त्वा व्यानाय त्वा दीर्घामनु प्रसितिमायुषे धां देवो
 वः सविता हिरण्यपाणिः प्रतिगृह्णातु -- १५) [प्राणाय त्वा पञ्चदश
 च] ॥ ६ ॥ धृष्टिरसि ब्रह्मं यच्छापाग्नेऽग्निमासादं जहि निष्क्रव्यादं
 मेघाऽदेवयजं वह निर्वध रक्षो निर्दग्धा अरातयो ध्रुवमसि पृथिवीं दृ
 हायुर्देह प्रजां देह सजातानस्मै यजमानाय पर्यूह ध्रुवमस्यन्तरिक्षं दृ
 ह प्राणं देहापानं देहसजातानस्मै यजमानाय पर्यूह ध्रुवमस्यन्तरिक्षं दृ
 चक्षुः (१) दृह श्रोत्रं दृह सजातानस्मै यजमानाय पर्यूह धर्मसि
 दिक्षो दृह योनिं दृह प्रजां देह सजातानस्मै यजमानाय पर्यूह चितःस्थ
 प्रजामस्मै रयिमस्मै सजातानस्मै यजमानाय पर्यूह भग्नमाग्निं तपसा
 तप्यध्वं यानि धुमे कपालात्युपचिन्वन्ति वेधसः । पूष्णस्तान्यपि व्रत इन्द्र-

वायु विमुञ्चताम् ४८) [चक्षुरष्टाचत्वारिंशच्च] ॥ ७ ॥ संवपामि-
समापो अङ्गिरमत समोषधयो रसेन सखर्वतीर्जगतीभिर्मधुमतीभिः सृज्य-
ध्वमद्भ्यः परिप्रजाताः स्थ समद्भिः पृथग्ध्वं जनयत्यै त्वा संयौभ्यग्रयेत्वाऽग्नी-
षोमाभ्यां मुखस्य शिरोऽसि घर्मोऽसि विश्वायुरु रू प्रथस्वोरु ते युज्ञपतिः प्रथतां
त्वचं गृह्णीष्वान्तरितृक्षोऽन्तरिता अरातयो देवस्त्वा सविता (१) श्रपयतु
वर्षिष्ठे अधि नाकेऽग्निस्ते तनुवं मा प्रतिधाऽग्ने हव्यः रक्षस्व सं ब्रह्मणा पृथ्य-
स्वैकताय स्वाहा द्विताय स्वाहा त्रिताय स्वाहा—२२) [सविता द्वाविंश-
तिश्च] ॥ ८ ॥ आदद् इन्द्रस्य बाहुरसि दक्षिणः सहस्रभृष्टिः ज्ञतैजा
वायुरसि तिग्मतैजाः पृथिवि देवयजन्योषध्यास्ते मूलं मा हि सिषमपहतो-
ऽरुः पृथिव्यै व्रजं गच्छं गोस्थानं वपैतु ते द्यौर्विधान देव सवितः परमस्यो

परावर्ति शतेन पाशैर्योऽस्मान्देष्टु यश्च वयं हिष्मस्तमतो मा मौगपहतोऽरुः
 पृथिव्यै देवयजन्यै ब्रजम् (१) गच्छ गोस्थानं वर्षतु ते द्यौर्बधान देवसवितः पर-
 मस्यो परावर्ति शतेन पाशैर्योऽस्मान्देष्टु यश्च वयं हिष्मस्तमतो मा मौगपहतो-
 ऽरुः पृथिव्या अदेवयजनो ब्रजं गच्छ गोस्थानं वर्षतु ते द्यौर्बधान देवसवितः
 परमस्यो परावर्ति शतेन पाशैर्योऽस्मान्देष्टु यश्च वयं हिष्मस्तमतो मा (२) मौग-
 ररुस्ते दिवं माऽस्कान्वसवस्त्वा परिगृह्णन्तु गायत्रेण छन्दसा रुद्रास्त्वा परिगृह्णन्तु
 त्रैष्टुभेन छन्दसाऽऽदित्यास्त्वा परिगृह्णन्तु जागतेन छन्दसा देवस्य सवितुः सवेकम्
 कृण्वन्ति वेधसं ऋतमस्य तसदनमस्यत श्रीरसिधा असि स्वधा अस्युर्वी चासि
 वस्वी चासि पुरा ऋरस्य विसृषो विरुग्निन् (३) उदादायं पृथिवीं जीरदानुयामैर-
 यश्चन्द्रमसि स्वधाभिस्तां धीरांसो अनुहृदयं यजन्ते -- ११) [देवयजन्यै ब्रजं

तमतोमा विरिञ्चिन्नेकादश च] ॥ ९ ॥

प्रथुष्टुःक्षः प्रत्युष्टा अरात-
योऽग्नेर्वस्तेजिष्ठेन तेजसा निष्ठपामि गोष्ठं मा निर्मैक्षं वाजिनं त्वा सपत्न-
साहसंमाज्जिम् वाचं प्राणं चक्षुः श्रोत्रं प्रजां योनिं मा निर्मैक्षं वाजिनीं त्वा
सपत्नसाहीः संमार्ज्याशासना सौमनसं प्रजासौभाग्यं तनूम् । अग्नेरनु-
व्रताभूत्वा सन्नह्ये सुकृताय कम् । सुप्रजसंस्त्वा वयसुपत्नोरुप (१) सेदिम ।
अग्ने सपत्नदम्भनमदब्धासो अदाभ्यम् । इमं विष्यामि वरुणस्य पाशं यमव-
धीत सविता सुकेतः ॥ धातुश्च योनौ सुकृतस्य लोके स्योनं मे सह पत्यां
करोमि । समार्युषा सम्प्रजया समग्ने वचसा पुनः । सम्पत्नी पत्याहं गच्छे
समात्मा तनुवा मम । महीनां पयोस्योर्बधीनाः रसस्तस्य तेक्षीयमाणस्य
निः (२) वपामि महीनां पयोस्योर्बधीनाः रसोऽदब्धेन त्वा चक्षुषाऽवेक्षे

सुप्रजास्त्वाय तेजोऽसि तेजोऽनुप्रेह्यगिरते तेजो मा विनैदग्नेजिह्वासि सुभदेवानां
वाग्ने धाम्ने देवेभ्यो यजुषे यजुषे भव शूकर्मसि ज्योतिरसि तेजोऽसि देवो वः
सवितोर्तुना त्वच्छिद्रेण पवित्रेण वसोः सूर्यस्य रश्मिभिः शूकम् (३) त्वा
शूक्रायां धाम्ने धाम्ने देवेभ्यो यजुषे यजुषे गृह्णामि ज्योतिस्त्वा ज्योतिष्यार्चि-
स्त्वा चिचि धाम्ने धाम्ने देवेभ्यो यजुषे यजुषे गृह्णामि—१६ [उपनिःशूक्र
पोदश च] ॥ १० ॥ कृष्णोऽस्याखरेष्ठोऽग्र्ये त्वा स्वाहा वेदिरसि
वर्हिषे त्वा स्वाहा बर्हिरसि सुग्भ्यस्त्वा स्वाहा दिवे त्वान्तरिक्षाय त्वा पृथिव्यै
त्वा स्वधा पितृभ्य ऊग्भैव बर्हिषद्वा ऊर्जा पृथिवीं गच्छत विष्णोस्तूपोऽस्य-
र्णां च दसं त्वा स्तृणामि स्वासुस्थं देवेभ्यो गन्धर्वोऽसि विश्वावसुर्विश्वस्मादी-
पतो यजमानस्य परिधिरिड ईडित इन्द्रस्य ब्राहुरसि (१) दक्षिणो यजमा-

नस्य परिधिर्इडिडितो मित्रावरुणौ त्वोत्तरतः परिधत्तां ध्रुवेण धर्मणा यज्ञ-
 मानस्य परिधिर्इडिडितः सूर्यस्त्वा पुरस्तात् पातु कस्यांश्चिदभिर्गस्त्या
 वीतिर्होत्रं त्वा कवे द्युमन्तः समिधीमह्यग्रे बृहन्तमध्वरे विशो यन्त्रे स्थो-
 वर्मना रुद्राणामादित्यानां सदासि सीद जुहुरुपभृदध्रुवासि धृताची नाम्नां
 प्रियेण नाम्नां प्रिये सदासि (२) सीदैता असदन् सुकतस्य लोके ता विष्णो
 पाहि पाहि यज्ञं पाहि यज्ञपतिं पाहि मां यज्ञमिमम् १५) (असि सदासि
 पञ्चदश च) ॥ ११ ॥ भुवनमसि विप्रथस्वाग्ने यष्टरिदं नमः । जुह्व ह्यग्नि-
 स्त्वाह्वयति देवयज्याया उपभेदि देवस्त्वा सविताह्वयति देवयज्याया अग्ना-
 विष्ण मा वामवक्रमिषं विजिहाथां मा मा सन्तांसं लोकं मे लोककृतौ कुरुतं
 विष्णोः स्थानमसीत इन्द्रो अकणोद्दीर्याणि समारभ्योर्ध्वो अध्वरोदिविस्पृशम-

हुतो (१) यज्ञो यज्ञपतिरिन्द्रावान्स्वाहा बृहद्वाः पाहि माग्ने दुश्चरितादामा-
 सुचारिते भजमखस्य शिरोऽसि सं ज्योतिषा ज्योतिरङ्गाम् २१) (अहंत-
 एकंविः शतिश्च) ॥ १२ ॥ वाजस्य मा प्रसवेनाद्ग्राभेणोदग्रभीत ।
 अथा सपत्ना रुद्रो मे निग्राभेणार्धरा अकः । उद्ग्राभश्च निग्राभश्च
 ब्रह्म देवा अवीवृधन् । अथा सपत्नानिन्द्राग्री मे विषूचीनान् व्यस्य-
 ताम् । वसुभ्यस्त्वा रुद्रभ्यस्त्वाऽदित्येभ्यस्त्वाऽक्तः रिहाणा वियन्तु वयः ।
 प्रजां योनिं मा निर्मृक्षमाप्यायन्तामापु ओषधयो मरुतां पृषतयस्य
 दिवम् (१) गच्छ ततो नो वृष्टिमेरय । आयुष्पा अग्नेस्यायुर्मे पाहि
 चक्षुष्पा अग्नेऽसि चक्षुर्मे पाहि ध्रुवासि यं परिधिं पर्यधत्था अग्ने देव पणि-
 भिर्वीयमाणः । तं त एतमनु जोषं भरासि नेदेष त्वदपचेतयाते यज्ञस्य पाथ-

उपसमितं सः स्रावभागास्थेषा बृहन्तः प्रस्तरेश्वा वहिषदश्च (२) देवा इमा
 वाचंमभिविश्वे गणन्त आसद्यास्मिन्वहिवि मादयध्वमधेर्वा मर्पन्नगृहस्य
 सदसि सादयामि सुन्नाय सुन्निनी सुन्ने मां धत्तं धुरि धुर्यो पातमग्रेऽदब्धायो-
 ऽशीततनो पाहि माऽद्य दिवः पाहि प्रसित्यै पाहि दुरिष्ठ्यै पाहि दुरिष्ठ्यै पाहि
 दुश्चरित्तादीवपं नः पितुं कुणु सुषदा योनिः स्वाहा देवां गातुविदो गातुं वित्वा
 गातुम् (३) इतमनसस्पत इमं नो देव देवेषु यज्ञं स्वाहा वाचि स्वाहा
 वातैघाः—१३ (दिवंश्च गातुं त्रयोदश च) ॥ १३ ॥ उभा वामि-
 न्द्राग्नी आहुवध्या उभा राधंसः सह मादयध्वै । उभा दातारा विषा रयी-
 णामुभावाजस्य सातये हुवे वाम् । अश्रव हि भूरिदावचरा वां विजामातु-
 रुत वां घा स्यालात् । अथा सोमस्य प्रयंती युवभ्यामिन्द्राग्नी स्तोमं जन-

यामि नव्यम् । इन्द्राग्नी नवतिं पुरो दासपत्नीरधूनुतम् । साकमेकैनु कर्मणा ।
 शुचिनु स्तोमं नवजातम्येन्द्राग्नी वृत्रहणा जुषेथाम् । (१) उभा हि वा
 महवा जोहवीमि ता वाजसद्य उशते धेष्ठा । वयमु त्वा पथस्पते रथं न
 वाजसातये । धिये पृषन्न युज्महि । पथस्पथः परिपतिं वचस्था कामेन कृतो
 अभ्यानङ्कम् । स नो रासच्छुरुधश्चन्द्राग्रा धियं धियः सीषधाति प्रपृथा ।
 क्षेत्रस्य पतिना वयः हितेनैव जयामसि । गामश्वं पोषयित्वा स नः (२)
 मडातीदृशे । क्षेत्रस्य पते मधुमन्तमामि धेनुरिव पयो अस्मासु धुक्ष्व । मधु-
 श्वतं द्युतमिव सुपूतमतस्य नः पतयो मडयन्तु । अग्रे नयं सुपथा राये
 अस्मान् विश्वानि देववयुनानि विद्वान् । युयोधस्मजुहुराणमेनो भयिष्ठां
 ते नम उक्ति विधेम । आ देवानामपि पन्थामगन्म यच्छक्रवाम तदनु प्रवो-

दुम् । अग्निर्विद्वान्सयजात् (३) सेदु होता सो अध्वरान् स ऋतून् कल्प-
याति । यद्वाहिंष्टं तदग्नये बृहदंर्च विभावसो । महिषीव त्वद्रयिस्त्वद्वाजा
उदीरते । अग्ने त्वं पारया नव्यो अस्मान्स्वस्तिभिरतिदुर्गाणि विश्वा । पश्वे
पृथ्वी बंहुला न उर्वी भवा तोकाय तनयाय शंयोः । त्वमग्ने व्रतपा असि
देव आ (४) मर्त्येष्व । त्वं युज्ञेष्वीडयः । यद्वो वयं प्रमिनामं व्रतानि
विदुषां देवा अविदुष्टरासः । अग्निष्टद्विष्वमार्पणाति विद्वान् येभिर्देवाः ऋतुभिः
कल्पयाति—२३) [जुषेथां नो यजादा त्रयो विश्शतिश्च] ॥ १४ ॥
इषे (४३) युज्ञस्य (८८) शुन्धध्वं (५८) कर्मणे (१६) देवो (१११)
ऽवधूतं (६५) घृष्टिः (१८) स (७२) माददे (१६१) प्रत्युष्टं
(१६६) कृष्णो (११५) भुवन् (७१) वार्जस्योभा (१६३) (२२३)

चतुर्दश (१५३०) ॥ १४ ॥ इति तैत्तिरीयसंहितायां प्रथमकाण्डे
प्रथमप्रपाठकः सम्पूर्णः ॥

ॐ आपं उन्दन्तु जीवसे दीर्घायुत्वाय वचस ओषधे त्रायस्वैनस्वधिते
मैनस्विहिंसर्दिवाश्रू रेतानि प्रवपेस्वस्त्युत्तराण्यशीयाऽपो अस्मान् मातरः
शुन्वन्तु घृतेन नो घृतपुवः पुनन्तु विश्वमस्मत् प्रवहन्तु रिप्रमुदोभ्यः शुचिरा
पत एमि सोमस्य तनूरसि तनुव मे पाहि महीनां पर्योऽसि वचोवा असि
वचः (१) मयि धेहि वृत्रस्य कनीनिकाऽसि चक्षुष्या असि चक्षुर्मे पाहि
चित्पतिस्त्वा पुनातु वाक्पतिस्त्वा पुनातु देवस्त्वा सविता पुनात्वच्छिद्रेण
पवित्रेण वसोः सूर्यस्य रश्मिभिस्तस्य ते पवित्रपते पवित्रेण यस्मैक पुने
तच्छेकेयमावो देवास ईमहे सत्यधर्माणो अध्वरे यद्वो देवास आगुर यज्ञि-

यासो हवामह इन्द्राग्नी द्यावापृथिवी आप ओषधीः (२) त्वं दीक्षाणामधिप-
तिरसीह मासन्तं पाहि—८) [वचं ओषधीरष्टौ च] ॥ १ ॥ आकूत्यै प्रयु-
जे ऽग्रेये स्वाहां मेधायै मनसे ऽग्रेये स्वाहां दीक्षायै तर्पसे ऽग्रेये स्वाहा सर-
स्वत्यै पूष्णे ऽग्रेये स्वाहा ऽपौ देवीर्वृहती विश्वशम्भुवो द्यावापृथिवी उर्वन्त-
रिक्षं बृहस्पतिर्नो हविषां वृधातु स्वाहा विश्वे देवस्य नेतुर्मतो वृणीत सुख्यं
विश्वे राय इषुध्यासि द्युन्नं वृणीत पुष्यसे स्वाहं कर्त्तामयोः शिल्पस्थस्ते वामा-
ग्ने ते मां (१) पातमास्य युज्ञस्योह च इमां वियः शिक्षमाणस्य देवक्रते
दक्षं वरुण सः शिक्षाधि ययाति विश्वां दुरिता तरेम सुतमौणमधि नावः
रुहेर्मोगस्यागिरस्यूर्ध्वदा ऊर्जं मे यच्छ पाहि मा मा मां हिंसीविष्णोः
शर्मासि शर्म यजमानस्य शर्म मे यच्छ नक्षत्राणां मातीकाशात्

पाहीन्द्रस्य योनिरसि (२) मा मा हिंसीः कृष्यै त्वा ससस्यायै
 सुपिपलाभ्यस्त्वौषधीभ्यः सूपस्था देवो वनस्पतिरूध्वो मा पाह्योद्वचः
 स्वाहा यज्ञं मनसा स्वाहा द्यावापृथिवीभ्यां स्वाहोरोरन्तरिक्षात्स्वाहा यज्ञं
 वातादारभे—३०) [मा योनिरसि त्रिशब्द] ॥ २ ॥ देवीन्वियं
 मनामेहे सुमृदीकामभिष्टये वर्चोधां यज्ञवाहसः सुपारा नो अमृदशो । ये
 देवा मनोजाता मनोयुजः सुदक्षा दक्षपितारस्ते नः पान्तु ते नोऽवन्तु तेभ्यो
 नमस्तेभ्यः स्वाहाग्ने त्वं सुजागृहि वयं सुमन्दिषीमहि गोपाय नः स्वस्तये
 प्रबुधे नः पुनर्ददः । त्वमग्ने व्रतपा असि देव आमत्येष्वाम् । त्वं (१) यज्ञे-
 ष्वीड्यः । विश्वे देवा अभि मामाऽववृत्रन् पूषा सत्या सोमो राधसा देवः
 सविता वसोर्विसुदावा रास्वेयत्सोमाभूयो भर मा पुणन् पुत्या विराधि माह-

मारुषा चन्द्रमसि मम भोगाय भव वलमसि मम भोगाय भवोत्सासि मम
 भोगाय भव हयौऽसि मम भोगाय भव (२) छागौऽसि मम भोगाय भव
 मेघौऽसि मम भोगाय भव वायवे त्वा वरुणाय त्वा निऋत्यै त्वा रुद्राय त्वा
 देवीं रापो अपां नपाद्य ऊर्मिर्हविष्य इन्द्रियावांन्मदिन्तमस्तवो मा ऽवक्रमिष्य-
 मच्छिन्नं तन्तु पृथिव्या अनुं गेष् भद्रादभि श्रेयः प्रेहि बृहस्पतिः पुर एता ते
 अस्त्वथेमवस्य (३) वरु आ पृथिव्या आरे शत्रून् कुण्णि सर्ववीर एदम-
 गन्म देवयजनं पृथिव्या विश्वे देवा यदजुषन्त पूर्वे क्रक्सांमाभ्यां यजुषा
 सन्तरन्तो रायस्पोषेण समिषा मदेम—(२५) [त्वं भव स्य पञ्चविंश-
 तिश्च] ॥ ३ ॥ इयन्ते शुक्रतनूरिदं वर्चस्तया सम्भव भ्राजं गच्छ जूरसि
 धृता मनसा जुष्टा विष्णवे तस्यांस्ते सत्यसंवसः प्रसवे वाचो यंत्रमंशीय

स्वाहा शुक्रमस्यमृतमसि वैश्वदेवः हविः सूर्यस्य चक्षुरारुहमग्रेक्षणः कनी-
 निंकां यदेतंशोऽभिरियसे भ्राजमानो विपश्चिता चिदसि मनासि धीरसि
 दक्षिणा (१) असि यज्ञियासि क्षत्रियास्यदितिरस्यभयतः शीर्ष्णी सानः
 सुप्राची सुप्रतीची सम्भव मित्रस्त्वां पदि बभ्रातु पूषाऽध्वनः पत्विन्द्राया
 ध्यक्षायां त्वा माता मन्यता मनु पिताऽनु भ्राता सगर्भ्योऽनु सखा सयूथ्यः
 सा देवि देव मच्छेहीन्द्राय सोमः रुद्रस्त्वाऽऽवर्तयतु मित्रस्य पथा स्वस्ति
 सोम सखा (२) पुनरेहिं सहर्था—५) [दक्षिणा सखा पञ्च च] ॥ ४ ॥
 वस्यसि रुद्रास्यदितिरस्यादित्यासि शुक्रासि चन्द्रासि बृहस्पतिस्त्वा
 सुस्त्ररणवतु रुद्रो वसुभिराचिकेतु पृथिव्यास्त्वा मर्धन्नाजिघाभिं देवयजन-
 इडायाः पदे घृतवति स्वाहा परिलिखितः रक्षः परिलिखिता अरांतय

इदमह॑रक्ष॑सो ग्री॒वा अपि॑ क॒न्तामि॒ योऽस्मान्द्वेष्टि॑ यश्च॒ वयं॑ द्विष्ट॑म॒
इदम॑स्य ग्री॒वाः (१) अपि॑ क॒न्ताम्यस्मे॒ राय॑स्त्वे राय॑स्तो ते रायः॒ सन्दे॑-
विदे॒व्योर्वश्या॑ पश्य॑स्व त्वष्टी॑मतीते सपेय॑ सुरेता॒ रेतो॑ दधाना वीरं॑ विदेय॒ तवं
संह॒शिमा॒हः राय॑स्पोषेण॒ वियोपं॑—२१) [अस्य॒ ग्री॒वा एका॒न्नत्रि॑ंशच्च॒] ॥ ५ ॥

अ॒शुना॑ते अ॒शुः पृ॒थ्वतां॑ प॒रुषा॑ प॒रुर्गन्ध॑स्ते का॒र्मम॑वतु मदा॑य॒ रसो॒
अव्यु॑तोऽमा॒त्योऽसि॑ शु॒क्रस्ते॒ ग्रहो॑ ऽभित्यं॒ देवः॑ स॒वितार॑म॒ण्योः क॒विक्र॑तुम॒-
चीमि॑ स॒त्यस॑वस॒ रत्न॑धाम॒भिप्रि॑यं म॒तिम॒ध्वा यस्या॑म॒तिर्भा॑ अ॒विद्यु॑त्त॒सवी॒-
मनि॑ हिर॑ण्यपा॒णि रमि॑मीत सु॒क्रतुः॑ क॒पासु॑र्वः । प्र॒जाभ्य॑स्त्वा प्रा॒णाय॑ त्वा
व्या॒नाय॑ त्वा प्र॒जास्त्वम॑नु॒ (१) प्राणि॑हि प्र॒जास्त्वाम॑नुप्रा॒णन्तु॑ (७) [अ॒नुस॑स॒-
चं] ॥ ६ ॥ सोम॑ ते क्रीणा॒म्यज॑स्वन्तं प॒र्यस्व॑न्तं वी॒र्यो॑वन्तम॒भिमा॑ति-

पाहःशुक्रं ते शुक्रेण क्रीणामि चन्द्रं चन्द्रेणामृतममृतेन सम्यत्ते गोरस्मे
 चन्द्राणि तपसस्तनूंसि प्रजापतेर्वर्णस्तस्यास्ते सहस्रवोषं पुष्यन्त्याश्चरमेण
 पशूनां क्रीणाम्यस्मे ते बन्धुर्मयि तेरायः श्रयन्तामस्मे ज्योतिः सोमविक्र-
 यिणि तमो मित्रो न एहि सुमित्रया इन्द्रस्योरुं (१) आविशा दक्षिणमु-
 शन्नुशान्तं स्योनः स्योनः स्वानम्राजाङ्गारे बभभारे हस्त मुहस्त कुशानवेते
 वः सोमक्रयणास्तान् रक्षध्वं मा वो दभन्—२२) [ऊरुं द्वाविंशतिश्च] ॥ ७ ॥

उदायुषा स्वायुषोदोषधीनां रभेनोत्पुर्जन्यस्य शुष्मेणोदस्थाममृतां
 अन्तु । उर्वन्तरिक्षमन्विह्यदित्याः सद्योस्यदित्याः सद आसीदास्तं भ्राद्यामृषभो
 अन्तरिक्षमभिमीत वरिमाणं पृथिव्या आसीदद्विध्या भुवनानि स्रष्टाद्विधेचानि
 वरुणस्य व्रतानि वनेषु व्यन्तरिक्षं ततान् वाजमवत्सु पयो अघ्नियासु हत्सु

(१) ऋतुं वरुणो विक्ष्वभिं विविसूयमदधात् सोममद्रावुदृत्यं जातवेदसं देवं वहन्ति केतवः । दृशे विश्वाय सूयम् । उम्रावेतं धूर्गाहावनश्रू अवीरहाणौ ब्रह्म चोदनौ वरुणस्य स्कम्भनमसि वरुणस्य स्कम्भसर्जनमसि प्रत्यस्तो वरुणस्य पार्श्वः—३५) [हृत्सु पञ्चत्रिंशच्च] ॥ ८ ॥ प्रच्यवस्व भुवस्पते विश्वान्यभिधामानि मा त्वा परिपरी विदन्मा त्वा परि पृथिनो विदन्मा त्वा वृका अघायवो मा गन्धर्वो विश्वावसुरादघच्छेनो भूत्वा परापत यजमानस्य नो गृहे देवैः सः स्कृतं यजमानस्य स्वस्त्ययन्यस्यपि पन्थामग स्महि स्वस्तिगामनेहसं येन विश्वाः परिद्विषो वृणक्ति विन्दते वसु नमो मित्रस्य (१) वरुणस्य चक्षसे महो देवाय तदृतं संपर्यत दूरे दृशे देवजाताय केतवे दिवस्पुत्राय सूर्याय शः सत वरुणस्य स्कम्भनमसि वरुणस्य स्कम्भसर्जन-

मस्युन्मुक्तो वरुणस्य पार्श्वः (२३) [मित्रस्य त्रयोविंशतिश्च] ॥ ९ ॥

अभेरातिथ्यमसि विष्णवे त्वा सोमस्यातिथ्यमसि विष्णवे त्वाऽतिथेराति-
थ्यमसि विष्णवे त्वाऽग्र्ये त्वा रायस्पोषदात्रे विष्णवे त्वा ज्येनाये त्वा सोम-
भूते विष्णवे त्वा या ते धामानि हविषा यजन्ति ता ते विश्वा परिभूरस्तु यज्ञं
गंयस्फानः प्रतरणः सुवीरोऽवीरहा प्रचरा सोम दुर्यानदित्याः सदोस्यदित्याः
सद आ (१) सीद वरुणोऽसि धृतव्रतो वारुणमसि शंयोर्देवानां सुख्यान्मा
देवानामपसंच्छित्समुह्यापतये त्वा गृह्णामि परिपतये त्वा गृह्णामि तनूनहत्रे
त्वा गृह्णामि शाकुराय त्वा गृह्णामि शकमन्नोजिष्ठाय त्वा गृह्णाम्यनाधृष्टमस्य-
नाधृष्टं देवानामोजोऽभिशास्तिषा अनभिशस्तेऽन्यमनु मे दीक्षां दीक्षापति-
र्मन्यतामनु तपस्तपस्पतिरजसा सत्यमुपगेषसुविते मां (२) धाः--१] [आ-

मैकं च ॥ १० ॥ अ॒शु॒रः शु॒स्ते दे॒व सो॒मा॒प्या॒य॒ता॒मिन्द्रा॒यै॒क॒ध॒न॒वि॒द् आ
तु॒भ्य॒मिन्द्रः॒ प्या॒य॒ता॒मा त्व॒मिन्द्रा॒य॒प्या॒य॒स्वा॒प्या॒य॒य॒ स॒खी॒न्स॒न्या॒ मे॒ध॒या॒ स्व॒स्ति
ते॒ दे॒व सो॒म सु॒त्या॒म॒श॒यि॒ष्टा रा॒यः प्रे॒षे भ॒गा॒य॒ते॒मृ॒त॒वा॒दि॒भ्यो॒ नमो॑ दि॒वे नमः
पृ॒थि॒व्या अ॒ग्ने॒ व्र॒त॒प॒ते॒ त्वं व्र॒त॒नां व्र॒त॒प॒ति॒रसि॒ या म॒म त॒नू॒षा सा त्व॒रि॒यि (१)
या त॒वं त॒नू॒रि॒य॒सा म॒रि॒य॒ स॒ह नो॑ व्र॒त॒प॒ते व्र॒ति॒नो॒र्व्र॒त॒ानि॒ या ते॑ अ॒ग्ने रु॒द्रि॒या
त॒नू॒स्त॒र्या नः॒ पा॒हि॒ त॒स्या॒स्ते॒ स्वा॒हा या ते॑ अ॒ग्ने या॒ज्ञा॒या र॒जा॒ज्ञा॒या ह॒रा॒ज्ञा॒या
त॒नू॒र्व॒रि॒ष्टा ग॒ह्व॒रे॒ष्टो॒ऽग्रं ब॒चो॒ अपा॑व॒धी॒ त्वेषं॑ व॒चो॒ अपा॑व॒धी॒ स्वा॒हा—४०)
[त्व॒रि॒यि च॒त्वारि॒ऽश॒च्च] ॥ ११ ॥ वि॒त्ता॒र॒य॒नी मे॒ऽसि॒ ति॒क्ता॒र॒य॒नी मे॒ऽस्य
व॒त॒ान्मा ना॒थि॒त॒म॒व॒त॒ान्मा व्य॒थि॒तं वि॒दे॒र॒ग्नि॒र्न॒भो॒ना॒मा॒ग्ने अ॒ंगि॒रो यो॒ऽस्यां
पृ॒थि॒व्या॒म॒स्या॒रु॒षा ना॒स्ने हि॒ य॒त्ते॒ज्जा॒धृ॒ष्टं ना॒म॒ य॒ज्ञि॒यं ते॒न॒ त्वा॒ऽऽ॒द॒वे॒ऽग्ने अ॒ंगि॒रो

यो द्वितीयस्यां तृतीयस्यां पृथिव्यामस्यायुषा नाम्नेहि यत्तेऽनाधृतं नामं (१)
 यज्ञियं तेन त्वाऽऽदधे सि॒ःहीर॑सि महि॒रीर॑स्यूरु प्रथस्वोरु ते य॒ज्ञप॑तिः प्रथतां
 ध्रुवा॑सि दे॒वेभ्यः॑ शुन्धस्व दे॒वेभ्यः॑ शुम्भस्वेन्द्रघोषस्त्वा वसु॑भिः पुरस्तात् पात॑
 मनोज॑वास्त्वा पित॑र्भिर्दक्षिणतः पात॑ प्रचे॒तास्त्वा रु॒द्रैः प॒श्चात् पात॑ विश्वक॑मा
 त्वाऽऽदि॒त्यैरु॑त्तरतः पात॑ सि॒ःहीर॑सि सप॒त्नसा॑ही स्वाहा॑ सि॒ःहीर॑से सु॒ग्रजा॑-
 वनिः॒ स्वाहा॑ सि॒ःहीः (२) असि॒ राय॑स्यो॒षव॑निः स्वाहा॑ सि॒ःहीर॑स्यादि॒-
 त्यव॑निः स्वाहा॑ सि॒ःहीर॑स्याव॑ह दे॒वान् दे॒वय॑ते यज॑मानाय॒ स्वाहा॑ भ॒क्ते-
 भ्य॑स्त्वा वि॒श्वायु॑रसि पृथि॒वीं दृ॒ह द्रु॒वक्षि॑दस्यन्तरि॒क्षं दृ॒हाव्यु॑तक्षि॒दसि॒ दि॒वं
 दृ॒हो॒ग्नेर्भ॑स्मा॒स्यग्नेः॑ पु॒रीष॑मसि—३५ [नाम॑सि॒ःहीः प॒ञ्चवि॒ंशच्च] ॥१२॥
 य॒ज्ञते॒ मन॑ उ॒त य॒ज्ञते॒ धियो॒ वि॒प्रा वि॒प्रस्य॑ बृ॒हतो वि॑प॒श्चितः॑ । वि॒ हो॒त्रा ।

दधे वयुनाऽविदेक इन्महो देवस्य सवितुः परिप्लुतिः । सुवाग्देव दुर्याऽआवदे
 देव श्रुतौ देवेष्ववाधेयिथामा नो वीरो जायतां कर्मण्योऽयस्सर्वेऽनुजीवांस
 यो बहूनामसदृशी । इदं विष्णुर्विचक्रमे त्रेधा निदधे पदम् । समूहमस्य (१)
 पाशुर इरावती धेनुमती हि भूतस्सयवसिनी मनवे यज्ञस्ये । व्यस्कभ्राद्रो-
 दंसी विष्णुरेते दाधारं पृथिवीमभितो मयूखैः । प्राची प्रेतमध्वरं कल्पयन्ती
 ऊर्ध्वं युज्ञं नैषतं माऽजीह्वरतमत्र रमेथां वष्मन् पृथिव्या दिवो वा विष्णवृत
 वा पृथिव्या महो वा विष्णवृत वान्तरिक्षाद्वस्तौ पृणस्व बहुभिर्वसवैरा-
 प्रयच्छ (२) दक्षिणादोत सव्यात् । विष्णोर्नृकं वीर्याणि प्रवोचं यः पार्थि-
 वानि विममे रजांसि यो अस्कं भायदुत्तरस्सधस्थं विचक्रमाणस्त्रेवोहंगयो
 विष्णोः रराटमसि विष्णोः पृष्ठमसि विष्णोः शन्यद्वैस्थो विष्णोः स्यूरसि

विष्णोर्ध्रुवर्मसि वैष्णवर्मसि विष्णवे त्वा—३९) [अस्य यच्छैकात्रचत्वारि-
 शच्च] ॥ १३ ॥ कण्व पाजः प्रसितिं न पृथ्वीं याहि राजेश्वरमा-
 इभेन । तृष्णीमनु प्रसितिं द्रूणानोऽस्तांसि विध्यं रक्षस्वस्तपिष्ठैः । तव भ्रमासं
 आशुया पतन्यनुस्पृश धृषता शोशुचानः । तपश्यग्रे जुह्वां पतंगानसन्दिनो
 विमृजुं विष्वगुल्काः । प्रति स्पशो विमृजुं तूर्णितमो भवां पायुर्विशो अस्या
 अददधः । यो नो दरे अग्रशःसः (१) यो अन्यग्रे माकिष्टु व्यथिरादधर्षीत् ।
 उदग्रे तिष्ठ प्रत्यातं नूष्वन्यमित्राः ओषतात् तिग्महेते । योनो अरातिस्वमि-
 धान चक्रे नीचा तं धक्षयत् सन्न शुष्कम् । ऊर्ध्वो भव प्रतैविध्याऽध्यऽस्म-
 दाविष्कण्णं दैव्यान्यग्रे । अवस्थिरा तनुहि यातजूनो जामिमजांसि प्रम-
 जीहि शत्रून् । स ते (२) जानाति सुमतिं यविष्ठ य ईवते ब्रह्मणे गातु-

मैरुत् । विश्वा न्यस्मै सुदिनानि रायो द्युन्नान्यर्यो विदुरो अभि द्यौत् । सर्वमे
 अस्तु सुभगः सदानुर्यस्वा नित्येन हविषा य उक्यैः । पिप्रीषति स्व आर्गुदि
 दुरोणे विश्वेदस्मै सुदिना सासदिष्टिः । अर्चामि ते सुमतिं घोष्यर्वाक् सं ते
 वावातां जरताम् (३) इयं गीः । स्वश्वास्त्वा सुरथां मर्जेयमास्मे क्षत्राणि
 धारयेरनुद्यून् । इह त्वा भूर्यचरेदुषु तमन् दोषावस्तर्दीदिवाऽसमनुद्यून् ।
 क्रीडन्तस्त्वा समनसः सपे माभि द्युन्नातस्थिवाऽसो जनानाम् । यस्त्वा
 स्वश्वः सुहिरण्यो अग्न उपयाति वसुमता रथेन । तस्य त्राता भवसि तस्य
 सखा यस्त आतिथ्यमानुषग जुजोषत् । महो रुजामि (४) बन्धुता वचो-
 भिस्तन्मा पितुर्गोतमादन्वेयाय । त्ववो अस्य वर्चसश्चिकिद्भि होतर्ग्यविष्ट
 सुक्रतो दर्मनाः । अस्वप्रजस्तरण्यः सुशेवा अतन्द्रासोऽवका अश्रमिष्ठाः ।

ते पायवः सधियश्चो निषद्याग्ने तव नः पान्त्वमर । ये पायवो मामनेयन्ते
 अग्ने पश्यन्तो अन्धं दुरितादरक्षन् । ररक्षु ताव सुकृतौ विश्ववेदा दिप्सन्त
 इद्विषवो ना ह (५) देभुः । त्वया वयं संधन्यस्त्वोतास्तव प्रणीत्यश्याम
 वाजान् । उभा शस्सां सृदय सत्यतातेऽनुष्ठुया कुण्डुहवाण । अया ते अग्ने
 समिधां विधेम प्रतिस्तोमं शस्यमानं गृभाय । दहाशसो रक्षसः पाह्यस्मान्
 दुहो निदो मित्रमहो अवद्यात् । रक्षोहणं वाजिनमाजिघर्षि मित्रं प्रथिष्ठमुप
 यामि शर्म । शिशानो अग्निः क्रतुभिः समिद्धः स नो दिवा (६) सरिरः पातु
 नक्तम् । वि ज्योतिषा बृहता भान्यग्निराविर्विश्वा नि कुणुते महित्वा । प्रादेवी-
 मायाः संहते दुरवाः शिशीतु गृह्णेरक्षसे विनिक्षे । उत स्वानासो विविषन्त्वग्ने-
 रितरमार्युधा रक्षसे हन्तुवा उ । मदैविदस्य प्ररुजन्ति भामा न वरन्ते परि-

वाधो अदेवीः—४१) [अथशंसः स ते जरता रुजामि ह द्विकंचत्वारिशच्च] ॥ १४ ॥ आप (१०८) आकृत्यै (१३०) देवी (१७५) मियं (१०५) वस्य (७९) शुना (५७) सोम (७२) मु (८५) त्पा (७३) मे (१०१) रशु (९०) विचार्यनी (१३५) युजते (१३९) कण्व (३४१) चतुर्दश (१६९०) ॥ १४ ॥ इति तैत्तिरीयसंहितायां प्रथमकाण्डे द्वितीयः प्रपाठकः ॥

ॐ देवस्य त्वा सवितुः प्रमेवेऽश्विनोर्बाहुभ्यां पृष्णो हस्ताभ्यामादेदे भिरसि नारिरासि परि लिखितरक्षःपरिलिखिता अरातय दमह रक्षसो ग्रीवा अपि कन्तामि योऽस्मान् देष्टि यश्च वयं द्विष्म इदमस्य ग्रीवा अपि कन्तामि द्विने त्वान्तरिक्षाय त्वा पृथिव्यै त्वा शुन्यतां लोकः पितृवद्वनो

यवोऽसि यवयास्मेद्वेषः (१) यवयाऽरातीः पितृणाः सदनमस्युद्विवं
 स्तभानान्तरिक्षं पृण पृथिवीं हः द्युतानस्त्वा मारुतो भिनोतु मित्रावरुणयो-
 ध्रैवेण धर्मणा ब्रह्मवर्तिं त्वा क्षत्रवर्तिः सुप्रजावर्तिः रायस्पोषवर्तिं पर्यहामि
 ब्रह्मां हः हः क्षत्रं हः हः प्रजां हः हः रायस्पोषं हः हः घृतेन द्यावापृथिवी आप-
 णेथामिन्दस्य सदोऽसि विश्वजनस्य छाया परि त्वा गिर्वणो गिरं इमाः
 (२) भवन्तु विश्वतो वृद्धायुमनुवृद्धयो जुष्टां भवन्तु जुष्टय इन्द्रस्य स्यूरसी-
 न्द्रस्य ध्रुवमस्यैन्द्रमसीन्द्राय त्वा—१८) [द्वेष इमा अष्टादश च] ॥ १ ॥
 रक्षोहणो वलगहनो वैष्णवान् खनामीदमहं तं वलगमुह्वयामि यं नः
 समानो यमसमानो निचखानेदमेनमधरं करोमि यो नः समानो योऽसमानो
 ऽरातीयति गायत्रेण छन्दसाऽवबाहो वलगः किमत्र भद्रं तनौ सह विराडसि

सपत्नहा सप्राडसि भ्रातृव्यहा स्रराडस्यभिमातिहा विश्वाराडसि विश्वासा
 नाष्ट्राणां हन्ता (१) रक्षोहणौ वलगुहणः प्रोक्षामि वैष्णवान्रक्षोहणौ
 वलगुहणोऽवनयामि वैष्णवान् यवोऽसि यवयास्मद्व्यो यवया रांती रक्षोहणौ
 वलगुहणोऽवस्तृणामि वैष्णवान्रक्षोहणौ वलगुहणोऽभिजुहोमि वैष्णहनात्र-
 रक्षोहणौ वलगुहणानुपदधामि वैष्णवी रक्षोहणौ वलगुहणौ पर्युहामि वैष्णवी
 रक्षोहणौ वलगुहणौ परिस्तृणामि वैष्णवी रक्षोहणौ वलगुहणौ वैष्णवी
 बृहद्वसि बृहद्राया बृहतीमिन्द्राय (२) वाचं वद—२) [हन्तेन्द्राय
 दे च] ॥ २ ॥ विभरसि प्रवाहणो वह्निरसि हव्ययाहनः श्वान्नोऽसि
 प्रचेतास्तुर्योऽसि विश्ववेदा उशिगंसि कविरंधारिरसि बभ्रारिरवस्युरसि
 दुर्वस्वान्धुर्यसि मार्जालीयः सप्राडसि कृशानुः परिमयोऽसि पर्वमानः

प्रतर्कासि नभस्वानसमृष्टोऽसि हव्यसूदं ऋतर्धामासि सर्वज्योतिर्ब्रह्मज्यो-
 तिरसि सुवर्धामाजोऽस्येकपादहिरसि बुधियो रौद्रेणानकेन (१) पाहि
 माऽग्रे पिपृहि मा मा माहिःसीः--८) [अनीकेनाष्टौ च] ॥ ३ ॥
 त्वं सौम तनूकृद्भ्यो द्वेषोभ्योऽन्यकृतेभ्य उरु यन्तामि वरुथं स्वाहा
 जुषाणो असुराज्यस्य वेतु स्वाहाऽयन्नो अग्निर्वरिवः कृणोत्वयं मधः पुर एतु
 प्रभिन्दन् । अयं शत्रूजयतु जह्याणोऽयं वाजं जयतु वाजसातो । उरु
 विष्णो विक्रमस्वरु क्षयाय नः कृधि । धृतं धृतयोने पिब प्र प्रयज्ञपति
 तिर । सोमो जिगाति गातवित् (१) देवानामेति निष्कृतमृतस्य योनि
 मासदमदित्याः सदोऽस्यदित्याः सदु आसीद्व्यवो देवसवितः सोमस्तश्चक्षध्वं
 मावा इभदेतस्वःसोमदेवोदेवानुपा मा इदमहं मनूष्यो मनूष्यान् सह प्रज-

यां सह रायस्पोषेण नमो देवेभ्यः स्वधा पितृभ्य इदमहं निर्वरुणस्य पाशात्
 सुवरभि (२) विखेयं वैश्वानरं ज्योतिरग्रे व्रतपते त्वं व्रतनां व्रतपतिरसि
 या मम तनुस्त्वय्यभूदियं सा मयि या तव तनुर्मय्यभूदेवा सा त्वयि यथायथं
 नो व्रतपते व्रतिनोर्व्रतानि—३१) [गानुविदुभ्येकत्रिंशच्च] ॥ ४ ॥

अत्यन्यानगान्नान्यानुपागामुर्वाक्त्वा पैरविदंपुरोऽधैस्तं त्वां जुषे वैष्णवं
 देवयज्यायै देवस्त्वां सवितामध्वानुक्त्वोषधे त्रायस्वैनस्ववधिते मेनं हिंसी-
 दिवमग्रेण मा लेखीरन्तरिक्षं मध्येन मा हिंसीः पृथिव्या संभेव वनस्पते
 शतवल्गो विरोह सहस्रवल्गा विवयश्रुहेमुयम् (१) त्वायस्ववधितिस्तेति-
 जानः प्रणिनायं महते सौभगायाच्छिन्नो रायः सुवीरः—१०) [यं दश
 च] ॥ ५ ॥ पृथिव्यै त्वान्तरिक्षाय त्वा दिवे त्वा शुन्धतां लोकः पितृ-

पदं नो यवाऽसि यवयास्मेद्वयवयारांतीः पितृणां सदनमसि स्वाविशोऽस्य
 ग्रेणा नैतणां वनस्पतिरधि त्वा स्थास्यति तस्य विताद्वस्त्वा सविता मध्वा-
 नक्तु सुपिप्लाभ्यस्त्वेषधीभ्य उदिवस्त्मानान्तरिक्षं पृथिवीमुपरेण
 दृष्ट्व ते ते धामान्युशमसि (१) गमध्ये गावो यत्र भरिशृङ्गा अयासः । अत्रा-
 हतदुरुगायस्य विष्णोः परमं पदमवभाति भरेः । विष्णोः कर्माणि पश्यत
 यतो ब्रतानि पस्पशे । इन्द्रस्य युज्यः सखा । तद्विष्णोः परमं पदं सदा
 पश्यन्ति सूर्यः । दिवी चक्षुरर्ततम् । ब्रह्मवर्नि त्वा क्षत्रवर्निं सप्तजा-
 वनिं रायस्पोषवनिं पर्यहामि ब्रह्मं दृष्ट्व क्षत्रं दृष्ट्व रायस्पोषम् (२) दृष्ट्व
 पुरिवीरसि परि त्वा देवीर्विशोऽज्ययन्तां परिमश्रायस्पोषो यजमानं मनूष्या
 अन्तरिक्षस्य त्वा सानावर्गहूहामि — ११) [उशमसी पोषमेकान्नविंश-

तिश्च] ॥ ६ ॥ इषे त्वोपवीरस्युपो देवान् देवीर्विश्वाः प्रागवह्नोरुशिजे-
 बृहस्पते धारया वसन्ति हव्या ते स्वदन्ता देवं त्वष्टुर्वसुं रणव रेवंतीरमध्वम-
 मेजनित्रमसि वृषणौ स्थ उर्वश्यस्यायुरसि पुरुषा घृतेनाक्ते वृषणं दधाथां
 गायत्रं छन्दोऽनुप्रजायस्व त्रैष्टुभं जागर्तं छन्दाऽनुप्रजायस्व भवतम् (१)
 नः । समनसौ समौकसा वरेपसौ । मा युज्ञः हिंसिष्टुं मा युज्ञपतिं जात-
 वेदसौ शिवौ भवतमद्य नः । अग्रावग्निश्चरति प्रविष्टुं ऋषीणां पुत्रो अधिराज-
 एषः । स्वाहाकृत्य ब्रह्मणा ते जुहोमि मा देवानां मिथुयाकर्मो गधेयम् --- (३१)
 [भवतमेकं त्रिशच्च] ॥ ७ ॥ आदं द क्रुतस्य त्वा देवहविः पाशेना-
 ऽऽर्भुं धर्षा मानुषानुव्यस्त्वौर्ध्वम्भ्यः प्रोक्षाम्यपां पेरुरसि स्वात्ताञ्चित सदे-
 वः हव्यमापो देवीः स्वदेतैनुश्सं ते प्राणो वायुनो गच्छताश्सं यजत्रैरङ्गानि

सं यज्ञपतिराशिषा घृतेनाक्तौ पशुं त्रायेथा श्रेवतीर्यज्ञपतिं प्रियथा विश-
तोरो अन्तरिक्ष सज्जदेवेन (१) वार्तेनाऽस्य हविषस्मना यज समस्य तनुवां
भव वर्षीयो वर्षीयसि यज्ञे यज्ञपतिं धाः पृथिव्याः सम्पृचः पाहि नमस्त आता-
नाऽनुवर्षिहि घृतस्य कृत्यामनु सह प्रजयां सह रायस्योषणाऽऽपो देवीः शुद्धा-
युनः शुद्धा यूयं देवाऽऽहुः शुद्धा वयं पारिविष्टाः परिवेष्टारो वो भूयास्म-४४
[देवेन चतुश्चत्वारिंशच्च] ॥ ८ ॥ वाक्त आप्यायतां प्राणस्त आप्या-
यतां चक्षुस्त आप्यायताश्चोत्रन्त आप्यायतां यतिं प्राणान्धुजगाम या
चक्षुर्याश्चोत्रं यते क्रूरं यदस्थितं तत्त आप्यायतां तत् एतेन शुन्यतां
नाभिस्त आप्यायतां पायुस्त आप्यायताऽशुद्धाश्चरित्राः शमद्व्यः (१)
शमोर्षवीभ्यः शं पृथिव्यै शमहोम्यामोर्षव् त्रायस्वेनस्त्रयिते मेनश्

हिंसी रक्षसां भागोऽनीदमहः रक्षोऽधमं तमो नयामि योऽस्मान् द्वेष्टि
यश्च वयं द्विष्म इदमेनमधमं तमो नयामीषे त्वा घृतेन द्यावापृथिवी प्राणवी-
थामच्छिन्नो रायः सुवीर उवैन्तरिक्षमन्विहि वायो वीहि (२) स्तोक्राना-
स्वाहोर्ध्वनभसं मारुतं गच्छतम्—५) [अद्व्यो वीहि पञ्च च] ॥ १ ॥
सं ते मनसा मनः सं प्राणेन प्राणो जुष्टं देवेभ्यो हव्यं घृतवत्स्वाहेन्द्रः
प्राणो अङ्गे अङ्गे निर्वैध्यैदन्दोऽग्नौ अङ्गे अङ्गे विचोभुवदेवं त्वष्टर्भीरि ते स-
सेमेतु विबुर्गु यत्सलक्षमाणो भवथ देवत्रा यन्तमवसे सखायोऽनु त्वा
मातापिनरो मदन्तु श्रीरस्यमिस्त्वा श्रीणात्वापः समरिणन्नातस्य (१)
त्वा ध्रज्यै पूष्णो रश्म्या अपामोर्बवीनाः रोहिण्यै घृतं घृतपावानः पिवतु
वसां वसापावानः पिवतान्तरिक्षस्य हविरिति स्वाहा त्वाऽन्तरिक्षाय दिशः

प्रदिशं आदिशो विदिशं उदिशुः स्वाहां दिग्भ्यो नमो दिग्भ्यः—२८)
 [वार्तस्याष्टाविंशतिश्च ॥ १० ॥ समुद्रं गच्छु स्वाहान्तरिक्षं गच्छु
 स्वाहा देवसंवितारं गच्छु स्वाहाऽहारात्रे गच्छु स्वाहा मित्रावरुणौ गच्छु
 स्वाहा सोमं गच्छु स्वाहा यज्ञं गच्छु स्वाहा छन्दांसि गच्छु स्वाहा द्यावा-
 पृथिवी गच्छु स्वाहा नभो दिव्यं गच्छु स्वाहाऽग्निं वैश्वानरं गच्छु स्वाहाऽद्य-
 स्त्वीषधीभ्यो मनो मे हार्दि यच्छ तनू त्वचं पुत्रं नतारमशीय गुर्गसि (१)
 तमभिषौच योऽस्मान् द्वेष्टि यश्च वयं द्विष्मो धात्रो धात्रो राजन्नितो वरुण
 नो मुञ्च षडापो अभिया व नेति शर्पामहे ततो वरुण नो मुञ्च—२९)
 [अस्ति षड्विंशतिश्च ॥ ११ ॥ हविष्मन्तीरिमा आपो हविष्मान् देवो
 भध्वरो हविष्मा* आविवासति हविष्माऽस्तु सूर्यः । अग्नेर्वोपन्नगृहस्य

सदसि सादयामि सुन्नार्य मुन्निनीः सुन्ने मां वत्तेन्द्राग्निभोग्धेयीः स्थ मित्रावरु-
णयोर्भोग्धेयीः स्थ विश्वेषां देवानां भोग्धेयीः स्थ यज्ञे जायत—३४) [हवि-
ष्मन्तीश्चतुस्त्रिंशत्] ॥ १२ ॥ हृदे त्वा मनसे त्वा दिवे त्वा सूर्येय त्वोर्ध्व-
मिममध्वरं कृधि दिवि देवेषु होत्रा यच्छु सोमं राजन्नेह्यवरोह मा भर्मा सं विकथा-
मा त्वां हिंसिषं प्रजास्त्वमुपावरोह प्रजास्त्वामुपावरोहन्तु शणोत्वग्निः
समिधाहवँ मे शणवन्त्वापो विषणांश्च देवीः । शृणोतं ग्रावाणो विदुषो नु
(१) यज्ञः शृणोतु देवः संविताहवँ मे । देवीरापो अपान्नपाय ऊर्मिर्विविष्य
इन्द्रियावांन्मुदितं मस्तं देवभ्यो देवत्रावन्त शुक्रः शुक्रवेभ्यो येषां भागः स्थ
स्वाहाकारिभ्यस्य पापां मघ्नः समुद्रस्य वोक्षित्या उन्नये । यममे पृत्सुमर्त्य मावो-
वाजेषु यञ्जुनाः । स यन्ता शर्वतीरिवः—४७) [नु सप्तचत्वारिंशच्च] ॥ १३ ॥

त्वमग्ने रुद्रो असुरो महो दिवस्त्वश्वार्थो मारुतं पृथ इशिषे । त्वं वातै-
 ररुणैर्यौसि शङ्खयस्त्वं पद्मा विधृतः पॉसि नुत्मना । आवो राजानमध्वरस्य
 रुद्रः होतारः सत्ययज्ञः रोदस्योः । अग्निं पुरा तं नयित्वोरचिच्छिरण्यरूपमवसे
 कुणध्वम् । अग्निर्होता निषसादा यर्जीयानुपस्थे मातुः सुरभावु लोके । यूवां
 कविः पुरुनिष्ठः (१) ऋतावां धर्ताकंष्टीनामृत मध्ये इद्धः । साध्वीमकंष्टव
 वीतिं नो अद्य यज्ञस्य जिह्वामविदाम गुह्याम् । स आयुरगात् सुरभिर्वसानो
 भद्रामकंष्टवहूतिं नो अद्य । अक्रन्ददग्निस्तनयन्निवद्यौः क्षामा रेहिहृदीरुधः
 समञ्जन । सद्योजज्ञानो विहीमिद्धो अख्यदा रोदसी भानुना भात्यन्तः ।
 त्वं वसूनि पुर्वणीक (२) होतर्दोषावस्तो रेहिरे यज्ञिया सः । क्षामेव
 विश्वाभवंनानि यस्मिन्तसः सौभगानि दधिरे पावके । तुभ्यं ता अङ्घ्रिस्तम्



विश्वाः सुक्षितयः पृथक् । अग्ने कामाय येमिरे । अश्याम तं काममग्ने
 तवोत्पश्याम रयि रयिवः सुवीरम् । अश्यामवाजमभिवा जयन्तो श्यामं
 द्युन्नमजरा जरन्ते । श्रेष्ठं यविष्ठ भारताग्ने द्युमन्तमाभर (३) वसो पुरु-
 स्पृह रयिम् । सश्वितानस्तन्यतरोचनस्था अजरोभिर्नानवाद्रियविष्टः । यः
 पावकः पुरुतमः पूरुणि पृथन्यग्निरेनुयाति भवन् । आयुष्टे विश्वतो दधदय-
 मग्निर्वरेण्यः । पुनस्ते प्राण आयति परा यक्षम सुवामि ते । आयुर्दो अग्ने
 हविषो जुषाणो घृतप्रताको घृतयोनिरेधि । घृतं पीत्वा मधु चारु गव्यं
 पितृव पुत्रमभि (४) रक्षतादिमम् । तस्मै ते प्रतिहयै ते जातवेदो विच-
 र्षणे । अग्ने जनामि सुष्टुतिम् । दिवस्पतिं प्रथमं जज्ञे अग्निरस्माद्द्वितीयं परि
 जातवेदाः । तृतीयमप्सु नमणा अजस्रमिन्वात एनं जरते स्वाधीः । शुचिः

पावक वन्द्योऽग्रे बृहद्विरोचसे । त्वं धृतेभिराहुतः । दृशानो रुक्म उव्यो
व्यद्यौहुर्मर्षमायुः श्रिये रुचानः । अग्निरमृतो अभवद्वयोभिः (५) यदेनं
द्यौरजनयत् सुरेताः । आ यदिवे नृपतिं तेज आनद शुचि रेतो निषिक्तं
द्यौरभीकै । अग्निः शर्षमनवद्यं युवानः स्वाधियं जनयत् सुदयच्च । स
तेर्जीयसा मर्नसा त्वोतं उत शिक्ष स्वपत्यस्य शिक्षोः । अग्रे रायो नृतमस्य
प्रभूतौ भयामं ते सुष्टुतयश्च वस्वं । अग्रे सहन्तमाभर द्युन्नस्यं प्रासहो
रयिम् । विश्वायः (६) चर्षणीरभ्यासा वाजेषु सासहत् । तमग्रे पृतना-
सहः रयिः सहस्व आभर । त्वः हि सत्यो अद्भुतो दाता वाजस्य गोमृतः ।
उक्षात्राय वशान्नाय सोमपृष्ठाय वेधसे । स्तोमैर्विधेमामये । वद्म्य हि सूनो
अस्य द्युसदाचक्रे अभिर्जनुषा उमात्रम् । स त्वन्न ऊर्जसनु उर्जे धा राजेव

जेरवृके क्षेप्यन्तः । अग्रे आयूषि (७) पवस्व आसुवो जमिषध्नः । अग्रे
 वाधस्व दच्छुनाम् । अग्रे पवस्व स्वर्षा अस्मे वचः सुवीथम् । दधत् पोष
 रयि मयि । अग्रे पावक रोचिषा मन्द्रया देवजिहया । आ देवान् वक्षि
 यक्षि च । सनः पावक दीदिवो ज्ञे देवा इहावह । उप यज्ञ हविर्ध नः ।
 अग्निः शुचिब्रततमः शुचिर्विप्रः शुचिः (८) कविः । शुचीरोचत् आहुतः ।
 उदग्ने शुचयस्तवं शुक्रा भ्राजन्त ईरते । तव ज्योतीष्यर्चयः—१४)
 [पुरुनिष्ठः पूर्वणीक भरागभि वयोभिर्भ्य आयूषि विप्रः शुचिश्चतुर्दश च]
 ॥ १४ ॥ देवस्य (११८) रक्षोहर्णो (१०२) विभू (५८) स्त्व
 (१३१) मति (६०) पृथिव्या (११९) इव (८१) आर्दे (१४)
 वाक् (१०५) सः (७८) समुद्र (७६) हविष्मती (३४) हृदे

(१७) त्वं (४१४) चतुर्दश (१५६७) ॥ १४ ॥ इति तैत्ति-

रीयसंहितायां प्रथमकाण्डे तृतीयः प्रपाठकः ॥

ॐ आर्देद् ग्रावोऽस्य ध्वरकुहेभ्यो गम्भीरमिममध्वरं कुंध्युत्तमेन पवि-
नेन्द्राय सोमं सुषुतं मर्धुमन्तं पर्यस्वन्तं वृष्टिवनिमिन्द्राय त्वा वृत्रघ्न इन्द्राय
त्वा वृत्रतुर इन्द्राय त्वाऽभिमातिघ्न इन्द्राय त्वाऽऽदित्यवत इन्द्राय त्वा विश्व-
देव्यावते श्वात्राः स्थ वृत्रतुरो राधो गूर्तो अमृतस्य पत्नीस्ता देवीर्देवत्रेमं युज्ञं
धत्तोपहूताः सोमस्य पिबुतोपहूतो युष्माकम् (१) सोमः पिबतु यत्ते सोम
द्विवि ज्योतिर्यत्पृथिव्यां यदुरावन्तारिक्षे तेनास्मै यजमानाथोरुराया कृध्यधि-
दात्रे वोचो धिषणे वीद्मती वीडेथामूर्जं वधाथामूर्जं मे धत्तं मा वाऽ
हिः सिबुं मा मो हिः सिष्टं प्रागपागदुग्धराक्तास्त्वा दिश आधावन्त्वम्ब निष्वर ।

यत्तं (२) सोमादाभ्यं नाम जागृवि तस्मै ते सोम सोमाय स्वाहा—९)
 [युष्मार्कं ते नर्व च] ॥ १ ॥ वाचस्पतये पवस्व वाजिन् वृषा वृष्णो-
 अशुभ्यां गभंस्तिपूतो देवो देवानां पवित्रमसि येषां भागोऽसि तेभ्यस्त्वा
 स्वाहुतोऽसि मधुमतीर्न इषंस्कृषि विभ्वेभ्यस्त्वेन्द्रियेभ्यो दिव्येभ्यः पार्थिवेभ्यो
 मनस्त्वाष्टूर्वैन्तरिक्षमन्विहि स्वाहा त्वा सुभवः सूर्यीय देवेभ्यस्त्वा मरी-
 चिपेभ्य एष ते योनिः प्राणाय त्वा—१७) [वाचः सप्तचत्वारिंशत्] ॥ २ ॥
 उपयामगृहीतोऽस्यन्तर्यच्छ मघवन् पाहि सोममरुह्य रायः समियो
 यजस्वान्तस्ते दधामि द्यावापृथिवी अन्तरुर्वन्तरिक्षं सुजोषा देवैरवरैः परै-
 श्वान्तर्यामे मघवन्मादयस्व स्वाहुतोऽसि मधुमतीर्न इषंस्कृषि विभ्वेभ्यस्त्वे-
 न्द्रियेभ्यो दिव्येभ्यः पार्थिवेभ्यो मनस्त्वाष्टूर्वैन्तरिक्षमन्विहि स्वाहा त्वा

सुभवः सूर्याय देवेभ्यः (१) त्वा मरीचिभ्य एष ते योनिरपानार्थं त्वा
 —७) [देवेभ्यः सुत च] ॥ ३ ॥ आ वायो भूष शुचिणा उप नः
 सहस्रन्ते नियुतो विश्ववार । उपो ते अन्यो मध्यमयामि यस्य देव दधिबे
 र्धूपेयम् । उपयामगृहीतो ऽसि वायवे त्वेन्द्रवायू इमे सुताः । उप प्रयोभिरा-
 गंतमिन्द्रवो वासुशान्ति हि । उपयामगृहीतो ऽसीन्द्रवायुभ्यां त्वेष ते योनिः
 सृजोषीभ्यां त्वा—१३) [आत्रिचंत्वारिंशत्] ॥ ४ ॥ अयं वा
 मित्रावरुणा सुतः सोमं ऋतावृधा । ममेदिह धृतं हवम् । उपयामगृहीतो-
 ऽसि मित्रावरुणाभ्यां त्वेष ते योनिर्ऋतायुभ्यां त्वा—२०) [अयं विश्वंश्रुतिः]
 ॥ ५ ॥ या वां कशा मधुमत्यश्विना सूनृतावती । तथा युजं मिमि-
 क्षतम् । उपयामगृहीतो ऽस्यश्विभ्यां त्वेष ते योनिर्मोघवीभ्यां त्वा—१८) [या

[ष्टादंश] ॥ ६ ॥ प्रातयुजौ विमुञ्चेथामश्विनोवेह गच्छतम् । अस्य
 सोमस्य पीतये । उपयामर्गहीतोऽस्यश्विभ्यां त्वेष ते योनिरश्विभ्यां त्वा--१९)
 [प्रातर्गुजोवेकानविंशतिः] ॥ ७ ॥ अयं वेनश्चोदयत् पृथ्वीगर्भा
 ज्योतिर्जरायू रजसो विमाने । इममपाः संङ्गमे सूर्यस्य शिशुं न विप्रा मति-
 भीरिहन्ति । उपयामर्गहीतोऽसि शण्डाय त्वेष ते योनिर्वीरतां पाहि--२५)
 [अयं पञ्चविंशतिः] ॥ ८ ॥ तं प्रत्नथां पूर्वथा विश्वथेमथा ज्येष्ठ-
 तांति बर्हिषदं सुवर्षिदै प्रतीचीनं वृजनं दोहसे गिराऽऽशुं जयन्त-
 मनूयान् वधसे । उपयामर्गहीतोऽसि मर्काष त्वेष ते योनिः प्रजाः
 पाहि--२६ [तश्च षड्विंशतिः] ॥ ९ ॥ ये देवा दिव्येकादश
 स्थ पृथिव्या मध्येकादश स्थाप्सुषवो महिनैकादशस्थ ते देवा यज्ञमिमं

जपध्वमुपयामर्गहीतोऽस्याग्रयणोऽसि स्वाग्रयणो जित्वं यज्ञं जित्वं यज्ञप-
तिमभिसवंना पाहि विष्णुस्त्वं पातु विशं त्वं पाहीन्द्रियेण ते योनि-
र्विश्वेभ्यस्त्वा देवेभ्यः—४३) [ये त्रिचत्वारिंशत्] ॥ १० ॥

त्रिंशद्ब्रह्मणश्च गणिनो रुजन्तो दिवः रुद्राः पृथिवीश्च सचन्ते । एकादशासो
अप्सुषदः सुतसोमं जुषन्तांसवनाय विश्वे । उपयामर्गहीतोऽस्याग्र-
यणोऽसि स्वाग्रयणो जित्वं यज्ञं जित्वं यज्ञपतिमभिसवंना पाहि विष्णुस्त्वं
पातु विशं त्वं पाहीन्द्रियेण ते योनिर्विश्वेभ्यस्त्वा देवेभ्यः—४२) [त्रिं-
शच्चत्वारिंशत्] ॥ ११ ॥ उपयामर्गहीतोऽसीन्द्राय त्वा बृहदंते वय-
स्वत उक्थायुवे यत्त इन्द्र बृहदयस्तस्मै त्वा विष्णवे त्वेव ते योनिरिन्द्राय
त्वोक्थायुवे—२२) [उपयामर्गहीतोद्वाविंशतिः] ॥ १२ ॥ मर्यानां

दिवो अ॒रतिं पृथि॒व्या वै॒श्वान॒रम॒ताय॑ जा॒तम॒ग्निम् । क॒वि॒स॒म्राज॑तिथिं
ज॒नाना॑मा॒सन्ना पात्रे॑ ज॒नय॑न्त दे॒वाः । उ॒पया॒मर्ग॑हीतोऽस्य॒ग्नये॑ त्वा वै॒श्वान॒राय॑
ध्रु॒वोऽसि॑ ध्रु॒वक्षि॑तिर्ध्रु॒वाणां॑ ध्रु॒वत॑मोऽव्यु॒ताना॑मव्यु॒तक्षि॑त्तम ए॒ष ते॒ योनि॑र॒ग्नये॑
त्वा वै॒श्वान॒राय॑—३५) [म॒र्धो न॑ प॒ञ्चत्रि॑ंशत्] ॥ १३ ॥ म॒र्धुश्च॒ माधे॑-
वश्च॒ गुरु॑श्च॒ शुचि॑श्च॒ नभ॑श्च॒ नभ॑स्य॒श्चेष्ट॑श्चो॒र्जश्च॒ सह॑श्च॒ सह॑स्य॒श्च तप॑श्च॒ तप॑स्य॒
श्चो॒पया॒मर्ग॑हीतोऽसि॒ सु॒सर्पो॑ऽस्य॒हस्प॑त्याय॒ त्वा—३०) [म॒र्धुस्त्रि॑ंशत्]
॥ १४ ॥ इन्द्रा॑ग्नी आ॒र्गत॑सु॒तं गी॒र्भिर्न॑भो॒ वरे॑ण्यम् । अस्य॒ पतिं॑ धि॒ये-
षि॒ता । उ॒पया॒मर्ग॑हीतोऽस्मीन्द्रा॒ग्निभ्यां॑ त्वै॒ष ते॒ योनि॑रिन्द्रा॒ग्निभ्यां॑ त्वा—२०)
[इन्द्रा॑ग्नीवि॒ंशतिः॑] ॥ १५ ॥ ओ॒मास॑श्च॒र्वणा॑वृ॒तो वि॒श्वे दे॒वास॑
आ॒र्गत॑ । दा॒श्वा॒सौ दा॒शुषः॑ सु॒तम् । उ॒पया॒मर्ग॑हीतोऽसि॒ वि॒श्वेभ्य॑स्त्वा दे॒वेभ्य॑

एष ते योनिर्विश्वेभ्यस्त्वा देवेभ्यः--२०) [ओमांसो विशतिः] ॥ १६ ॥
 मरुत्वन्तं वृषभं वा वृधानमकं वारिं दिव्यश्शासमिन्द्रम् । विश्वासा-
 हमवमे नूतनायोग्रसंहोदामिह तश्हुवेम । उपयामगृहीतोऽसीन्द्राय त्वा
 मरुत्वन्त एष ते योनिरिन्द्राय त्वा मरुत्वन्ते--२६) [मरुत्वन्तश्चद्विशतिः]
 ॥ १७ ॥ इन्द्रं मरुत्व इह पाहि सोमं यथा शार्यते अपिबः सुतस्य ।
 तव प्रणीती तव शूर शर्मन्वाविवासन्ति कुवयः सुयज्ञाः । उपयामगृहीतोऽ
 सीन्द्राय त्वा मरुत्वन्त एष ते योनिरिन्द्राय त्वा मरुत्वन्ते--२९) [इन्द्र-
 एकात्रित्रिंशत्] ॥ १८ ॥ मरुत्वाश् इन्द्र वृषभो रणाय पिबा सोम-
 मनुष्वधं मदाय । आ सिंश्रस्व जठरे मध्वं ऊर्मिं त्वश्राजांसि प्रदिवः
 सुतानाम् । उपयामगृहीतोऽसीन्द्राय त्वा मरुत्वन्त एष ते योनिरिन्द्राय

त्वा मरुत्वते—२९) [मरुत्वानेकान्नत्रिंशत्] ॥ १९ ॥ महा
 इन्द्रो य ओजसा पर्जन्यो वृष्टिमा इव । स्तोमैर्वृत्तस्य वावृवे ।
 उपयामगृहीतोऽसि महेन्द्राय त्वैष ते योनिर्महेन्द्राय त्वा—१९)
 [महानेकान्नविंशतिः] ॥ २० ॥ महा इन्द्रो नवदार्चयिषिप्रा
 उत द्विवहो अमिनः सहोभिः । अस्मद्विषगवावृवे वीर्यीयोरुः पृथुः सुकृतः कर्तु-
 भिर्भूत् । उपयामगृहीतोऽसि महेन्द्राय त्वैष ते योनिर्महेन्द्राय त्वा—२६)
 [महान् षड्विंशतिः] ॥ २१ ॥ कदाच नस्तरीरसि नेन्द्रं सश्वसि
 दाशुर्वे । उपोपेन्नु मघवन् भूय इन्नु ते दानं देवस्य पृच्यते । उपयामगृहीतो
 ऽस्यादित्येभ्यस्त्वा । कदाच न प्रयुच्छस्युभे निपांसि जन्मनी । तुरीया-
 दित्यसर्वनं त इन्द्रियमातस्थावुमतं दिवि । युज्ञो देवानां प्रथेति सुन्नामा-

दि॒त्यासो भव॑ता म॒डय॑न्तः । आ॒र्वः (१) अ॒र्वाची॑ सु॒मति॑वृ॒त्याद् हो॒श्चि॒-
 द्या व॑रि॒वो वि॒त्तरा॑सत् । वि॒वस्व॑ आ॒दि॒त्यैष ते॑ सोम॒पी॒थस्तेन॑ म॒न्दस्व॑ तेन॑
 तृ॒प्य तृ॒प्यास्मै॑ ते व॒यं त॑र्प॒यिता॒रो या दि॒व्या वृ॒ष्टिस्त॑या त्वा श्री॒णामि॑—२७)
 [वः स॒प्तविं॑शतिश्च] ॥ २२ ॥ वा॒मम॒द्य सं॑वि॒त॒र्वा॒ममु॒ श्वो दि॒वेदि॑वे
 वा॒मम॒स्मभ्य॑सा॒वीः । वा॒मस्य॑ हि क्ष॒यस्य॑ दे॒व भू॒रया॑ धि॒या वा॑म॒भाजः
 स्या॒म । उ॒पया॒मगृ॑हीतो ऽसि दे॒वाय॑ त्वा स॒वित्रे॑—२४) [वा॒मं च॑तुर्विं॒श॒-
 शतिः] ॥ २३ ॥ अ॒द॒ब्धेभिः॑ स॒वितः॑ पा॒षुभि॑ष्टु॒ शिवे॑भि॒द्य परि॑पा
 हि॒नो ग॑य॒म् । हि॒रण्य॑जिह्वः सु॒विता॒य न॒व्यसे॑ र॒क्षामा॑कि॒नो अ॒घश॑स ई॒शत॑ ।
 उ॒पया॒मगृ॑हीतो ऽसि दे॒वाय॑ त्वा स॒वित्रे॑—२३) [अ॒द॒ब्धेभि॑स्त्वयो॒विं॒शतिः]
 ॥ २४ ॥ हि॒रण्य॑पाणि॒मतये॑ स॒विता॒रमु॑प॒ह्वये॑ । स चे॒त्ता दे॒वता॑ प॒दम् ।

उपयामर्गहीतोऽसि देवाय त्वा सवित्रे—१४) [हिरण्यपाणिं चतुर्दश]
 ॥ २५ ॥ सुशर्मासि सुप्रतिष्ठानो बृहदुक्षे नमं एष ते योनिर्विश्वेभ्यस्त्वा
 देवेभ्यः—१२) [सुशर्मा द्वादश] ॥ २६ ॥ बृहस्पतिसुतस्य त इन्द्रो
 इन्द्रियावतः पत्नीवन्तं ग्रहं गृह्णाम्यग्रा३इ पत्नीवा३ः सजूर्देवेन त्वष्टा सोमं
 पिब स्वाहा—१५ [बृहस्पतिसुतस्य पञ्चदश] ॥ २७ ॥ हरिं रसि
 हारियोजनो हर्योः स्थाता वज्रस्य भर्ता पृथ्वेः प्रेता तस्य ते देव सोमेऽष्ट-
 यं जुषः स्तुतस्तोमस्य शस्तोकथस्य हरिवन्तं ग्रहं गृह्णामि हरीः स्थ हर्योर्धानाः
 सह सोमा इन्द्रोऽय स्वाहा—२६) [हरिः षड्विंशतिः] ॥ २८ ॥
 अग्न आयूँषि पवस आसुवोर्जमिषंश्च नः । आरे बाधस्वदुच्छुनाम् । उपया-
 मर्गहीतोऽस्यग्रथे त्वा तेजस्वत एष ते योनिर्ग्रथे त्वा तेजस्वते—२३)

[अग्ने त्रयोविंशतिः] ॥ २९ ॥ उ॒त्तिष्ठ॒न्नोज॑सा सह पी॒त्वा शि॒घ्रे
 अ॒वे॒प॒यः । सोम॑मिन्द्र च॒म् सु॒तम् । उ॒प॒या॒म॒गृ॒ही॒तो ऽसी॒न्द्राय॑ त्वौज॑स्वत ए॒ष
 ते यो॒नि॒रिन्द्रा॑य त्वौज॑स्वते—२९) [उ॒त्तिष्ठ॒न्नेक॑विंशतिः] ॥ ३० ॥
 त॒र॒णि॒र्वि॒श्व॒दर्श॑तो ज्योति॑ष्कृ॒दसि॑ सूर्य॑ । वि॒श्व॒माभा॑सि रोच॑नम् । उ॒प॒-
 या॒म॒गृ॒ही॒तो ऽसि॑ सूर्या॑य त्वा भ्राज॑स्वत ए॒ष ते यो॒निः सूर्या॑य त्वा भ्राज॑स्वते
 —२०) [त॒र॒णि॒र्वि॒श॒तिः] ॥ ३१ ॥ आ॒प्या॑यस्व मदि॒न्तम् सोम॑-
 वि॒श्वो॑भिरू॒तिभिः॑ । भ॒वा॒नः सु॒प्रथ॑स्तमः—१) [आ॒न॒व॑] ॥ ३२ ॥
 इ॒युष्टे॑ ये पू॒र्व॒तरा॑मपश्यन् व्यु॒च्छ॒न्तीं॑ मू॒षसु॑ म॒र्त्या॑सः । अ॒स्माभि॑रू॒नु प्र॑ति-
 चक्ष्या॑ऽभू॒दो ते॑ य॒न्ति अ॒प॒रीषु॑ प॒श्या॑न्—११) [इ॒युरे॒का॒न्न॑विंशतिः]
 ॥ ३३ ॥ ज्योति॑ष्मतीं त्वा सा॒द॒या॒मि ज्योति॑ष्कृ॒तं त्वा सा॒द॒या॒मि

ज्योतिर्विदं त्वा सादयामि भास्वतीं त्वा सादयामि ज्वलन्तीं त्वा सादयामि
मल्ललाभर्वन्तीं त्वा सादयामि दीप्यमानां त्वा सादयामि रोचमानां त्वा
सादयाम्यजस्त्रां त्वा सादयामि बृहज्ज्योतिवं त्वा सादयामि बोधयन्तीं
त्वा सादयामि जाग्रतीं त्वा सादयामि--३६) [ज्योतिष्मती
पटत्रिंशत्] ॥ ३४ ॥ प्रयासाय स्वाहा ऽयासाय स्वाहा वियासा
य स्वाहा संयासाय स्वाहोद्यासाय स्वाहा ऽवयासाय स्वाहा शुचे स्वाहा
शोकाय स्वाहा तप्यत्वै स्वाहा तपते स्वाहा ब्रह्महत्यायै स्वाहा सर्वस्मै
स्वाहा--२४) [प्रयासाय चतुर्विंशतिः] ॥ ३५ ॥ चित्तं संन्तानेन
भवं युक्ता रुद्रं तर्निन्ना पशुपतिं स्थूलहृदयेनाग्निं हृदयेन रुद्रं
लोहितेन शर्वं मर्तस्नाभ्यां महादेवमुन्तःपार्श्वेनौपिष्ठहन् शिङ्गानिको-

श्याभ्याम्—१८) [चित्तमष्टादश] ॥ ३६ ॥ आतिष्ठ वृक्षहृन् रथं
 युक्ता ते ब्रह्मणा हरीं । अर्वाचीनं सुते मनो ग्रावां कृणोतु वज्रना । उप-
 यामगृहीतोऽसीन्द्राय त्वा षोडशिनं एष ते योनिरिन्द्राय त्वा षोडशिनं
 —२६) [आ षड्विंशतिः] ॥ ३७ ॥ इन्द्रमिद्धरीं बहतोऽप्रतिघृष्ट
 शवसमूर्षीणाञ्च स्तुतीरुपयज्ञश्च मानुषाणाम् । उपयामगृहीतोऽसीन्द्राय त्वा
 षोडशिनं एष ते योनिरिन्द्राय त्वा षोडशिनं—२३) [इन्द्रं त्रयोविंशतिः]
 ॥ ३८ ॥ असावि सोमं इन्द्र ते शविष्ठ धृष्णवागहि । आत्वां पूण-
 क्तिवन्द्रियं रजः सूर्यं न रश्मिभिः । उपयामगृहीतोऽसीन्द्राय त्वा षोड-
 शिनं एष ते योनिरिन्द्राय त्वा षोडशिनं—२७) [असावि सप्तविंशतिः]
 ॥ ३९ ॥ सर्वस्य प्रतिशीवरी भूमिस्त्वोपस्य अधित । स्योनास्मै

सुषदा भव यच्छास्मै शर्म सप्रथाः । उपयामगृहीतोऽसीन्द्राय त्वा षोडशिनं
 एष ते योनिरिन्द्राय त्वा षोडशिनै—२६) [सर्वस्य षड्विंशतिः]
 ॥ ४० ॥ महाइन्द्रो वज्रबाहुः षोडशी शर्म यच्छतु । स्वस्तिनो मघवां
 करोतु हन्तु पाप्मानं योऽस्मान् द्वेष्टि । उपयामगृहीतोऽसीन्द्राय त्वा षोड-
 शिनं एष ते योनिरिन्द्राय त्वा षोडशिनै—२६) [महान् षड्विंशतिः]
 ॥ ४१ ॥ सजोषा इन्द्र सगणो मरुद्भिः सोमं पिब वृत्रहञ्छुरविद्वान् ।
 जहि शत्रुं रपमृधो नुदस्वाऽभयं कणुहि विश्वतो नः । उपयामगृहीतोऽसी-
 न्द्राय त्वा षोडशिनं एष ते योनिरिन्द्राय त्वा षोडशिनै—३०) [सजो-
 षास्त्रिंशत्] ॥ ४२ ॥ उदु त्वं जातवैदसं देवं वंहन्ति केतवः । दृशे
 विश्वाय सूर्यम् । चित्रं देवानामुदगादनीकं चक्षुर्मित्रस्य वरुणस्याग्नेः । आप्रा-

द्यावापृथिवी अन्तरिक्षं सूर्य आत्मा जगत्स्तस्थुर्ष्वथ । अग्रे नयं सुपथा-
 राये अस्मान् विश्वानि देव वयुनानि विद्वान् । ययोर्ध्यस्मज्जुहुराणमेनो-
 भूविष्ठां ते नम उक्तिं विधेम । दिवं गच्छ सुवः पत रूपेणं (१) वो रूप-
 मभ्यैमि वयसा वयः । तूथो वो विश्वेवेदा विभजतु वर्षिष्ठे अधिनाके ।
 एतत्तै अग्रे राघ ऐति सोमच्युतं तन्मित्रस्य पथा नयर्तस्य पथा प्रेतं चन्द्र-
 दीक्षिणा युज्ञस्य पथा सुविता नयन्तीब्राह्मणमद्यराध्यासमृषिमार्ष्यं पितृ-
 मन्तै पैतृमत्यं सुधातुं दीक्षिणं विसुवः पश्य व्यन्तरिक्षं यतस्व सदस्यैः
 (२) अस्मद्वात्रा देवत्राणञ्छत मधुमतीः प्रदातारमाविशतानवहायास्मान्
 देवयानेन पथेन सुकृतां लोके सीदत तन्नः सस्कृतम्—१८) [रूपेणं
 सदस्यैरष्टादश च] ॥ ४३ ॥ धाता रातिः संवितेदं जुषन्तां प्रजापति-

निधिपतिर्नो अग्निः । त्वष्टा विष्णुः प्रजयां सशरणो यजमानाय द्रविणं दधातु ।
 समिन्द्र णो मनसा नेषि गोभिः ससुरिभिर्मघवन्तसस्वस्त्या । सम्ब्रह्मणा
 देव कृतं यदस्ति सं देवानां सुमत्या यज्ञिया नाम् । सं वर्चसा पयसा सं
 तनुभिरगन्महि मनसा सः शिवेन । त्वष्टा नो अत्र वरिवः कृणोतु (१)
 अनुमार्तु तनुवो यद्विलिष्टम् । यद्य त्वां प्रयति यज्ञे अस्मिन्नग्रे होतारमवृ-
 णीमहीह । ऋधगयादुधगुताशमिष्टाः प्रजानन् यज्ञमुपयाहि विद्वान् । स्वगा
 वो देवाः सदनमकर्म य आजग्म सर्वेनेदं जुषाणाः । जक्षिवांसः पपिवा-
 संश्च विश्वेऽस्मे धत्त वसवो वसूनि । यानावंह उगतो देव देवान्तान् (२)
 प्रेरय स्वे अग्ने सुधस्थे । वहमाना भरमाणा हवींश्चि वसुं धर्मं दिवमाति-
 ष्ततानु । यज्ञं यज्ञं गच्छ यज्ञपतिं गच्छ स्वां योनिं गच्छ स्वाह्वे तं यज्ञो

यज्ञपते सुह सूक्तवाकः सुवीरः स्वाहा देवा गातुविदो गातुं वित्वा गातुमिति
 मनसस्पत इमं नो देव देवेभ्यु यज्ञः स्वाहा वाचि स्वाहा वाते धाः—४८)
 [कृणोतु तानुष्टार्चत्वारिंशच्च] ॥ ४४ ॥ उरुः हि राजा वरुणश्चकार
 सूर्याय मन्यामन्वेतवा उ । अपदे पादा प्रतिघातवे करुतापवृक्ता हृदयावि-
 धाश्चित् । शतन्ते राजन् भिषजः सहस्रं मूर्ध्वीगम्भीरा सुमतिष्ठे अस्तु । बार्धस्व-
 द्वेषो निक्लृप्तिं पराचैः कतश्चिदेनः प्रमुमुग्ध्यस्मत् । अभिषिक्तो वरुणस्य पाशो
 श्चेरनीकमप आविवेश । अपान्नपात् प्रतिरक्षन्नसूर्यं दमेदमे (१) समिधं
 यक्ष्यमे । प्रतिते जिह्वा घृतमुच्चरण्येत्समदे ते हृदयमुप्स्वन्तः । सन्त्वाविशन्त्वो-
 पधीरुतापो यज्ञस्य त्वा यज्ञपते हविर्भिः । सूक्तवाके नमोवाके विधेमावभृथ-
 निचङ्कुण निचैरुरसि निचङ्कुणाव देवैर्देवकृतमेनोऽग्राडव मर्त्यैर्मर्त्यकृतमुरारा नो

देव रिषस्याहि सुमित्रा न आप ओषधयः (२) सन्तु दुर्मित्रास्तस्मै भूया-
 सूर्योऽस्मान् द्वेष्टि यश्च वयं द्विषो देवीराप एष वो गर्भस्तंवः सुप्रीतः सभ-
 तमकर्म देवेषु नः सुकृतो ब्रूतात् प्रतियुतो वह्णस्य पाशः प्रत्यस्तो वह्णस्य
 पाश एधोऽस्ये धिषीमहि । समिदसि तेजोऽसि तेजो मयि धेह्यपो अन्वचा-
 रिषः रसेन समंसृष्टमहि । पर्यस्वाः अग्न आ (३) अगमं तं मा सः संज-
 वचसा--६) [दमैदम ओषधय आषट् च] ॥ ४५ ॥ यस्वा हृदा
 कोरिणा मन्यमानो मर्त्यो मर्त्यो जोहवीमि । जातवेदो यशो अस्मान् घेहि
 प्रजाभिरग्रे अमृतत्वमश्याम् । यस्मै त्वः सुकृतं जातवेद उ लोकमग्रे कणवः
 स्योनम् । अश्विनः सपुत्रिणं वीरवन्तं गोमन्तराणि नशते स्वस्ति । त्वे सु-
 पुत्र शवसोऽवृत्रन् कामकातयः । न त्वामिन्द्रातिरिच्यते । उक्थ उक्थे सोम-

इन्द्रं ममाद नीथे नीथे मघवानम् (१) सुतारतः । यदी सुबार्धः पितरं न
 पुत्राः समानदक्षा अवसे हवन्ते । अग्रे रसेन तेजसा जातवेदो विरोचसे ।
 रक्षोहा ऽमीवचातनः । अपो अन्वचारिषः रसेन समसृष्टमहि । पर्यस्वाः अम्र
 आर्गमं तं मा सः सृजु वचसा । वसुर्वसुपतिर्हिकमस्यग्रे विभावंसुः । स्याम
 ते मुमतावपि । त्वामग्रे वसुपतिं वसूनामभिप्रमन्दे (२) अध्वरेषु राजन् ।
 त्वया वाजं वाजयन्तो जयेमाभिव्याम पृत्सुतीर्मत्यौनाम् । त्वामग्रे वाजसातमं
 विप्रो वर्धन्ति सुष्टुतम् । सनो रास्व सुवीर्यम् । अयं नो अग्निर्वरिवः कृणो-
 त्वयं मधः पूर एतु प्रभिन्दन् । अयः शत्रून् जयतु बह्वृणाणो ऽयं वाजं जयतु
 वाजसातौ । अग्निनाग्निः समिध्यते कविर्गृहपतिर्युवा । हव्यवाड्जुह्वस्यः ।
 त्वः ह्यग्रे (३) अग्निना विप्रो विप्रेण सन्सता । सखा सख्या समिध्यसे ।

उदग्ने शुचयस्तव विज्योतिषा—१४) [मघवानं मन्दे अग्ने चतुर्दश च]
 ॥ ४६ ॥ आ (१०९) वाच (४७) उपयामर्गहीत (५७) आ (४३)
 ज्यं (२०) या (१८) प्रातर्युजा (१९) वयं (२५) तं (२६) ये
 (४३) विश्वा (४२) दुपयामर्गहीतो (२२) मर्धानं (३५) मघु (३०)
 रिन्द्राग्नी (२०) ओमांसो (२०) मरुत्वन्त (२६) मिन्द्रं (२९) मरु-
 त्वान् (२९) महान् (१९) महान् (२६) कदा (७७) वाम (२४)
 मदब्धोभि (२३) हिरण्यपाणि (१४) सुशर्मा (१२) बृहस्पति (१५)
 हारि (२६) रम (२३) उत्तिष्ठं (२१) न्तरणि (२०) राधायस्वे (९)
 यु (१९) ज्योतिष्मती (२६) प्रयासायं (२४) चित्त (१८) मातिष्ठे
 (२६) न्द्र (२३) मसावि (२७) सर्वस्य (२६) महान् (२६)

सजोषा (३०) उ (११८) ह्यतो (१४८) रुं (१५६) यः (१६४)
षट्चत्वारिंशत् (१८००) ॥ ४६ ॥ इति तैत्तिरीयसंहितायां प्रथमकाण्डे
चतुर्थः प्रपाठकः ॥

ॐ देवासुराः संयत्ता आसन् ते देवा विजयमुपयन्तो ऽग्नौ वासं वसू
सन्यदधतेदमुं नो भविष्यति यदि नो जेष्यन्तीति तदग्निर्न्यकामयत तेना-
पाक्रामत्तद्देवा विजित्यावुरुत्समाना अन्वायन्तदस्य सहसादित्सन्त सौ ऽरो-
दीद्यदरोदीत्तद्रुस्य रुद्रत्वं यदश्वशीयत्तत् (१) रजतश्चिहिरण्यमभवत्तस्मा-
द्रजतश्चिहिरण्यमवक्षिण्यमश्रुजश्चिहियो बर्हिषि ददाति परास्य संवत्सराद्देहे
रुदन्ति तस्माद्बर्हिषि न देयः सौ ऽग्निरब्रवीद्वाग्यंसान्यथ व इदमिति पुनराधेयं
ते केवलमित्यब्रुवन्भवत् खलु स इत्यब्रवीद्यो मदेवत्यमग्निमादधाता इति तं

पुषाधत्तेन (२) पुषा ऽध्नोत्तस्मात्पौष्णाः पुशव उच्यन्ते तं त्वष्टा ऽधत्तेन त्वष्टा ऽध्नोत्तस्मात्त्वाष्ट्राः पुशव उच्यन्ते तं मनुराधत्तेन मनुराध्नोत्तस्मानुव्यः प्रजा उच्यन्ते तं धाता ऽधत्तेन धाताध्नोत्तस्मात्संवत्सरं प्रजाः पुशवोऽनु प्रजायन्ते य एवं पुनराधेयस्यष्टिं वेदं (३) ऋध्नोत्येव यो ऽस्यैवं बन्धुतां वेद बन्धुमान् भवति भागधेयं वा अग्निराहित इच्छमानः प्रजां पुशून् यजमानस्योपदोद्रावोद्वास्य पुनरादधीत भागधेयेनैव न समर्धयत्यथो शान्तिरेवास्येषा पुनर्वस्वोरादधीतैर्दे पुनराधेयस्य नक्षत्रं यत्पुनर्वसू स्वायामेवैनं देवतायामाधाय ब्रह्मवर्चसी भवति दुर्भैः (४) आदध्यात्ययात्तयामत्वाय दुर्भैरादधात्यष्ट्य एवैनमोषधीभ्योऽवुरुधयाधत्ते पञ्चकपालः पुरोडाशो भवति पञ्च वा ऋतवं ऋतुभ्य एवैनमवुरुधयाधत्ते—२५) [तत्तेन

वेदं दुर्भः पञ्चविंशतिश्च ॥ १ ॥ परा वा एष यज्ञं पशून्वपति योऽग्नि-
 मुद्वासयते पञ्चकपालः पुरोडाशो भवति पाङ्क्तो यज्ञः पाङ्क्तो पशवो यज्ञमेव
 पशून्ववरुन्धे वीरहा वा एष देवानां योऽग्निमुद्वासयते न वा एतस्य ब्राह्मणा
 ऋतायवः पुरात्रमक्षन् पङ्क्त्यो याज्यानुवाक्या भवन्ति पाङ्क्तो यज्ञः पाङ्क्तः
 पुरुषो देवानेव वीरं निरवदायाम्निं पुनरा (१) धेत्ते अताक्षरा भवन्ति
 शतायुः पुरुषः अतेन्द्रिय आयुष्येवेन्द्रिये प्रतितिष्ठति यद्वा अग्निराहितो नर्धयेते
 ज्यायो भागधेयं निकामयमानो यदाग्नेयं सर्वं भवति सैवास्यर्धिः सं वा एतस्य
 गृहे वाक् संज्यते योऽग्निमुद्वासयते स वाचः संसृष्टां यजमान ईश्वरोऽनु
 पराभवितोर्विभक्तयो भवन्ति वाचो विधृत्यै यजमानस्यापराभावाय (२)
 विभक्तिं करोति ब्रह्मैव तदेकरूपांशु यजति यथा वामं वसु विविदानो गृहति

तादृगेव तदग्निं प्रति स्विष्टकृत् निराह यथा वामं वसु विविदानः प्रकाशं जिग-
मिषति तादृगेव तद्विभक्तिमुक्त्वा प्रयाजेन वर्षट्करोत्यायतनादेव नैति यज-
मानो वै पुरोडाशः पृथक् एते आहुती यदभितः पुरोडाशमेते आहुती (३)
जुहोति यजमानमेवोभयतः पशुभिः परिगृह्णाति कतयजुः संभृत सम्भार-
इत्याहुर्न सम्भृत्याः सम्भारा न यजुः कर्तव्यमित्यथो खलु सम्भृत्या एव
सम्भाराः कर्तव्यं यजुर्यज्ञस्य समृद्धयै पुनर्निष्कृतो रथो दक्षिणा पुनरुत्स्यते
वासः पुनरुत्सृष्टोऽनुष्ठान पुनरग्नेयस्य समृद्धयै सप्त ते अग्ने समिधः सप्त
जिह्वा इत्याग्निहोत्रं जुहोति यत्र यत्रैवाग्न्य न्यक्तं ततः (४) एवैनमवर्तुन्वे
वीरहा वा एष देवानां योऽग्निर्महासयते तस्य वरुण एवर्णयादाग्निवारुणमे
कादशकपालमनुनिर्वपेद्यश्चैव हन्ति यथाऽस्यर्णयाचौ भागधेयेन प्रीणाति

नार्तिमाच्छति यजमानः—३६) [आपराभावायाहुती ततः षट्त्रिंशच्च]
 ॥ २ ॥ भूमिर्भक्षा द्यौर्वैरिणान्तरिक्षं महित्वा । उपस्थे ते देव्यदितेऽग्नि-
 मन्नादमन्नाद्यायादधे । आयं गौः पृश्निरक्रमीदसन्नमातरं पुनः । पितरंश्च
 प्रयन्तसुवः । त्रिंशद्दाम विराजति वाक् पतङ्गाय शिश्रिये । प्रत्यस्य वह-
 द्युभिः । अस्य प्राणादपानत्यन्तश्चरति रोचना । व्यख्यन्महिषः सुवः । यत्त्वा
 (१) क्रुद्धः परोवप मन्युना यदवर्त्या । सुकल्पमग्रे तत्तव पुनस्त्वोदीपया-
 मसि । यतै मन्युपरोसस्य पृथिविमानु दध्वसे । आदित्या विश्वे तद्देवा वसं-
 वथ समाभरन् । मनो ज्योतिर्जुषतामाज्यं विच्छिन्नं यज्ञं समिमं वधातु ।
 बृहस्पतिस्तनुतामिमं नो विश्वे देवा इह मादयन्ताम् । सप्त ते अग्ने समिधः सप्त
 जिह्वाः सप्त (२) ऋषयः सप्त धाम प्रियाणि । सप्त होत्राः सप्तधा त्वा यजन्ति

सप्त योनीरापणस्वा घृतेन । पुनरूर्जा निर्वर्तस्य पुनरग्र इषाणुषा । पुनर्नः पाहि
 विश्वतः । सहरया निर्वर्तस्वाग्ने पिन्वस्व धारया । विश्वप्त्स्त्रिया विश्वतस्परि ।
 लेकः सलैकः सुलेकस्तेन आदित्या आज्यं जुषाणा विंयन्तु केतः सकैतः सकै-
 तस्तेन (३) आदित्या आज्यं जुषाणा विंयन्तु विवस्वा अर्दितिदेवजुतिस्तेन
 आदित्या आज्यं जुषाणा विंयन्तु—१३) [त्वा सप्त न स्रयोदश च] ॥ ३ ॥

भूमिर्भस्मा द्यौर्वरिणेत्याहृशिबैवैनमार्धत्ते सर्पा वै जीयन्तोऽमन्यन्तु स एतं
 कंसृणरिः काद्रवेयो मन्त्रमपश्यत्तो वै ते जीर्णास्तनूपाग्रत सर्पराज्ञियो
 ऋग्भिर्गाहपत्यमादधाति पुनर्नवमेवैनमजरं कृत्वायत्तेऽथो पतमेव पृथिवीम-
 न्नाद्यं नोपानमत्सैतम् (१) मन्त्रमपश्यत्तो वैतामन्नाद्यत्सर्पराज्ञियो
 ऋग्भिर्गाहपत्यमादधात्युनाद्यस्यावर्कथ्या अथो अस्यामेवैनं प्रतिष्ठितमार्धत्ते

यत्वाऋद्धः परो वेपेत्याहापहुत एवास्मै तत्पुनस्त्वोद्दीपयामसीत्याह समिन्ध ए-
 वैनं यत्तै मन्युपरोमस्येत्याह देवताभिरेव (२) एनं सम्भरति वि वा
 एतस्य यज्ञश्लिष्यते योऽग्निमुद्वासयते बृहस्पतिवत्यर्चोपतिष्ठते ब्रह्म वै देवानां
 बृहस्पतिर्ब्रह्मणैव यज्ञं सन्दधाति विच्छिन्नं यज्ञं समिमं दधात्वित्याह
 सन्तत्यै विश्वे देवा इह मादयन्तामित्याह सन्तत्यैव यज्ञं देवेभ्योऽनुदिशति
 सप्त ते अग्ने समिधः सप्त जिह्वाः (३) इत्याह सप्त सप्त वै सप्तधाग्नेः
 प्रियास्तनुवस्ता एवावरुन्धे पुनरूर्जा सह रयेत्यभिर्तः पुरोडाशमाहुती जु-
 होति यजमानमेवोर्जा च रय्या चोभयतः परिगृह्णात्यादित्या वा अस्मौल्लो-
 कादमुं लोकमायन्तैऽमुष्मिँल्लोके व्यतृष्यन्त इमं लोकं पुनरभ्यवेत्याग्निमा-
 धायैतान् (४) होमान्जुहवस्त आधुवन्ते सुवर्गल्लोकमायन् यः पराचीनं

पुनराधेयोदग्निमादधीत स एतान् होमोऽहुयाद्योमेवादित्या ऋहिमाध्वुन
तामेवध्नोति--२५) [एतमेव जिह्वा एतान् पञ्चविंशतिश्च] ॥ ४ ॥

उपप्रयन्तो अध्वरं मन्त्रं वोचेमाम्नये। आरे अस्मे च शृण्वते। अस्य
प्रत्नामनुद्युतं शुक्रं दुदुहे अहयः। पर्यः सहस्रमामृषिम्। अग्निर्मूर्धा दिवः
कुकुत्पतिः पृथिव्या अयम्। अपा रेतांसि जिन्वति। अयमिह प्रथमो
घायि घातृभिर्होता यजिष्ठो अध्वरेष्वीड्यः। यमप्रवानो भृगवो विरुरुवुर्वेनेषु
चित्रं विभुवं विशे विशे। उभा वांमिन्द्राग्नी आहुवध्यै (१) उभा राधंसः
सह मादयध्यै। उभा दातारविषा रयीणामुभा वाजस्य सातये हुवे
वाम्। अयन्ते योनिर्ऋत्वियो यतो जातो अरौचथाः। तं जानन्न आरौ-
हाथा नो वर्धया रयिम्। अम् आयूँषि पवम् आम्बोर्जमिषश्च नः। आरे

बाधस्व दुच्छुनाम् । अग्ने पर्वस्व स्वपा अस्मे वर्चः सुवीर्यम् । दधत्पोषः
 रयिम् (२) मयि । अग्ने पावक रोचिषा मन्द्रया देव जिह्वा । आ देवान्
 वक्षि यक्षि च । स नः पावक दीदिवोऽग्ने देवा इहावह । उप युज्ञः
 हविश्च नः । अग्निः शुचिर्व्रततमः शुचिर्विप्रः शुचिः कविः । शुचीरोचत
 आहुतः । उदग्ने शुचयस्तव शुक्रा भ्राजन्त ईरते । तव ज्योतीः स्य चर्यः ।
 आयुर्दा अग्नेऽस्यायुर्मे (३) देहि वर्चोदा अग्नेऽसि वर्चो मे देहि तनुपा
 अग्नेऽसि तनुवं मे पाह्यग्ने यन्मे तनुवा कुनं तन्म आपृण चित्रावसो स्वस्ति
 ते पारमं गीयेन्धानास्वा शतः हिमा द्युमन्तः समिधीमहि वयस्वन्तो वय-
 स्कुतं यशस्वन्तो यशस्कुतः सुवीरांसो अवाभ्यम् । अग्ने सपत्नदम्भं न
 वर्षिष्ठे अधिनाके । स त्वमग्ने सूर्यस्य वर्चसा (४) अगथाः समर्षीणाः

स्तेन॒ सं प्रियेण॒ धान्ना॑ । त्वम॒ग्रे सूर्यैव॒र्चा असि॒ सं मामा॒र्युषा॒ वर्चसा॒
 प्रजया॑ सृज—१७) [आहु॒वध्वै रयि॑ मे वर्चसा॒ सप्त॒दश॒ च] ॥ ५ ॥
 सम्प॒दयामि॒ प्रजा॒ अहमि॒दं प्रज॑सो मान॒वीः । सर्वो॑ भवन्तु नो गृहे । अम्भ-
 स्था॒म्भो वो भक्षी॒य मह॑स्थ॒ महो॑ वो भक्षी॒य सह॑स्थ॒ सहो॑ वो भक्षी॒योर्ज-
 स्थो॒र्जो वो भक्षी॒य रेव॑तीरम॒ध्वमस्मिन्॒ लोके॑ऽस्मिन् गोष्ठे॑ऽस्मिन् क्षये॑ऽस्मिन्
 योना॑वि॒हैव॒स्तेतो॒ माप॑णात॒ बद्धा॑मै॒ भया॒स्त (१) स॒ हिता॑सि॒ विश्व॑रूपीरा॒ मोर्जा॑
 वि॒शा गौ॒पत्ये॒ना रा॒यस्पोषे॑ण॒ सह॑स्रपोषं॒ वः पु॒ष्यासुं॑ मयि॒ वो रा॒यः अ॒यन्ता॑म् ।
 उप॑ त्वाग्रे॒ द्विवि॑दे॒ दोषा॑वस्तर्धिया॒ वृय॑म् । नमो॑ भर॑न्तु॒ एम॑सि । राज॑न्त-
 मध्व॒राणां॑ गो॒पाम॑तस्य॒ दी॒दिवि॑म् । वर्ध॑मान॒स्वे दमे॑ । स नः॑ पि॒ते
 व॒ सन॑वे॒ऽग्ने सृ॒पाय॑नो भव । सर्व॑स्था नः स्व॒स्तये॑ । अ॒ग्ने (२) त्वं नो॒ अन्त॑मः ।

उत त्राता शिवो भव बहूथ्यः । तं त्वां शोचिष्ठ दीदिवः । सुन्नाय ननमीमहे
सखिभ्यः । वसुंरग्निरुवसुंश्रवाः । अच्छा नक्षि द्युमत्तमो रथिं दाः । ऊर्जा वः
पश्याम्यूर्जा मां पश्यत रायस्पोषेण वः पश्यामि रायस्पोषेण मा पश्येतेडाः
स्थ मधुकृतः स्योना माविंशतेरा मदः । सहस्रपोषं वः पुण्यासम् (३) मयि
वो रायः श्रयन्ताम् । तत्संवितुर्वरेण्यं भर्गो देवस्य धीमहि । धियो यो नः
प्रचोदयात् ॥ सोमानस्वरंणं कृणुहि ब्रह्मणस्पते । कक्षीर्वन्तं य औशि-
जम् । कुदाचनस्तरीरसि नेन्द्र सशसि दाशुषे । उपोपेन्नु मधवन् भूय इन्नु
ते दानं देवस्य पृथ्यते । परि त्वाम्रे परं वयं विप्रश्च सहस्य धीमहि । धृषद्व-
र्णम् (४) दिवोर्दिवे भेत्तारं भङ्गुरावतः । अग्ने गृहपते सुगृहपतिरहं त्वया
गृहपतिना भूयासस्सुगृहपतिर्मया त्वं गृहपतिना भूयाः शतः हिमास्तामा-

शिषुमाशासे तन्तवे ज्योतिष्मर्तो तामाशिषुमाशासेऽमुष्मै ज्योतिष्म-
 तीम्—२९) [भूयास्ताऽग्ने पुण्यासं धृषद्वर्णमेकान्नत्रिंशच्च] ॥ ६ ॥
 अयंजो वा एष योऽसामोपप्रयन्तो अध्वरमित्याह स्तोममेवास्मै युर्नक्त्यु-
 पेत्याह प्रजा वै पशव उपमं लोकं प्रजामेव पशूनिमं लोकमुपेत्यस्य प्रजा-
 मनूयुतमित्याह सुवर्गो वै लोकः प्रतः सुवर्गमेव लोकः समारोहत्यग्निर्मर्धा
 दिवः ककुदित्याह मर्धानम् (१) एवैनः समानानां करोत्यथो देवलोकदेव
 मनुष्यलोके प्रतितिष्ठत्ययमिह प्रथमो धायि धातृभिरित्याह मुख्यमेवैनं
 करोत्युभा वामिन्द्राग्नी आहुवध्या इत्याहौजो बलमेवावर्तन्वेऽयं ते योनिर्ऋ-
 त्विय इत्याह पशवो वै रयिः पशूनेवावर्तन्वे षड्रुपतिष्ठते षड् (२) ऋतवं
 ऋतुष्वेव प्रतितिष्ठति षड्रुनराभिरुपतिष्ठते द्वादश सम्पद्यन्ते द्वादश मासाः

संवत्सरः संवत्सर एव प्रतिष्ठति यथा वै पुरुषोऽश्वो गौर्जीयत्येव मराहितो
जीर्यति संवत्सरस्य परस्तादाग्निपावमानीभिरुपतिष्ठते पुनर्नवमेव नमजरे करो-
त्यथो पुनात्येवोपतिष्ठते योगं एवास्यैष उपतिष्ठते (३) दम एवास्यैष उपतिष्ठते
याश्चैवास्यैषोपतिष्ठते यथा पापीयाञ्छेयस आहत्य नभस्यति तादृगेव तदायुदो
अग्नेऽस्यायुर्मे देहीत्याहायुर्दा ह्येष वर्चोवा अग्नेऽसि वर्चो मे देहीत्याह वर्चोवा ह्येष
तनूपा अग्नेऽसि तनुव मे पाही त्याह (४) तनूपा ह्येषोऽग्ने यन्मे तनुवा ऊनं तन्म
आपुणेत्याह यन्मे प्रजायै पशुनामनं तन्म आपूरयेति वावैतदाह चित्रावसो
स्वस्ति ते पारमंशीयेत्याह रात्रिर्वै चित्रावसूर्यष्ट्यै वा एतस्यै पुरा ब्राह्मणा
अभैष्व्यष्टिमेवावरुन्ध इन्द्रानास्त्वा शतम् (५) हिमा इत्याह शतायुः
पुरुषः शतेन्द्रिय आयुष्येवेन्द्रिये प्रतिष्ठत्येषा वै सूमी कर्णकावत्येतया ह

स्म वै देवा असुराणां शततर्हस्तृहन्ति यदेतयां समिधमादधाति वज्रं
मेवैतच्छतघ्नीं यजमानो भ्रातृव्याय प्रहरति स्तृत्या अच्छम्बट्कारसं त्वमग्ने
सूर्यस्य वचसागथा इत्याहृतत्वमसीदमहम् (६) भूयासमिति वावैतदाह
त्वमग्ने सूर्यवर्चा असीत्याहाशिषमैवता माशांस्ते—) [मूर्धानं वै तिष्ठत
आह शतमहर्षोऽङ्गं च] ॥ ७ ॥ सम्पश्यामि प्रजा अहमित्याह
यावन्त एव ग्राम्याः पशवस्तानेवावर्तन्वेऽम्भस्थाम्भो वो भक्षी येत्याहाम्भो
ह्येता महस्थ महो वो भक्षी येत्याह महो ह्येताः सहस्थ सहो वो भक्षीयेत्याह
सहो ह्येता ऊर्जस्थोर्जो वो भक्षीयेति (१) आहोर्जो ह्येता रेवतीरमध्वमि
त्याह पशवो वै रेवतीः पशून्नेवात्मन् रमयत इहैव स्तेतो मापगातेत्याह
ध्रुवा एवैना अनपगाः कुरुत इष्टकचिद्वा अन्योऽग्निः पशुचिदन्यः सश्वि-

तासिं विश्वरूपीरिति वत्समभिमिश्रत्युपैवैनं धत्ते पशुचितमेनं कुरुते प्र (२)
 वा एषोऽस्मौल्लोकाश्चयवते य आहवनीयमुपतिष्ठते गाहपत्यमुपतिष्ठतेऽस्मिन्नेव
 लोके प्रतितिष्ठत्यथो गाहपत्यायैव निष्ठते गायत्रीभिरुपतिष्ठते तेजो वै गायत्री
 तेज एवात्मन्युत्तेऽथो यदेतं त्वमन्वाह सन्तत्यै गाहपत्यं वा अनु द्विपादो
 वीराः प्रजायन्ते य एवं विद्वान् द्विपदाभिर्गाहपत्यमुपतिष्ठते (३) आस्यं
 वीरो जायत ऊर्जा वः पश्याम्यर्जा मां पश्येत्त्याहाशिषमेवैतामाशास्ते तत्सवि-
 तुर्वरेण्यमित्याह प्रसूत्यै सोमान् स्वरेणमित्याह सोमपीथमेवावरुन्धे कृणुहि
 ब्रह्मणस्पत इत्याह ब्रह्मवर्चसमेवावरुन्धे कदा चन स्तरीरसीत्याह न स्तरी-
 रात्रिं वसति (४) य एवं विद्वानग्निमुपतिष्ठते परि त्वाग्ने पुरं वयमित्याह
 परिधिमेवैतं परिदधात्यस्कन्दायाग्ने गृहपत इत्याह यथायजुरेवैतच्छत-

हिमा इत्याह शतं त्वा हेमन्तानिन्धिषीयेति वावैतदाह पुत्रस्य नाम गृह्णा-
 त्यन्नादमेवैनं करोति तामाशिषमाशासे तन्तवे ज्योतिष्मतीम् (५)
 इति ब्रूयाद्यस्य पुत्रोऽजातः स्यात्तैजस्यैवास्य ब्रह्मवर्चसी पुत्रो जायते
 तामाशिषमाशासेऽमुष्मै ज्योतिष्मतीमिति ब्रूयाद्यस्य पुत्रो जातः स्यात्तैज-
 एवास्मिन् ब्रह्मवर्चसं दधाति—२९) [इति प्र तिष्ठते वसति ज्योति-
 ष्मतीमेकान्नात्रिशब्द] ॥ ८ ॥ अग्निहोत्रं जुहोति यदेव किञ्च यज-
 मानस्य स्वं तस्यैव तद्रेतः सिञ्चति प्रजनने प्रजननं शहि वा अग्निरथौषधी-
 रन्तगता दहति तास्तनो भूयसीः प्रजायन्ते यत्सायं जुहोति रेत एव तस्मि-
 ञ्चति प्रैव प्रातस्तनैन जनयति तद्रेतः सिक्तं न त्वष्टाविकृतं प्रजायते यावच्छो
 वै रेतसः सिक्तस्य (१) त्वष्टा रूपाणि विकरोति तावच्छो वै तत्प्रजायत

एष वै दैव्यस्त्वष्टा यो यजते बह्वीभिरुपतिष्ठते रेतस एव सिक्तस्य बहुशो
 रूपाणि विकरोति स प्रैव जायते श्वध्वो भूयान्न भवति य एवं विद्वानग्निमुप-
 तिष्ठते ऽहर्देवानामासीद्वाग्निर्गुरुणां ते ऽसुरा यदेवानां वित्तं वेद्यमासीत्तेन सह
 (२) रात्रिं प्राविशन् ते देवा ह्रीना अमन्यन्त ते ऽपश्यन्नाग्नेयी रात्रिराग्नेयाः
 पशवं इममेवाग्निः स्तवाम सनः स्तुतः पृश्नन् पुनर्दास्यतीति ते ऽग्निमस्तु-
 वन्तस एभ्यः स्तुतो रात्रिया अध्यहर्भि पृश्नन्निर्जते देवाः पृश्नन्वित्वा कामा-
 अकुर्वत य एवं विद्वानग्निमुपतिष्ठते पशुमान्न भवति (३) आदित्यो
 वा अस्माल्लोकादमुं लोकमैत्सोऽमुं लोकं गत्वा पुनरिदं लोकमभ्यध्या-
 यत्स इमं लोकमागत्य मत्प्योरविभेन्मत्युसंयुत इव ह्ययं लोकः सोऽमन्यते-
 मभेवाग्निः स्तवानि स मां स्तुतः सुवर्गं लोकं गमयिष्यतीति सोऽग्नि-

मस्तौत्स एन२ स्तुतः सुवर्गं लोकमगमयद्यः (४) एवं विद्वानग्निमुपतिष्ठते
सुवर्गमेव लोकमेति सर्वमारुरेत्यग्निं वा एषोऽग्नी आरोहति य एनावुपति-
ष्ठते यथा खलु वै श्रेयानभ्यारूढः कामयते तथा करोति नक्तमुपतिष्ठते
न प्रातः स२ हि नक्तं व्रतानि सृज्यन्ते सह श्रेयांश्च पापीयाश्च्यसन्ति
ज्योतिर्वा अग्निस्तमो रात्रिर्यत् (५) नक्तमुपतिष्ठते ज्योतिर्बैव तमस्तर-
त्युपस्थे योऽग्नी३ नोपस्थेया३ इत्याहुर्मनुष्यायेन्वै योऽहरहराहृत्याथैनं याचं-
ति स इन्वै तमुपाच्छेत्यथ को देवानहरहर्याचिष्यतीति तस्मान्नोपस्थेयो
ऽथो खल्वाहुराशिषे वै कंयजमानो यजत इत्येषा खलु वै (६) आहि-
ताग्निराशीर्यदग्निमुपतिष्ठते तस्मादुपस्थेयः प्रजापतिः पशूनंसृजत ते सृष्टा
अंहोरात्रे प्राविशन् ताञ्छन्दोभिरन्वविन्द्यच्छन्दोभिरुपतिष्ठते स्वमेव तद-

न्विच्छति न तत्र जाम्येस्तीत्याहुर्योऽहरहरूपतिष्ठत् इति यो वा अग्निं प्रत्यङ्कु-
 पतिष्ठते प्रत्येनमोषति यः पराङ् विष्वङ् प्रजयां पशुभिः (७) एति कर्वातिर्य-
 ङ्खिवोपतिष्ठेत् नैनं प्रत्योषति न विष्वङ् प्रजयां पशुभिरेति—१३) [सिक्तस्य
 सह भवति यो यद्वै पशुभिस्त्रयोदश च] ॥ १ ॥ मम नामं प्रथमं जात-
 वेदः पिता माता च दधतुर्यदग्ने । तत्त्वं विभृहि पुनरा मदौस्तवाहं नाम
 विभराण्यग्ने । मम नाम त्वं च जातवेदो वासंसी इव विवसानौ ये चरावः ।
 आयुषे त्वं जीवसे वयं यथायथं विपरिदधावहै पुनस्ते । नमोऽग्नये प्रतिवि-
 द्वाय नमोऽनाधृष्टाय नमः सम्राजै । अषाढः (१) अग्निर्वृहद्वया विश्वजित्स-
 हन्त्यः श्रेष्ठो गन्धर्वः । त्वत्पितारो अग्ने देवास्त्वामाहुतयस्त्वद्विवाचनाः ।
 संमामार्युषा सं गौपत्येन सुहिते मा धाः । अयमग्निः श्रेष्ठतमोऽयं भगव-

तमोऽयं सहस्रसातमः । अस्मा अस्तु सुर्वथम् । मनो ज्योतिर्जुषतामाज्यं
विच्छिन्नं यज्ञसमिमं दधातु । या इष्टा उपसौ निघ्नुर्चश्च ताः सन्दधामि
हविषा धृतेन । पर्यस्वतीरोषधयः (२) पर्यस्वद्वीरुधां पर्यः । अपां पर्यसो
यत्पयस्तेन मामिन्द्र ससृज । अग्रे व्रतपते व्रतं चरिष्यामि तच्छेक्यं तन्मे
राध्यताम् । अग्निं होतारमिह तं हुवे देवान् युज्ञियांनिह यान् हवामहे ।
आर्यन्तु देवाः सुमनस्यमाना वियन्तु देवा हविषो मे अस्य । कस्त्वा
युनक्ति स त्वां युनक्तु यानि घर्मे कपालान्युपचिन्वन्ति (३) वेधसः ।
पूष्णस्तान्यपि व्रत इन्द्रवायू विमुञ्चताम् । अभिन्नो घर्मो जीरदानुर्यत आत्-
स्तदगन् पुनः । इध्मो वेदिः परिधयश्च सर्वे यज्ञस्यायुरनुसञ्चरन्ति । त्रयस्त्रिंश-
शतन्तवो ये वितत्रिरे य इमं यज्ञं स्वधया ददन्ते तेषां छिन्नं प्रत्ये तदधामि

स्वाहा॑ ध॒र्मो दे॒वाः अप्येतु—४५) [अषा॑ढ ओष॒धय उपचि॒न्वन्ति पञ्च॑-
 च॒त्वारि॑श॒च्च] ॥ १० ॥ वै॒श्वान॒रो न॒ ऊ॒त्या प्र॒यातु॑ प॒राव॑तः । अ॒ग्नि॒रु॒क्थेन॒
 वा॒ह॒सा । ऋ॒तावा॑नं वै॒श्वान॒रम॒तस्य॒ ज्योति॑ष॒स्पति॑म् । अ॒ज॒स्रं ध॒र्ममी॒महे ।
 वै॒श्वान॒रस्य॑ द॒स॒नाभ्यो॑ बृ॒हद॑रि॒णादे॒कः स्व॒प॒स्यया॑ क॒विः । उ॒भा पि॒तरा॑
 म॒ह॒र्य॒न्नजा॑य॒ताग्नि॒र्द्यावा॑पृ॒थिवी॒ भरि॑रे॒तसा॑ । प॒ष्टो दि॒वि प॒ष्टो अ॒ग्निः पृ॒थि॒व्यां
 प॒ष्टो वि॒श्वा ओष॑धी॒राविवे॑श । वै॒श्वान॒रः स॒हसा॑ प॒ष्टो अ॒ग्निः स॒नो दि॒वासः
 (१) रि॒षः पा॑तु न॒क्तम् । जा॒तो य॒दग्ने॒ भुव॑ना॒ व्य॒र्यः प॒शुं न गो॑पा इ॒र्यः
 परि॑ज॒मा । वै॒श्वान॒र ब्र॒ह्मणे॒ वि॒न्द गा॑तुं यूयं पा॑त स्व॒स्तिभिः॒ सदा॑ नः । त्व॒मग्ने॑
 शो॒चिषा॑ शो॒शु॒चान् आ रो॑द॒सी अप॑णा॒ जाय॑मानः । त्वं दे॒वाः अ॒भि॒श॒स्ते-
 रमु॒ञ्चो वै॒श्वान॒र जा॑तवे॒दो म॒हि॒त्वा । अ॒स्माक॑म॒ग्ने म॒घव॑त्सु धा॒र्याना॑मि क्ष॒त्र-

तस्य तद्धिरण्यात् (४) घृतं निष्पिबत्यायुर्वै घृतममृतं हिरण्यममतादेवा-
यनिष्पिबति शतमानं भवति शतायुः पुरुषः शतेन्द्रिय आयुष्येवेन्द्रिये प्रति-
तिष्ठत्यथो खलु यावतीः समा एष्यन् मन्येत तार्वन्मानस्यात्समृद्ध्या इम-
मग्र आयुषे वचसे कृधीत्याहार्युरेवास्मिन् वचो दधाति विश्वे देवा जरदष्टिर्य-
थासदिति (५) आह जरदष्टिमेवैनं करोत्यग्निरायुष्मानिति हस्तं गृह्णात्येते
वै देवा आयुष्मन्तस्त एवास्मिन्नायुर्दधति सर्वमायुरेति—२२) [रसं देवा-
नामिति हिरण्यादिति द्वाविंशतिश्च ॥ ११ ॥ प्रजापतिर्वरुणायाश्व-
मनयत्स स्वां देवतामार्च्छत्सपर्यैदीर्यत् स एतं वारुणं चतुष्कपालमपश्यत्
निरवपत्ततो वै स वरुणपाशादमुच्यत् वरुणो वा एतं गृह्णाति योऽश्वं प्रति-
गृह्णाति यावतोऽश्वान् प्रतिगृह्णीयात्तादतो वारुणान् चतुष्कपालान् निर्वपेद्व-

वरुणमेव स्वेन भागधेयेनोपधावति स एवैनं वरुणपाशान्मुञ्चति (१) चतु-
 ष्कपाला भवन्ति चतुष्पाद्व्यश्वः समृद्ध्या एकमतिरिक्तं निर्वपेद्यमेव प्रति-
 ग्राही भवति यं दानाध्येति तस्मादेव वरुणपाशान्मुञ्चते यद्यपरं प्रतिग्राही
 स्यात् सौम्यैर्मेककपालमनुनिर्वपेद्यमुमेवाविद्यमुच्चारं कुरुते ऽप्योऽवभथमवै-
 त्यप्सु वै वरुणः साक्षादेव वरुणमवयजते ऽपोनप्त्रीर्यं चरुम् (२) पुनरेत्य निर्वपे-
 दप्सु योनिर्वा अश्वः स्वामेवैनं योनिं गमयति स एनं गान्त उपतिष्ठते—१७
 [मुञ्चति चरुं सप्तदश च] ॥ १२ ॥ या वामिन्द्रावरुणा यतव्या तन-
 स्तयेममं हंसो मुञ्चतं या वामिन्द्रावरुणा सहस्र्या रक्षस्यो तेजस्यो
 स्तयेममं हंसो मुञ्चतं यो वामिन्द्रावरुणावग्रौ स्त्रामस्तं वामितेनावयज-
 वामिन्द्रावरुणा द्विपात्सु पशुषु चतुष्पात्सु गोष्ठे गृहेष्वप्सोषधीषु वनसु

स्नामस्तं वामितेनावयज इन्द्रो वा एतस्य (१) इन्द्रियेणार्पकाप्रति
 वरुण एनं वरुणपाशेन गृह्णाति यः पाप्मना गृहीतो भवति यः पाप्मना
 गृहीतः स्यात्तस्मा एतामैन्द्रावरुणीं पयस्यां निर्वपेदिन्द्र एवास्मिन्निन्द्रिये
 र्वधाति वरुण एनं वरुणपाशान्मुञ्चति पयस्यां भवति पयो हि वा एतस्मा-
 दपक्रामत्यथैष पाप्मना गृहीतो यत् पयस्यां भवति पर्य एवास्मिन् तयां
 दधाति पयस्यायाम् (२) पुरोडाशमवदधात्यात्मन्वन्तेमैवैनं करोत्यथो
 आयतनवन्तमेव चतुर्धा व्यूहति दिक्ष्वेव प्रतितिष्ठति पुनः समूहति दिग्भ्य
 एवास्मै भेषजं करोति समूहावेद्यति यथाविद्धं निष्कृन्तति तादृगेव तथो
 वामिन्द्रावरुणावग्नौ स्नामस्तं वामितेनावयज इत्याहुः दुरिष्ठ्या एवैनं प्राति
 (३) यो वामिन्द्रावरुणा द्विपात्सु पशुषु स्नामस्तं वामितेनावयज इत्या-

म॒ज्जरं॑ सं॒वीर्य॑म् । व॒यं ज॑येम॒ स्र॒तिन॑ । स॒हस्रि॑णं॒ वैश्व॑ान॒र (२) वा॒ज॒म॒ग्रे
 त॒वो॒ति॒भिः । वै॒श्व॒ान॒रस्य॑ सु॒म॒तौ स्या॑म॒ राजा॑ हि॒कं भु॑वंना॒नाम॑भि॒श्रीः ।
 इ॒तो ज्ञा॒तो वि॒श्व॑मि॒दं वि॒च॒ष्टे वै॒श्व॒ान॒रो य॑न्ते॒ सूर्ये॑ण । अ॒व ते॒ हे॒डो व॑रु॒ण
 न॒मो॒भि॒स्व॑य॒ज्ञे॒भिरी॑महे ह॒वि॒र्भिः । क्ष॒य॒न्न॒स्म॒भ्य॑म॒सुर॑ प्र॒चेत्ते॒ राज॑न्ने॒नाऽ॒सि
 शि॒श्र॒थः कु॒तानि॑ । उ॒दु॒त्त॒मं व॑रु॒ण पा॑श॒म॒स्म॒दवा॑धु॒मं वि॑ मे॒ध्य॒म॒श्र॑याय ।
 अ॒था व॑य॒मा॒दित्य॑ (३) व्र॒ते त॒वाना॑गतो अ॒दित॑ये स्याम । दु॒षि॒क्रा॒णो॑ अ॒का॒-
 स्त्रि॑पं जि॒ष्णो॒र॒श्व॑स्य वा॒जिनः॑ । सु॒र॒भि नो॑ मु॒खां क॑र॒त्प्र ण॒ आयू॑र॒पि ता॑रि॒-
 षत् । आ॒द॒धि॒क्राः श॑वंसा॒ पञ्च॑ क॒ष्टीः सूर्ये॑ इ॒व ज्योति॑ष्ठा॒प॒स्त॒न । स॒ह॒स्रा॒साः
 श॑न्त॒सा वा॒ज्य॒वीं पु॑ण॒क्तु॒म॒ध्वा स॑मि॒मा व॑वाऽ॒सि । अ॒ग्नि॒मूर्धा॑ भु॒वः । म॑रु॒तो
 य॑ष्टं वो॒ दि॒वः । सु॒न्ना॒य॒न्तो॒ ह॒वो॑महे । आ॒तू नः॑ (४) उ॒प॒ग॒न्त॒न । या वः

शर्म शशमानाय सन्ति त्रिधातूनि दशगुणैश्चच्छताधि । अस्मभ्यन्तानि मरुतो
 वियन्त रयि नो धत्त वृषणः सुवीरम् । अदितिर्न उरुष्यत्वर्षिनिः शर्म यच्छतु ।
 अदितिः पात्वर्हसः । महीम् पु मातरश्च सुव्रतानामतस्य पत्नी मर्वसे हुवेम ।
 तुविक्षत्राम्जरन्तीमुखीश्च सुशर्मौणमदितिश्च सुप्रणीतिम् । सुत्रामाणं कृथिनी
 द्यामनेहसश्च सुशर्मौणम् (५) अदितिश्च सुप्रणीतिम् । वैवी नावश्च स्वरित्रा-
 मनांगसुमस्त्रवन्तीमारुहेमा स्वस्तये । इमाश्च सु नावमारुहश्च शतारित्राश्च
 शतरफ्याम् । अच्छिद्रां पारयिष्णुम्--११) [स वैश्वानरादित्य नः सुश-
 र्माणमेकात्रविश्च शतिश्च] ॥ ११ ॥ देवासुराः (२२५) परा (२३६)
 भूमि (१६३) भूमि (२२५) उपप्रयंतः (२१७) स (२२९) मर्यज्ञः
 (३१६) स (२७९) मयिहोत्रं (३६३) मम (११५) वैश्वानर (२७९)

एकादश (२७२८) ॥ ११ ॥ इति तैत्तिरीयसंहितायां प्रथमकाण्डे
पञ्चमः प्रपाठकः ॥

ॐ सं त्वां सिञ्चामि यजुषा प्रजामायुर्धनञ्च । बृहस्पतिप्रसूतो यजमान
इह मा रिषत् । आज्यमसि सत्यमसि सत्यस्याध्यक्षमसि हविरसि वैश्वा-
नरं वैश्वदेवमुत्पूतशुष्मं सत्यौजाः सहोऽसि सहमानमसि सहस्वारातीः सह-
स्वारातीयुतः सहस्व पृतनाः सहस्व पृतन्युतः । सहस्रवीर्यमसि तन्मां
जिन्वाज्यस्याज्यमसि सत्यस्य सत्यमसि सत्यायुः (१) असि सत्यशुष्म-
मसि सत्येन त्वाभिधायामि तस्य ते भक्षीय पञ्चानां त्वा वातानां यन्त्राय
धुत्राय गृह्णामि पञ्चानां त्वर्तनं यन्त्राय धुत्राय गृह्णामि पञ्चानां त्वां दिशां
यन्त्राय धुत्राय गृह्णामि पञ्चानां त्वां पञ्चजनानां यन्त्राय धुत्राय गृह्णामि

वरोस्त्वा दश्विलस्य यन्त्राय धर्त्राय गृह्णामि ब्रह्मणस्त्वा तेजसे यन्त्राय
 धर्त्राय गृह्णामि क्षत्रस्य त्वौजसे यन्त्राय (२) धर्त्राय गृह्णामि विशे त्वा
 यन्त्राय धर्त्राय गृह्णामि सुवीर्याय त्वा गृह्णामि सुप्रजास्त्वाय त्वा गृह्णामि
 रायस्पोषाय त्वा गृह्णामि ब्रह्मवर्चसाय त्वा गृह्णामि भूरस्माकं हविर्देवा-
 नां माशिषो यजमानस्य देवानां त्वा देवताभ्यो गृह्णामि कामाय त्वा गृह्णा-
 मि—३३) [सत्यायुर्येन्त्राय त्रयस्त्रिंशच्च] ॥ १ ॥ ध्रुवोऽसि ध्रुवोऽहं
 संजातेषु भूयासं धीरश्चेत्ता वसुविदुग्नोऽस्युग्रोऽहं संजातेषु भूयासमुग्रश्चेत्ता
 वसुविदंभिभूरस्यभिभूरहं संजातेषु भूयासमभिभूश्चेत्ता वसुविद्युनज्मि त्वा
 ब्रह्मणा दैव्येन हव्यायास्मै वोढुवे जातेवेदः । इन्धानास्त्वा सुप्रजसः सुवीरा
 ष्योरर्जीविम बलिहतो वयं ते । यन्मे अग्ने अस्य युक्तस्य रिष्यात् (१)

यद्वा स्कन्दादाज्यस्योत विष्णो । तेन हन्मि सपत्न्यं दुर्मरायुमैर्न दधामि
 निऋत्या उपस्थे । भूर्भुवः सुवरुच्छुष्मो अग्रे यजमानायैधि निऋष्मो
 अभिदा सते । अग्रे देवेभ्य मन्विह्य मन्त्रजिह्वामर्त्यस्य ते होतमर्घन्नाजिघमि
 रायस्पोषाय सुप्रजास्त्वाय सुवीर्याय मनो ऽसि प्राजापत्यं मनसा मा भते-
 नाविश वागस्यैन्द्री संपत्तक्षयणी (२) बाचा मेन्द्रियेणाविश वसन्तमृतनां
 प्रीणामि स मां प्रीतः प्रीणतु ग्रीष्ममृतनां प्रीणामि स मां प्रीतः प्रीणतु
 वर्षां ऋतूनां प्रीणामि ता मां प्रीताः प्रीणन्तु शरदमृतनां प्रीणामि
 सा मां प्रीता प्रीणतु । हेमन्तशिशिरावृतनां प्रीणामि तौ मां प्रीतौ
 प्रीणीतामग्नीषोमयोर्हं देवयज्या चक्षुष्मान् भूयासमग्नेरहं देवयज्यचान्नादो
 भूयासम् (३) दब्धिरस्यदब्धो भूयासममुं दभेयमग्नीषोमयोर्हं देवयज्या

वृत्रहा भूयासमिन्द्राग्निर्योऽहं देवयज्ययैन्द्रियाव्यन्नादो भूयासमिन्द्रस्याहं देव-
 यज्ययैन्द्रियावी भूयासं महेन्द्रस्याहं देवयज्ययां जेमानं महिमानं गमे-
 यमग्नेः स्विष्टकृतोऽहं देवयज्ययायुष्मान् यज्ञेन प्रतिष्ठां गमेयम्—४६)
 [रिष्यात् सपत्नक्षयणी भूयासः षट्त्रिंशच्च] ॥ २ ॥ अग्निर्मां कुरि-
 ष्यात् पातु सविताऽघशः साद्यो मेऽन्ति दुरेऽरातीयति तमेतेन जेषः सुरूप-
 वर्षवर्ण एहीमान् भद्रान्दुर्याः अभ्येऽहि मामनुव्रता न्यु शीर्षाणि मृडमिह
 एह्यदित एहि सरस्वत्येहि रन्तिरसि रमन्तिरसि सुनयसि जुष्टे जुष्टि तेऽशी-
 योपहूत उपहवम् (१) तेऽशीय सा मे सत्याशीरस्य यज्ञस्य भूयादरेडता
 मर्नसा तच्छक्रेयं यज्ञो दिवः रोहतु यज्ञो दिवं गच्छतु यो देवयानः पन्था-
 स्तेनं यज्ञो देवाः अप्येतस्मास्विन्द्र इन्द्रियं वधात्वस्मान्नायं द्रुत यज्ञाः

संचन्तामुस्मासु सन्त्वाशिषः सा नः प्रिया सप्रतूर्तिर्मधानी जुष्टिरसि जुषस्व
 नो जुष्टा नः (२) असि जुष्टि ते गमेयं मनो ज्योतिर्जुषतामाज्यं विच्छिन्नं
 यज्ञः समिमं दधातु । बृहस्पतिस्तनुतामिमं नो विश्वे देवा इह मादयन्ताम् ।
 ब्रह्म पिन्वस्व ददतो मे मा क्षायि कुर्वतो मे मोषदसत् प्रजापतेर्भागोऽ
 स्यूर्जैस्वान् पर्यस्वान् प्राणापानौ मे पाहि समानव्यानौ मे पाह्युदानव्यानौ
 मे पाह्याक्षितोऽस्यक्षित्यै त्वा (३) मा मे क्षेष्ठा अमुत्रामुष्मिन् लोके—६)
 [उपहवं नस्त्वा षट् च] ॥ ३ ॥ बर्हिषोऽ हं देवयज्यया प्रजावान्
 भूयासं नराशः संस्याहं देवयज्यया पशूमान् भूयासमग्नेः स्विष्टकृतोऽहं
 देवयज्ययायुष्मान् युक्तेन प्रतिष्ठां गमेयमग्नेरहमुज्जितिमनूजैषः सोमस्याह
 मुज्जितिमनूजैषमग्नेरहमुज्जितिमनूजैषमग्नीषोमयोरहमुज्जितिमनूजैष-

मिन्द्राग्रि॒योर्हमु॒ज्जि॒ति॒म॒नू॒ज॒ष॒मिन्द्र॒स्या॒हम् (१) उ॒ज्जि॒ति॒म॒नू॒ज॒ष॒ महेन्द्र॒-
 स्या॒हमु॒ज्जि॒ति॒म॒नू॒ज॒ष॒म॒ग्रेः स्वि॒ष्ट॒कृ॒तोऽहमु॒ज्जि॒ति॒म॒नू॒ज॒ष॒ वा॒ज॒स्य॒ मा
 प्र॒स॒वे॒नो॒द्वा॒भे॒णो॒द॒प्र॒भी॒त् । अ॒र्था॒ स॒प॒त्न्या॒ इन्द्रो॒ मे॒ नि॒ग्रा॒भे॒णा॒ध॒रा॒ अ॒कः ।
 उ॒द्वा॒भश्च॒ नि॒ग्रा॒भश्च॒ ब्र॒ह्म॒ दे॒वा अ॒वी॒वृ॒धन् । अ॒र्था॒ स॒प॒त्न्या॒ निन्द्रा॒ग्नी॒ मे॒ वि॒षू॒ची॒-
 ना॒न् व्य॒स्य॒ताम् । ए॒मा अ॒ग॒म॒न्ना॒शि॒षो॒ दो॒ह॒कामा॒ इन्द्र॒व॒न्तः (२) व॒ना॒-
 महे॒ धु॒क्षी॒महि॒ प्र॒जा॒मि॒षम् । रो॒हि॒ते॒न॒ त्वा॒ग्नि॒दे॒वतो॒ ग॒म॒य॒तु॒ हरि॒भ्यां॒ त्वेन्द्रो॒
 दे॒वतो॒ ग॒म॒य॒त्वे॒त॒शे॒न॒ त्वा॒ सूर्यो॒ दे॒वतो॒ ग॒म॒य॒तु॒ वि॒ ते॒ मु॒श्चा॒मि॒ र॒ज्ञा॒ना
 वि॒र॒मी॒न्वि॒यो॒त्का॒ या॒नि॒ परि॒च॒त॒ना॒मि॒ धृ॒ता॒द॒स्मा॒सु॒ द्र॒वि॒णं॒ यच्च॒ भ॒द्रं॒ प्र॒णो॒
 ब्र॒ता॒द्वा॒ग॒धा॒न् दे॒वता॒सु॒ । वि॒ष्णोः॒ शं॒यो॒र॒हं दे॒व॒य॒ज्यया॒ य॒ज्ञेन॒ प्र॒ति॒ष्ठां॒ ग॒मे॒य॒
 सो॒म॒स्या॒हं दे॒व॒य॒ज्यया॒ (३) सु॒रे॒ता॒ रे॒तो॒ वि॒षी॒य॒ त्व॒ष्टु॒र॒हं दे॒व॒य॒ज्यया॒ प॒शू॒-

ना॒ रूपं पुं॒षेयं दे॒वानां॒ प॒क्षी॒र॒ग्निर्गृ॒हप॒तिर्य॒ज्ञस्य॒ मिथु॑नं तयो॒रहं दे॒वय॒ज्यया॒
मिथु॑नेन प्रभूयासं दे॒दो॒ऽसि वि॒त्तिर॑सि वि॒देय॒ कर्मा॑सि क॒रुण॑मसि क्रियासं॒
स॒निर॑सि स॒निता॑सि स॒नेयं घृ॒तव॑न्तं कु॒लायि॑नं रा॒यस्पोष॑ सह॒स्त्रिणं॑ दे॒दो
ददा॑तु वा॒जिन॑म्—४४) [अ॒हमि॒न्द्रव॑न्तो दे॒वय॒ज्यया च॑तुश्च॒त्वारि॑ऽश॒च्च] ॥४॥

आ॒प्याय॑तां ध्रु॒वा घृ॒तेन॑ य॒ज्ञं य॒ज्ञं प्र॑ति दे॒वय॒ज्यः । सूर्या॑या ऊ॒षो
ऽदि॑त्या उ॒पस्थ॑ उ॒रुधा॑रा पृथि॒वी य॒ज्ञे अ॒स्मिन् । प्र॒जाप॑तेर्वि॒भान्नाम॑ लो॒क-
स्त्वि॒मं स्त्वा द॒धामि॑ सह॒ यज॑मानेन॒ सद॑सि सन्मे भू॒याः सर्व॑मसि सर्वं
मे भू॒याः पूर्ण॑मसि पूर्णं मे भू॒या अक्षि॑तमसि मा मे क्षे॒ष्टाः प्रा॒ज्यां दि॒शि
दे॒वा ऋ॒त्विजो॑ मा॒र्जय॑न्तां दक्षि॒णायाम् (१) दि॒शि मा॒साः पि॒त्रो मा॒र्जय॑न्तां
प्र॒ती॒ज्यां दि॒शि गृ॒हाः प॒शवो॑ मा॒र्जय॑न्तामु॒दी॒च्यां दि॒श्याप॑ ओष॒धयो वन॑स्प॒तयो

मार्जयन्तामधूर्वायां दिशि यज्ञः सवत्सरो यज्ञपतिर्माजयन्तां विष्णोः क्रमो-
 ऽस्यभिमातिहा गायत्रेण छन्दसा पृथिवीमनु विक्रमे निर्भक्तः स यं द्विष्मो
 विष्णोः क्रमो ऽस्यभिशास्तिहा त्रैष्टुभेन छन्दसान्तरिक्षमनु विक्रमे निर्भक्तः
 स यं द्विष्मो विष्णोः (२) क्रमो ऽस्यरातीयतो हन्ता जागतेन छन्दसा
 दिवमनु विक्रमे निर्भक्तः स यं द्विष्मो विष्णोः क्रमो ऽसि शत्रूयतो हन्तान-
 षुभेन छन्दसा दिशोऽनु विक्रमे निर्भक्तः स यं द्विष्मः—२१) [दक्षिणायां
 विष्णोरेकान्नत्रिंशच्च] ॥ ५ ॥ अर्गन्म सुवः सुवर्गन्म सन्दर्शस्ते
 मा छित्सि यत्ते तपस्तरमै ते मा वृक्षि सुभूरसि श्रेष्ठो रश्मीनामप्युर्ध्वा
 अस्यायुर्मे धेहि वर्चोधा असि वर्चो मयि धेहीवमहममुं भ्रातृव्यमाभ्यो
 दिग्भ्यो ऽस्यै दिवो ऽस्मादन्तरिक्षादस्यै पृथिव्या अस्मादुन्नाद्यान्निर्भजामि

निर्भक्तः स यं द्विष्मः । (१) सं ज्योतिषाऽभवमैन्द्रिमावृतमन्वावर्ते समहं
प्रजया सं मया प्रजा समहः रायस्पोषेण सं मया रायस्पोषः समिद्धो अग्ने
मे दीदिहि समेद्धा ते अग्ने दीद्यासं वसुमान् यज्ञो वर्सीयान् भूयासुमग्र आयूँ
षि पवसु आ सुवोर्जमिषश्च नः । आरे बाधस्व दुष्पुनाम् । अग्ने पर्वस्व स्वपा
अस्मे वर्चैः सुवीर्यम् । (२) दधत्पोषः रयिं मयि । अग्ने गृहपते सुगृह-
पतिरहं त्वया गृहपतिना भूयासः सुगृहपतिर्मया त्वं गृहपतिना भूयाः
शतः हिमास्तामाशिषमाशसि तन्त्वे ज्योतिष्मती तामाशिषमाशसिऽ
मुष्मै ज्योतिष्मती कस्त्वा युनक्ति स त्वा विमुञ्च त्वग्ने व्रतपते व्रतमचा-
रिषु तदंशकुं तन्मेऽराधि यज्ञो बभूव स आ (३) बभूव स प्रजज्ञे स
वावृधे । स देवानामधिपतिर्बभूव सो अस्माः अधिपतीन् करोतु वयः स्याम

पत॑यो रयी॒णाम् । गो॒मां॑ अ॒मेऽवि॑मा॒ अ॒श्वी य॒ज्ञो न॒वत्स॑खा स॒दमि॑दं प्र-
 म॒ष्यः । इ॒डांवा॑ ए॒षो अ॒सुर प्र॒जावा॑न् दी॒र्घो र॒यिः पृ॒थु॒व॒ध्नः स॒भावान्
 —३५) [द्वि॒ष्टमः स॒वीर्य॑ मा प॒ञ्चत्रि॑ श॒च्च] ॥ ६ ॥ यथा॒ वै संमृ॑-
 त॒सोमा॑ एवं॒ वा ए॒ते संम॑तय॒ज्ञा यद॑र्शपूर्ण॒मासौ क॑स्य॒ वाह॑ दे॒वा य॒ज्ञमाग॑-
 च्छ॑न्ति॒ कस्य॑ वा न॒ ब॒हुनां॑ यज॑मानानां॒ यो वै दे॒वताः पू॒र्वः परि॑गृ॒ह्णाति॒ स
 ए॒नाः श्वो॑भ॒ते य॒जत॑ ए॒तद्वै दे॒वाना॑मा॒यते॑न् यदा॑हव॒नीयोऽन्तरा॑ग्नी प॒शूनां॑
 गा॒हप॑त्यो म॒नुष्या॑णाम॒न्वाहार्य॑प॒र्चनः॑ पि॒तृणा॑म॒ग्निं गृ॒ह्णाति॒ स्व ए॒वाय॑ते॒ने
 दे॒वताः परि॑ (१) गृ॒ह्णाति॒ ताः श्वो॑भ॒ते य॒जते॑ व्र॒तेन॒ वै मे॒ध्योऽग्नि॑व्र॒तप॑ति-
 ब्रा॒ह्मिणो॑ व्र॒तभृ॑द्व॒तमु॑पै॒ष्यन् ब्रू॒याद॑ग्रे व्र॒तप॑ते व्र॒तं च॑रि॒ष्यामी॒त्यग्नि॑र्वै दे॒वामां॑
 व्र॒तप॑तिस्त॒स्मा ए॒व प्र॑तिप्रोच्य॒ व्र॒तमा॑ल॒भते॒ बर्हि॑षां पू॒र्णमा॑सि व्र॒तमु॑पैति वृ॒त्सै-

रमावास्यायामेतद्वयेतयोरायतनमुपस्तार्यः पूर्वैश्चाग्निपरश्वेत्याहुर्मनुष्याः (२)
 इन्वा उपस्तीणमिच्छन्ति किमु देवा येषां नवावसानसुपास्मिञ्छो यक्ष्यमा-
 णे देवतां वसन्ति य एवं विद्वानग्निमुपस्तुगति यजमानेन ग्राम्याश्च पशवोऽ-
 वरुध्यां आरण्याश्चेत्याहुर्द्वयद्राम्यानुपवसन्ति तेन ग्राम्यानवरुध्वे यदारण्यास्या-
 भ्राति तेनारण्यान्यदनाश्वानुपवसन्ति तद्वत्यः स्यादारण्यास्यांभ्रातीन्द्रियम्
 (३) वा आरण्यामिन्द्रियमेधात्मन्धत्ते यदनाश्वानुपवसेत्क्षोधुकः स्याद्यदंभ्री-
 याद्रुद्रोऽस्य पशूनाभिमन्येतापोऽभ्राति तस्त्रेवाशितं नेवानशितं न क्षोधुको
 भवति नास्य रुद्रः पशूनाभिमन्यते वज्रो वै युज्ञः क्षुत्खलु वै मनूष्यस्य
 भ्रातृव्यो यदनाश्वानुपवसति वज्रेणैव साक्षात् (४) क्षुवं भ्रातृव्यं हन्ति—३)
 [परि मनुष्या इन्द्रियं साक्षाद्वाणि च] ॥ ७ ॥ यो वै श्रद्धामना-

रभ्य यज्ञेन यजते नास्येष्टाश्च श्रद्धधत्तेऽपः प्रणयति श्रद्धा वा आपः श्रद्धा-
 मेवारभ्यं यज्ञेन यजत उभयेऽस्य देवमनुष्या इष्टाय श्रद्धधत्ते तदाहरति वा
 एता वस्त्रं नेदन्त्यति वाचं मनो वावैता नार्तिनेदन्तीति मनसा प्रणयतीयं
 वै मनः (१) अनयैवैनाः प्रणयस्कन्नहविर्भवति य एवं वेदं यज्ञायुधानि
 सम्भरति यज्ञो वै यज्ञायुधानि यज्ञमेव तत्सम्भरति यदेकमेकं सम्भरेत्पितृ-
 देवत्यानि स्युर्यत् सह सर्वाणि मानुषाणि द्वेह सम्भरति याज्यानुवाक्ययोरेव
 रूपं करोत्यथो मिथुनमेव यो वै दश यज्ञायुधानि वेदं मुखतोऽस्य यज्ञः
 कल्पते स्फ्यः (२) च कपालानि चामिहोन्नहवणी च शूर्पश्च कृष्णाजि-
 नश्च शम्यां चोलखलश्च मुसलश्च दृषच्चोपला चैतानि वै दश यज्ञायुधानि
 य एवं वेदं मुखतोऽस्य यज्ञः कल्पते यो वै देवेभ्यः प्रतिप्रोच्य यज्ञेन यजते

जुषन्तेऽस्य देवा हव्यः हविर्निरुप्यमाणमभिमन्त्रयेतामिह होतांरामिह
 तः हुव इति (३) देवेभ्य एव प्रतिप्रोच्य यज्ञेन यजते जुषन्ते-
 ऽस्य देवा हव्यमेष वै यज्ञस्य ग्रहो गृहीत्वैव यज्ञेन यजते तदुक्त्वा
 वाचं यच्छति यज्ञस्य धृत्या अथो मनसा वै प्रजापतिर्यज्ञमननु-
 मनसैव तद्यज्ञं तनुते रक्षसामनन्ववन्नाराय यो वै यज्ञं योग आगते यनक्ति
 युङ्क्ते यज्ञानेषु कस्त्वा यनक्ति स त्वा यनक्तु (४) इत्याह प्रजापतिर्वै कः
 प्रजापतिनैवैनं यनक्ति युङ्क्ते यज्ञानेषु—११) [मनः स्प्य इति यनक्त्वेका-
 दश च] ॥ ८ ॥
 सीञ्चोक्थंश्चामावास्याञ्चातिरात्रश्च तानुदमिमीतयावदग्निहोत्रमासीत्तावानग्नि-
 श्चोमो यावती पौर्णमासी तावानुक्थ्यो यावत्पमावास्या तावानतिरात्रो य

एवं विद्वानग्निहोत्रं जुहोति यावदग्निहोत्रेनोपाप्नोति तावदुपाप्नोति य एवं
 विद्वान् पौर्णमासीं यजते यावदुक्थ्येनोपाप्नोति (१) तावदुपाप्नोति य एवं
 विद्वानमावास्यां यजते यावदतिरात्रेणोपाप्नोति तावदुपाप्नोति परमेष्ठिनो
 वा एष यज्ञोऽग्रं आसीत्तेन स परमां काष्ठांमगच्छतेन प्रजापतिं निरवासा-
 ययत्तेन प्रजापतिः परमां काष्ठांमगच्छतेनेन्द्रं निरवासाययत्तेनेन्द्रः परमां
 काष्ठांमगच्छतेनाग्नीषोमौ निरवासाययत्तेनाग्नीषोमौ परमां काष्ठांमगच्छतां
 यः (२) एवं विद्वान् दर्शपूर्णमासौ यजते परमामेव काष्ठां गच्छति यो वै
 प्रजातिन यज्ञेन यजते प्र प्रजयां पशुभिर्मिथुनैर्जायते द्वादश मासाः
 संवत्सरो द्वादश हन्धानि दर्शपूर्णमासयोस्तानि सम्पाद्यानीत्याहुर्वत्सश्चोपा-
 वत्सजत्युखाश्चाविश्रयत्यव च हन्ति दृषदौ च समाहन्त्यधि च वपते कथा-

लानि चोपदधाति पुरोडाशश्च (३) अधिश्रयत्याज्यश्च स्तम्बयजुश्च हर-
 त्यभि च गृह्णाति वेदिश्च परिगृह्णाति पत्नीश्च सन्नहति प्रोक्षणीश्चासादयत्या-
 ज्यश्चेतानि वै द्वादश हन्वानि दर्शपूर्णमासयोस्तानि य एव सम्पाद्य यजते
 प्रजातिनैव यज्ञेन यजते प्र प्रजयां पशुभिर्मिथुनैर्जायते—४०) [उपा-
 प्रोति यश्च चत्वारिंशच्च] ॥ १ ॥ ध्रुवोऽसि ध्रुवोऽहः संजातेषु भूया-
 समित्याह ध्रुवानेवैनान् कुरुत उग्रोऽस्यग्रोऽहः संजातेषु भूयासमित्याहाप्र-
 तिवादिन एवैनान् कुरुतेऽभिभूरस्यभिभूरहः संजातेषु भूयासमित्याह य
 एवैनं प्रत्युत्पिपीते तमुपांस्यते युनज्मि त्वा ब्रह्मणा देव्येनेत्याहैष वा अग्ने-
 र्योगस्तेन (१) एवैनं युनक्ति यज्ञस्य वै समृद्धेन देवाः सुवर्गं लोकमयन्
 यज्ञस्य व्यङ्गेनासुरान् पराभावयन् यन्मे अग्ने अस्य यज्ञस्य रिष्यादित्याह

यज्ञस्यैव तत्समृद्धेन यजमानः सुवर्गं लोकमेति यज्ञस्य व्यृद्धेन भ्रातृव्यान्
पराभावयत्यग्निहोत्रमेताभिव्याहृतीभिरुपसादयेद्यज्ञमुखं वा अग्निहोत्रं ब्रह्मता
व्याहृतयो यज्ञमुख एव ब्रह्म (२) कुरुते संवत्सरे पर्यागत एताभिरवोप-
सादयेद्ब्रह्मणैवोभयतः संवत्सरं परिगृह्णाति दर्शपूर्णमासौ चातुर्मास्यान्या-
लभमान एताभिरव्याहृतीभिर्हवीरव्यासादयेद्यज्ञमुखं वै दर्शपूर्णमासौ चातु-
र्मास्यानि ब्रह्मता व्याहृतयो यज्ञमुख एव ब्रह्म कुरुते संवत्सरे पर्यागत एता-
भिरव्यासादयेद्ब्रह्मणैवोभयतः संवत्सरं परिगृह्णाति यद्वा यज्ञस्य साक्षा क्रियते
राष्ट्रम् (३) यज्ञस्याशीर्गच्छति यदुचा विशा यज्ञस्याशीर्गच्छत्यथ
ब्राह्मणोऽनाशीर्केण यज्ञेन यजत सामिधेनीरनुबध्यन्नेता व्याहृतीः पुरस्ताद-
ध्याद्ब्रह्मैव प्रतिपदं कुरुते तथा ब्राह्मणः सार्शर्केण यज्ञेन यजते यं काम-

येत यजमानं भ्रातृव्यमस्य यज्ञस्याशीर्गच्छेदिति तस्यैता व्याहृतीः पुरो-
 ऽनुवाक्यायां दध्याद्भ्रातृव्यवेवत्या वै पुरोऽनुवाक्या भ्रातृव्यमेवास्य यज्ञस्य
 (४) आशीर्गच्छति यान् कामयेत यजमानान्समावत्येनान् यज्ञस्याशी-
 र्गच्छेदिति तेवमिता व्याहृतीः पुरोऽनुवाक्याया अर्धर्च एकां दध्याद्याज्यायै
 पुरस्तादेकां याज्याया अर्धर्च एकां तथैनान्समावती यज्ञस्याशीर्गच्छति
 यथा वै पर्जन्यः सुवृष्टं वर्षत्येवं यज्ञो यजमानाय वर्षति स्थलं योदकं परि-
 गृह्णन्त्याशिषा यज्ञं यजमानः परिगृह्णाति मनोऽसि प्राजापत्यम् (५)
 मनसा मा भूतेनाविशेत्याह मनो वै प्राजापत्यं प्राजापत्यो यज्ञो मन एव
 यज्ञमात्मन्वत्ते वागस्यैन्द्री संपल्लक्ष्यणी वाचा मेन्द्रियेणाविशेत्याहैन्द्री वै
 वाग्वाचमेवैन्द्रीमात्मन्वत्ते—३६) [तेन ब्रह्म राष्ट्रं यज्ञस्य प्राजापत्यं २५-

द्त्रिंशच्च] ॥ १० ॥ यो वै संसदृशं प्रजापतिं यज्ञमन्वार्यचं वेदु
 प्रति यज्ञेन तिष्ठति न यज्ञाद्भंशत आश्रावयेति चतुरक्षरमस्तु श्रौषडिति
 चतुरक्षरं यजेति द्व्यक्षरं ये यजामह इति पञ्चाक्षरं द्व्यक्षरो वषट्कार एष वै
 संसदृशः प्रजापतिर्यज्ञमन्वार्यचो य एवं वेदु प्रति यज्ञेन तिष्ठति न यज्ञाद्भं
 शते यो वै यज्ञस्य प्रायणं प्रतिष्ठाम् (१) उदयनं वेदु प्रतिष्ठितेनारिष्टेन
 यज्ञेन संस्थां गच्छत्याश्रावयास्तु श्रौषडयज्ञ ये यजामहे वषटार एतद्दे
 यज्ञस्य प्रायणमेषा प्रतिष्ठितदुदयनं य एवं वेदु प्रतिष्ठितेनारिष्टेन यज्ञेन सं
 स्थां गच्छति यो वै सुनृताये दोहं वेदं दुह एवैनां यज्ञो वै सुनृताऽऽश्रावये-
 त्यैवैनामहदस्तु (२) श्रौषडित्युपावास्त्रायजेत्युदनेषीधे यजामह इत्युपा-
 सद्वषट्कारेण दोग्धेष वै सुनृताये दोहो य एवं वेदं दुह एवैनां देवा वै

सन्नमांसत॑ तेषां॑ दिशो॑ ऽदस्यन्त॑ एता॒मा॒दीं प॒ङ्क्तिम॑पश्यन्नाश्रावयेति॑ पुरोवा॒तम॑-
जनयन्न॒स्तु श्रौष॑डित्य॒ध्वं॒ सम॑ष्ठावयन् यजेति॑ विद्युतं॒म् (३) अ॒ज॒न॒य॒न्
ये यजा॑मह॒ इति॑ प्रा॒र्ष॒र्ष॒यन्न॒भ्यंस्त॑नयन् वषट्कारेण॑ ततो॒ वै ते॒भ्यो दि॒शः
प्राप्या॑यन्तु य एवं वेद॒ प्रा॒स्मै दि॒शः प्या॑यन्ते प्रजापतिं त्वो वेद॒ प्रजा॑पति-
स्त्वं वेद॒ यं प्रजा॑पतिर्वेद॒ स पु॒ण्यो भव॑त्येष वै छन्द॒स्यः प्रजा॑पतिराश्रावयास्तु
श्रौष॑डयज॒ ये यजा॑महे वषट्कारे॒ य एवं वेद॒ पु॒ण्यो भव॑ति वसन्त॒म् (४)
ऋ॒त॒नां प्री॒णा॒मी॒त्या॒हर्त॑वो॒ वै प्र॒या॒जा ऋ॒त॒ने॒व प्री॒णा॒ति ते॒ऽस्मै प्री॒ता यथा॑-
पूर्व॑ कल्पन्ते॒ कल्प॑न्ते॒ऽस्मा ऋ॒त॒वो य एवं वेदा॒ग्नी॒षाम॑यो॒रहं दे॒वय॑ज्यया
चक्षु॑ष्मान् भूया॒स॒मि॒त्या॒हा॒ग्नी॒षोमा॑भ्यां॒ वै य॒ज्ञश्चक्षु॑ष्मान् ता॒भ्यामे॒व चक्षु॑-
रा॒त्मन्ध॑स्ते॒ऽरे॒रहं दे॒वय॑ज्या॒न्ना॒वो भू॒या॒स॒मि॒त्या॒हा॒ग्नि॒र्वै दे॒वाना॑म॒न्ना॒वस्ते॒नैव

(५) अन्नाद्यमात्मन्धत्ते दधिर्दस्यदंढवो भूयाससमुं दंभेयमित्याहितया वै
ददध्यां देवा असुरानदभ्रवन् तथैव भ्रातृव्यं दभ्नोत्यग्नीषोमयोरहं देवय-
ज्यां वृत्रहा भूयासमित्याहाग्नीषोमाभ्यां वा इन्द्रो वृत्रमहन् ताभ्यामिव
भ्रातृव्यं स्तुणुत इन्द्राग्नीयोरहं देवयज्ययेन्द्रियाव्यन्नादो भूयासमित्या-
हेन्द्रियाव्येवान्नादो भवतीन्द्रस्य (६) अहं देवयज्ययेन्द्रियावी भूयासमित्या-
हेन्द्रियाव्येव भवति महेन्द्रस्याहं देवयज्या जेमानं महिमानं गमेयमित्याह
जेमानमेव महिमानं गच्छत्यग्नेः स्विष्टकृतोऽहं देवयज्यायुष्मान् यज्ञेन
प्रतिष्ठां गमेयमित्याहार्येवात्मन्धत्ते प्रति यज्ञेन तिष्ठति--३८) [प्रतिष्ठामस्तु
वियुतं वसन्तमेवेन्द्रस्याष्टा त्रिंशच्च] ॥ ११ ॥ इन्द्रं वो विश्वतस्परि
ह्वामहे जनैभ्यः । अस्माकमस्तु केवलः । इन्द्रं नरो नेमधिता हवन्ते ।

यत्पार्थो युनजते धियस्ताः । शरू नृषांता शवंसश्वकान आगोर्मति व्रजे भजा-
त्वं नः । इन्द्रियाणि शतक्रतो या ते जनैषु पञ्चसु । इन्द्र तानि तु आवृणो ।
अनु ते दायि मह इन्द्रियाय सत्रा ते विश्वमनु वृत्रहत्यै । अनु (१) क्षत्र-
मनु सहो यजत्रेन्द्र देवेभिरनु ते नृष्यो । आयस्मिन्तसप्त वांसवास्तिष्ठन्ति
स्वारुहो यथा । ऋषिर्ह दीर्घश्रुत्तम इन्द्रस्य घर्मो अतिथिः । आमासु पक्वमे-
रय आ सूर्यः रोहयो दिवि । घर्म न सामं तपता सुवृक्तिभिर्जुष्टं गिर्विणसे
गिरः । इन्द्रमिन्द्राथिनो बृहदिन्द्रमर्केभिरर्किणः । इन्द्रं वाणीरनूयत । गायन्ति
त्वा गायत्रिणः (२) अचन्त्यर्कमर्किणः । ब्रह्माणस्त्वा शतक्रतवद्वृक्षमिव
येमिरे । अहोमुचे प्रभरेमा मनीषामोविष्टदात्रे समतिं गणानाः । इदमिन्द्र
प्रति हव्यं गृभाय सत्याः सन्तु यजमानस्य कामाः । विवेषु यन्मां विषणा

ज॒जान॒ स्तवै॑ पुरा पा॒र्यादिन्द्र॑महः । अ॒हसो॒ यत्र॑ पी॒पर॒यथा॑ नो ना॒वेव॒
या॒न्ते॒मु॒भये॑ ह॒वन्ते॑ । प्र स॒व्राजं॑ प्रथ॒मम॑ध्व॒राणां॑म् (३) अ॒हो॒मुचं॑ वृष॒भं
य॒ज्ञिया॑नाम् । अ॒पां न॑पा॒तम॑श्विना ह॒यन्त॑म॒स्मिन्न॑ इन्द्रि॒यं ध॑त्तमो॒जः । वि
ने इ॒न्द्र मृ॒धो ज॒हि नी॒चा य॑च्छ पृत॒न्यतः॑ । अ॒ध॒स्पदं॑ तमी॒ कृधि॒ यो अ॒स्मा
अ॒भिदा॑सति । इन्द्रं क्ष॒त्रमा॒भि वा॒ममो॑जोऽजा॒यथा॑ वृष॒भ च॑र्षणी॒नाम् ।
अ॒पा॒नुवो॒ जन॑ममि॒त्रय॑न्ते॒मुरुं॑ दे॒वभ्यो॑ अ॒कणो॑रु लो॒कम् । म॒गो न॑ भी॒मः
कु॒चरो॒ गिरि॑ष्ठाः प॒राव॑तः (४) आ॒जग॑मा पर॒स्याः । सु॒क॒स॒शायं॑ प॒वि
मि॒न्द्र ति॑गं वि॒शत्रू॑न् ता॒ढि वि॒ मृ॒धो नु॑दस्व । वि॒शत्रू॑न्वि मृ॒धो नु॑ वि
वृ॒त्रस्य॒ हनू॑ रुज । वि म॒न्युमि॑न्द्र भा॒मितो॑ऽमि॒त्रस्या॑भि॒दास॑तः । त्रा॒तार॑मि॒
न्द्रं म॒वि॒तार॑मिन्द्र॒ हवे॑ सु॒हव॒ शूर॑मिन्द्रम् । ह॒वे नु॒ शक्रं॑ पु॒रुहु॑तमिन्द्र॒

स्वस्ति नो मघवा धा॒त्विन्द्रः । मा ते अ॒स्याम् (५) स॒हसा॒वन्परि॒ष्टाव॒-
 धाय॑ भूम॒ हरि॒वः परा॒दै । त्राय॑ स्व नोऽवृ॒केभिर्व॑रु॒थैस्त॑व प्रिया॒सः सार॑षु
 स्याम । अ॒न॒वस्ते॒ रथ॑म॒श्वीय॑ तक्ष॒न् त्वष्टा॑ वज्रं पुरु॒हूत॑ द्युम॒न्त॑म् । ब्र॒ह्माण॑
 इन्द्रं॑ स॒हय॑न्तो अ॒र्कैर्व॑र्धय॒न्नह॑ये ह॒न्त॒वा उ॑ । वृ॒ष्णे॒ यत्ते॒ व॑ष॒णो अ॒र्कम॑र्चा-
 नि॒न्द्र॒ग्रावा॑णो अ॒दि॒तिः स॒जो॒षाः । अ॒न॒श्वा॒सो ये॒ प॒व॒या॒र॒था इन्द्र॑षिता
 अ॒भ्य॒व॒र्त॑न्तु द॒स्य॑न्त॒ ॥ १२ ॥ [अनु॑ गाय॒त्रिनो॑ऽध्व॒राणां॑ प॒रा॒व॒तोऽस्या॑म॒ष्टा
 व॒त्वारि॑श्श॒च] ॥ १२ ॥ सं (१३३) ध्रु॒वो (११६) अ॒ग्नि (१५६)
 ब॒र्हि॒ष (११४) आ॒प्या॑य॒ता (१२१) म॒ग॑न्त॒म् (१८५) य॒था (२०३) यो (२११)
 प्र॒जा॒प॒ति (११०) ध्रु॒वो (२८६) य (३३८) इन्द्रं॑ (२१८) द्वा॒द॒श (२५११)
 ॥ १२ ॥ इति॑ तैत्तिरीयसंहितायां प्रथमकाण्डे षष्ठप्रपाठकः संपूर्णः ॥

अम् पाकयज्ञं वा अन्वाहिताग्नेः पशव उपतिष्ठन्त इडा खलु वै पाक-
 यज्ञः सैषान्तरा प्रयाजानूयाजान् यजमानस्य लोकेऽवाहिता तामाहि यमा-
 णामभिर्मन्त्रयेत् सुरुपवर्षवर्ण एहीति पशवो वा इडां पशून्वोपह्वयते यज्ञं
 वै देवा अदुन्हन् यज्ञोऽसुराः अदुहतेऽसुरा यज्ञदुग्धाः पराभवन् यो वै यज्ञस्य
 दोहं विद्वान् (१) यजतेऽप्यन्यं यजमानं दुहे सा मे सत्याशीरस्य यज्ञस्य
 भूयादित्याहैष वै यज्ञस्य दोहस्तेनैवैनं दुहे प्रत्ता वै गौर्दुहे प्रत्तेडा यजमानाय
 दुह एते वा इडांयै स्तना इडोपह्वतेति वायुवत्सो यर्हि होतेडांमुपह्वयेत् तर्हि
 यजमानो होतारमीक्षमाणो वायुं मनसा ध्यायेत् (२) मात्रे वृत्समुपाव-
 सृजति सर्वेण वै यज्ञेन देवाः सुवर्गं लोकमायन् पाकयज्ञेन मनुरश्राम्यत्सेडा
 मनुमुपावर्तते तां देवासुरा व्यह्वयन्त प्रतीचीं देवाः पराचीमसुराः सा देवानु-

पार्वर्तत पशवो वै तद्देवानवृणत पशवोऽसुरानजहुर्यं कामयेतापशुः स्यादिति
 परांची तस्येडामुपह्वयेतापशुर्व भवति यम् (३) कामयेत पशुमान्स्यादिति
 प्रतीची तस्येडामुपह्वयेत पशुमानेव भवति ब्रह्मवादिनो वदन्ति स त्वा इडा-
 मुपह्वयेत य इडां मुपह्वयात्मानमिडांयामुपह्वयेतेति सा नः प्रिया सुप्रतूर्तिर्म-
 घोनीत्याहेडोमेवोपह्वयात्मानमिडांयामुपह्वयेते व्यस्तमिव वा एतद्यज्ञस्य
 यद्विडा सामि प्राभन्ति (४) सामि मार्जयन्त एतत्प्रति वा असुराणां यज्ञो
 व्यच्छिद्यत ब्रह्मणा देवाः समदधुर्वहस्पतिस्तनुतामिमं न इत्याह ब्रह्म वै
 देवानां बृहस्पतिर्ब्रह्मणैव यज्ञः सन्दधाति विच्छिन्नं यज्ञः समिमं दधत्व-
 त्याह सन्तत्यै विश्वे देवा इह मादयन्तामित्याह सन्तत्येष यज्ञं देवेभ्यो
 ऽनुदिशति यां वै (५) यज्ञे दक्षिणां ददाति तामस्य पशवोऽनु संक्रामन्ति

पितृभ्यो व्रन्ति सापानेन पितृन् य एवं वेदं वृक्षामान् भवत्यथ वै तामुपाह्व
 इति होवाच या प्रजाः प्रभवन्तीः प्रत्याभवन्तीत्यन्नं वा अस्यैतत् (२)
 उपाह्वया इति होवाचौषधयो वा अस्या अन्नमौषधयो वै प्रजाः प्रभवन्तीः
 प्रत्या भवन्ति य एवं वेदान्नादो भवत्यथ वै तामुपाह्व इति होवाच याः प्रजाः
 पराभवन्तीरनुगृह्णाति प्रत्याभवन्तीर्गृह्णातीति प्रतिष्ठां वा अस्यै तदुपाह्वया
 इति होवाचेयं वा अस्यै प्रतिष्ठा (३) इयं वै प्रजाः पराभवन्तीरनुगृह्णाति
 प्रत्याभवन्तीर्गृह्णाति य एवं वेद प्रत्येव तिष्ठत्यथ वै तामुपाह्व इति होवाच
 यस्यै निकर्मणे घृतं प्रजाः संजीवन्तीः पिबन्तीति छिनात्ति सा न छिनत्ती ३
 इति न छिनत्तीति होवाच प्र तु जनयतीत्येष वा इहामुपाह्वया इति (४)
 होवाच वृष्टिर्वा इडा वृष्ट्यै वै निकर्मणे घृतं प्रजाः संजीवन्तीः पिबन्ति य

एवं वेव प्रैव जायतेऽस्मादो भवति—२०) [वा एतत्प्रतिष्ठेति वि० भतिर्ध]
 ॥ २ ॥ पुरोक्षं वा अन्ये देवा इज्यन्ते प्रत्यक्षमन्ये यद्यजते य एव
 देवाः पुरोक्षमिज्यन्ते तानेव तद्यजति यदन्वा हार्यमाहरत्येते वै देवाः
 प्रत्यक्षं यद्वाङ्मनास्तानेव तेन प्रीणात्यथो दक्षिणैवास्यैषाथो यज्ञस्यैव छिद्रमपि
 दधाति यद्वै यज्ञस्यं क्रूरं यद्विलिष्टं तदन्वाहार्येण (१) अन्वाहरति तदन्वाहार्यै-
 स्यान्वाहार्यत्वं देवदूता वा एते यद्वत्विजो यदन्वाहार्यमाहरति देवदूतानेव
 प्रीणाति प्रजापतिर्देवम्यो यज्ञान् व्यादिशत् स रिरिचानो ऽमभ्यत् स एत-
 मन्वाहार्यमभक्तमपश्यत्तमात्मन् धत्त स वा एष प्राजापत्यो यदन्वाहार्यो
 यस्यैवं विदुषोऽन्वाहार्यं आङ्घ्रियते साक्षादेव प्रजापतिमृषेत्यपश्मिमितो निरु-
 प्यो ऽपरिमितः प्रजापतिः प्रजापतेः (२) आस्यै देवा वै यद्यज्ञोऽकुर्वत् तद-

सुरा अकुर्वत् ते देवा एतं प्रजापत्यमन्वाहार्यं कथयन् तमन्वाहन्त ततो
 देवा अभवन् परासरा यस्यैवं विदुषोऽन्वाहार्यं आक्षिप्यते भवत्यात्मना
 परास्य भ्रातृव्यो भवति यज्ञेन वा इष्टी पकेन पूर्तिं यस्यैवं विदुषोऽन्वाहार्यं
 आक्षिप्यते स त्वेवेष्टापूर्तिं प्रजापतेभागोऽसि (३) इत्याह प्रजापतिमेव
 भागधेयेन समर्धयत्यूर्जस्वान् पर्यस्वानित्याहोर्जमेवास्मिन् पयो दधाति प्राणा-
 पानौ मे पाहि समानव्यानौ मे पाहीत्याह शिषमेवैतामाशास्तेऽक्षितोऽस्य
 क्षित्यै त्वा मा मेक्षेष्टा अमुत्रामुष्मिँल्लोक इत्याह क्षीयते वा अमुष्मिँल्लोके-
 ऽन्नामितः प्रदानः ह्यमुष्मिँल्लोके (४) प्रजा उपजीवन्ति यदेवमभिमश-
 त्यक्षितिमेवैनद्रमयति नास्यामुष्मिँल्लोकेऽन्नं क्षीयते—(५) [अन्वाहार्येण
 प्रजापतेरसिलोके पञ्च दश च ॥ ३ ॥ बर्हिशोऽहं देवयज्यया प्रजा-

वान् भूयासमित्याह बहिषा वै प्रजापतिः प्रजा असृजत् तेनैव प्रजाः
 सृजते नराश्वसंस्याहं देवयज्ययो पशुमान् भूयासमित्याह मराश्वसिन
 वै प्रजापतिः पशून्सृजत् तेनैव पशून् सृजतेऽग्रेः स्विष्टकृतोऽहं देव-
 यज्ययायुस्मान् यज्ञेनं प्रतिष्ठां गमेयमित्याहायुरेवात्मन्वत्ते प्रति यज्ञेन
 तिष्ठति दर्शपूर्णमासयोः (१) वै देवा उज्जितिमनूजयन् दर्शपूर्णमासा-
 भ्यामसुरानपानुदन्ताग्नेरहमुज्जितिमनूजेषुमित्याह दर्शपूर्णमासबोरिव देव-
 तानां यजमान उज्जितिमनूजयति दर्शपूर्णमासाभ्यां भ्रातृव्यामपनुदते
 वाजवतीभ्यां व्यूह्यन्नं वै वाजोऽन्नमेवावरुन्धे द्वाभ्यां प्रतिष्ठित्वै यो वै यज्ञस्य
 द्वौ दोहौ विद्वान् यजत उभयतः (२) एव यज्ञं दुहे पुरस्ताच्चोपरिष्ठाच्चैष वा
 अन्यो यज्ञस्य दोह इडांयामन्यो यर्हि होता यजमानस्य नाम गृहीया-

ताहिं ब्रू॒दे॒मा अ॒गम॒न्नाशि॒यो दो॒हंका॒मा इति॒ स॒ स्तु॒ता ए॒व दे॒वता॒ दु॒हेऽथो
 उ॒भय॒त ए॒व य॒ज्ञं दु॒हे पुर॒स्ताञ्चो॒परि॒ष्टाञ्च रो॒हितेन॒ त्वाग्नि॒दे॒वतां॒ गम॒य॒त्वित्या॒हि॒ते वे
 दे॒वाश्वाः (३) य॒ज॒मानः प्र॒स्तरो॒ यदे॒तैः प्र॒स्तरं॒ प्र॒हर॒ति दे॒वाश्चै॒रव॒ यज॒मानः सु॒वर्गं
 लो॒कं ग॒मय॒ति वि॒ ते मु॒श्नामि॒ र॒ज्ञा॒ना वि॒र॒श्मी॒नित्या॒हैष वा अ॒ग्नेर्वि॒मो॒कस्ते॒नैवे॒न
 वि॒मु॒ञ्च॒ति वि॒ष्णोः शं॒यो॒रहं॒ दे॒वय॒ज्यया॒ य॒ज्ञेन॒ प्र॒ति॒ष्ठां ग॒मेय॒मित्या॒ह य॒ज्ञो वे
 वि॒ष्णुर्य॒ज्ञ ए॒वान्तः॒ प्र॒ति॒ति॒ष्ठति॒ सोम॒स्याहं॒ दे॒वय॒ज्यया॒ सुर॒ताः (४) रे॒तो
 धि॒शी॒ये॒त्याह॒ सोमो॒ वै रे॒वो॒धास्ते॒नैव॒ रेते॒ आ॒त्मन्ध॒त्ते त्व॒ष्टु॒रहं॒ दे॒वय॒ज्यया॒
 प॒शूना॒ रूपं॒ पुं॒षेय॒मित्या॒ह त्व॒ष्टा वै प॒शूनां॒ मि॒थूना॒ना रूप॒कृ॒त्तेनै॒व प॒शू॒ना
 रूप॒मा॒त्मन्ध॒त्ते दे॒वानां॒ प॒त्नी॒र॒ग्निर्गृ॒हप॒तिर्य॒ज्ञस्य॒ मि॒थू॒नं तयो॒रहं॒ वे॒व॒य॒
 य॒ज्यया॒ मि॒थू॒नेन॒ प्र॒भू॒यास॒मित्या॒हैत॒स्माह॒ मि॒थू॒नात् प्र॒जाप॒तिमि॒थू॒नेन॒ (५)

प्राजायत तस्मादेव यजमानो मिथुनेन प्रजायते वेदो ऽसि वित्तिरसि विदेयेत्याह
 वेदेन वै देवा असुराणां वित्तं वेद्यमविन्दन्त तद्देस्यं वेदत्वं ययञ्जातृण्यस्या-
 भिव्यायेत्तस्य नामं गृह्णीयात्तदेवास्य सर्वं वृद्धे धृतवन्तं कुलायिनश्च राय-
 स्पोषश्च सहस्रिणं वेदो ददातु वाजिनमित्याह प्र सहस्रं पशूनाप्नोति (६)
 आस्यं प्रजायी वाजी जायते य एवं वेद—८) [दर्शपूर्णमासयोरुभयतो
 देवाश्वाः सुरेता मिथुनेनाप्नोत्यष्टौ च] ॥ ४ ॥ ध्रुवां वै रिच्यमानां
 यज्ञो ऽनुरिच्यते यज्ञं यजमानो यजमानं प्रजा ध्रुवामाप्यायमानां यज्ञो-
 ऽन्वाप्यायते यज्ञं यजमानो यजमानं प्रजा आप्यायतां ध्रुवा धृतेनेत्याह ध्रुवा-
 मेवाप्याययति तामाप्यायमानां यज्ञो ऽन्वाप्यायते यज्ञं यजमानो यजमानं
 प्रजाः प्रजापतेर्विभाषामं लोकस्तस्मिन् स्त्वा इधमि सुह यजमानेनेति

(१) आहायं वै प्रजापतिर्विभानाम् लोकस्तस्मिन्नेवैतं दधाति सह यज्ञेमा-
 नेन रिर्यत इव वा एतद्यजते यद्यजमानभागं प्राभत्यात्मानमेव प्रीणा-
 त्येतावान् वै यज्ञो यावान् यजमानभागो यज्ञो यजमानो यद्यजमानभागं प्रा-
 भाति यज्ञ एव यज्ञं प्रतिष्ठापयत्येतद् सयवसः सोदकं यद्वहिश्चापश्चेतत् (२)
 यजमानस्यायतनं यद्विद्यत्पूर्णपात्रमन्तर्वेदि निनयति स्व एवायतने सयवसः
 सोदकं कुरुते सदसि सन्मै भूया इत्याहापो वै यज्ञ आपोऽमृतं यज्ञमेवामृतं-
 मात्मन्धत्ते सर्वाणि वै भूतानि व्रतमुपयन्तमनूपयन्ति प्राच्यां विशि देवा
 ऋत्विजो मार्जयन्तामित्याह्वेय वै दर्शपूर्णमासयोरवभृथः (३) यान्येवैनं
 भूतानि व्रतमुपयन्तमनूपयन्ति तैरेव सहावभृथमवैति विष्णुमुखा वै देवा-
 ष्छन्वोभिरिमौष्ठोऽकाननपजग्यमभ्यजयन् यद्विष्णुक्रमान् क्रमते विष्णुरेव

भूत्वा यजमानच्छन्दोभिरिमौल्लोकाननपजथ्यमभिजयति विष्णोः क्रमो-
 ऽस्यभिमातिहेत्याह गायत्री वै पृथिवी त्रैष्टुभमन्तरिक्षं जागती द्यौरानुष्टुभी-
 दिशः (४) छन्दोभिरेवेमौल्लोकान् यथापूर्वमभिजयति—७) [इत्येतद-
 वभूथो दिशः सप्त च] ॥ ५ ॥ अगन्मसुवः सुवरगन्मेत्याह सुवर्गमेव
 लोकमेति सन्दृशस्ते मा छित्ति यत्ते तपस्तस्मै ते मा वृक्षीत्याह यथायजु-
 र्वैतत् सुभूरसि श्रेष्ठो रश्मीनामायुर्ध्रा अस्यायुर्मे धेहीत्याहाशिवमेवैतामा-
 शास्ते प्र वा एषोऽस्मौल्लोकाच्च्यवते यः (१) विष्णुक्रमान् क्रमते सुवर्गाय
 हि लोकार्यं विष्णुक्रमाः क्रम्यन्ते ब्रह्मवादिनो वदन्ति स त्वे विष्णुक्रमान्
 क्रमेत् य इमौल्लोकान् भ्रातृव्यस्य संविद्य पुनरिमौल्लोकं प्रत्यवरोहेदित्येष वा
 अस्य लोकस्य प्रत्यवरोहो यदाहेदमहममुं भ्रातृव्यमाभ्यो दिग्भ्योऽस्यै विव

इतीमानेव लोकान् भ्रातृव्यस्य संविद्य पुनरिमैल्लोकं प्रत्यवरोहति सम् (२)
 ज्योतिषाऽभूवमित्याहास्मिन्नेव लोके प्रतितिष्ठत्यैन्द्रीमावृतमन्वावर्त इत्याह्लासौ
 वा आदित्य इन्द्रस्तस्यैवावृतमनु पर्यावर्तते दक्षिणा पर्यावर्तते स्वमेव वीर्यमनु
 पर्यावर्तते तस्मादक्षिणोऽध्व आत्मनो वीर्यावत्तरोऽथो आदित्यस्यैवावृतमनु
 पर्यावर्तते समहं प्रजया सं मया प्रजेत्याहाशिषम् (३) एवैतामाशास्ति
 समिद्धो अग्ने मे दीदिहि समेद्धा ते अग्ने दीद्यासमित्याह यथायजुरैवैतद्व-
 समान् यज्ञो वर्सीयान् भूयासमित्याहाशिषमेवैतामाशास्ति बहु वै गार्हपत्य-
 स्यान्ते मिश्रमिव चर्यत आग्निपावमानीभ्यां गार्हपत्यमुपतिष्ठते पुनात्येवाग्निं
 पुनीत आत्मानं द्वाभ्यां प्रतितिष्ठत्या अग्ने गृहपत इत्याह (४) यथायजुरैवै-
 तच्छतश्चहिमा इत्याह शतं त्वा हेमन्तानिन्धिषीयेति वावैतदाह पुत्रस्य नामे

गृह्यात्यन्नादमेवैनं करोति तामाशिषमाशासे तन्तवे ज्योतिष्मतीमिति ब्रूयाद्यस्य
 पुत्रोऽजातः स्यात्तेजस्व्येवास्य ब्रह्मवर्चसीपुत्रो जायते तामाशिषमाशासे-
 ऽमुष्मै ज्योतिष्मतीमिति ब्रूयाद्यस्य पुत्रः (५) जातः स्यात्तेज एवास्मिन्
 ब्रह्मवर्चसं दधाति यो वै यज्ञं प्रयुज्य न विमुञ्चत्यप्रतिष्ठानो वै स भवति
 कस्त्वां युनक्ति स त्वा विमुञ्चत्वित्याह प्रजापतिर्वैकः प्रजापतिर्नैवैनं युनक्ति
 प्रजापतिना विमुञ्चति प्रतिष्ठित्या ईश्वरं वै व्रतमविसृष्टं प्रदहोऽग्ने व्रतपते
 व्रतमचारिषमित्याह व्रतमेव (६) विमुञ्जते शान्त्या अप्रदाहाय पराङ्-
 वाव यज्ञ एति न निर्वर्तते पुनर्यो वै यज्ञस्य पुनरालम्भं विद्वान् यजते तम-
 भिनिर्वर्तते यज्ञो बभूव स आबभूवेत्याहैष वै यज्ञस्य पुनरालम्भस्तेनैवैनं पुन-
 रालम्भतेऽनवरुद्धा वा एतस्य विराडय आहिताग्निः सर्वसभः पशवः खलु वै (७)

ब्राह्मणस्य सभेष्टा प्राङ्मुक्तम्यं ब्रूयाद्दोमां अग्नेऽविमां अश्वो यज्ञ इत्यव सभा
 रुन्धे प्रसहस्रं पशूनां प्रोत्यास्य प्रजायां वाजी जायते—२४) [यः समाशिव-
 माह पुत्र एव वै चतुर्विंशतिश्च] ॥ ६ ॥ देवं सवितुः प्रसुव यज्ञं प्रसुव
 यज्ञपतिं भर्गाय दिव्यो गन्धर्वः । केतपः केतं नः पुनातु वाचस्पतिर्वाचमुद्य-
 स्वदाति नः । इन्द्रस्य वज्रोऽसि वात्रघ्नस्त्वयायं वृत्रं वेध्यात् । वाजस्य नु
 प्रसवे मातरं महीमदिति नाम वर्चसा करामहे । यस्यामिदं विश्वं भुवनमा-
 विवेष्टा तस्यां नो देवः संविता धर्मं साविषत् । अप्सु (१) अन्तरमंतमप्सु
 भेषजमपामुत प्रशस्तिष्वश्वा भवथ वाजिनः । वायुर्वा त्वा मनुर्वा त्वा गन्धर्वाः
 सप्तविंशतिः । ते अग्रे अश्वमायुञ्जन्ते अस्मिञ्जवमादधुः । अपानपादाशुहे-
 मन्य ऊर्मिः कुकुब्धान् प्रतूर्तिर्वाजसातमस्तेनायं वाजः सेत् । विष्णोः

क्रमोऽसि विष्णोः क्रान्तमेसि विष्णोर्विक्रान्तमस्यङ्कौ न्यङ्कौः (२) अ-
 भितो रथं यौ ध्वान्तं वाताप्रमनु सञ्चरन्तौ दुरहेतिरिन्द्रियावाञ् पतन्नी ते
 नोऽप्रयः पप्रयः पारयन्तु—१५) [अप्सु न्यङ्कौः पञ्चदश च] ॥ ७ ॥
 देवस्याहः संवितुः प्रसवे बृहस्पतिना वाजजिता वाजं जेष देव-
 स्याहः संवितुः प्रसवे बृहस्पतिना वाजजिता वर्षिष्ठं नाकं रुहेयमिन्द्राय
 वाचं वदेतेन्द्रं वाजं जापयेतेन्द्रो वाजंमजयित । अश्वो जनि वाजिनि
 वाजेषु वाजिनीवृत्यश्वान्समत्सु वाजय । अवीसि सप्तिरसि वाज्यसि
 वाजिनो वाजं धावत मरुतां प्रसवे जयत वि योजना मिमीध्वमध्वनः
 स्कन्नात (१) काष्ठां गच्छत वाजं वाजेऽवत वाजिनो नो धर्नेषु विप्रा
 अमृता ऋतन्नाः । अस्य मध्वः पिबत मादयध्वं तृप्ता यांत पृथिभिर्देव-

यानैः । ते नो अर्वन्तो हवनश्रुतो हव विश्वे शृण्वन्तु वाजिनः । मितद्रवः
 सहस्रसा मेघसाता सनिष्यवः । महो ये रत्नं समिधेषु जघ्निरे शं नो
 भवन्तु वाजिनो हवेषु । देवताता मितद्रवः स्वर्काः । जम्भयन्तोऽहिं वृकं
 रक्षांसि सनेभ्यस्मद्युयवन् (२) अमीवाः । एष स्य वाजी क्षिपणिं तैर-
 प्यति ग्रीवायां बद्धो अपिकक्ष आसनि । क्रतुं दधिका अनु सन्तर्वीत्वत्प-
 धामङ्गाः स्यन्वापनीफणत् । उत स्मास्य द्रवतस्तरण्यतः पूर्णं न वेरन्
 वाति प्रगृधिर्नः । श्येनस्यैव ध्रजतो अङ्कुसं परि दधिकाव्णः सहोर्जा तैरि-
 त्रतः । आ मा वाजस्य प्रसवो जगम्यादा द्यावापृथिवी विश्वशम्भू । आ
 मां गन्तां पितरां (३) मातरा वा मा सोमो अमृतत्वाय गम्यात् ।
 वाजिनो वाजजितो वाजं सरिष्यन्तो वाजं जेष्यन्तो बृहस्पतेर्भागमवे-

जिघ्रत् वाजिनो वाजजितो वाजं ससवांसो वाजं जिगिवांसो बृहस्प-
 तेर्भागे निमृद्वमियं वः सा सत्या सन्धाभयामिन्द्रेण समधध्वमर्जाजिपत-
 वनस्पतय इन्द्रं वाजं विमुच्यध्वम्—४२) [स्कन्नीत ययवन् पितरा द्विच-
 त्वारिःशच्च] ॥ ८ ॥ क्षत्रस्योल्बमसि क्षत्रस्य योनिरसि जाय एहि-
 सुवो रोहाव रोहाव हि सुवर्हं नावुभयोः सुवो रोक्ष्यामि वाजंश्च प्रसवश्चा-
 पिजश्च क्रतुश्च सुवश्च मूर्धा च व्यश्मिश्चान्त्यायनश्चान्त्यश्च भौवनश्च भुवन-
 श्चाधिपतिश्च । आयुर्यज्ञेन कल्पतां प्राणो यज्ञेन कल्पतामपानः (१) यज्ञेन
 कल्पतां व्यानो यज्ञेन कल्पतां चक्षुर्यज्ञेन कल्पतां श्रोत्रं यज्ञेन कल्पतां मनो-
 यज्ञेन कल्पतां वाग्यज्ञेन कल्पतामात्मा यज्ञेन कल्पतां यज्ञो यज्ञेन कल्प-
 तां सुवर्देवा अगन्तामृता अभूम प्रजापतेः प्रजा अभूम समहं प्रजया सं

मया प्रजा समह॑ रायस्पोषेण॑ सं मया॑ रायस्पोषे॑ऽत्राय॑ त्वान्नाद्याय॑ त्वा-
 वाजाय॑ (२) त्वा वाज॒जित्यायै॑ त्वामृत॑मसि पुष्टि॑रसि प्र॒जनन॑मसि--१)
 [अपानो॑ वाजाय॑ नव॑ च] ॥ १ ॥ वाज॑स्येमं प्र॒सवः॑ सु॒षुवे॑ अ॒ग्ने
 सोम॑राजानुमोष॑धीष्वप्सु । ता अ॒स्मभ्यं॑ मधु॑मतीर्भवन्तु व॒य॒श्राष्ट्रे॑ जा॒ग्रि-
 याम॑ प॒रोहि॑ताः । वाज॑स्येदं प्र॒सव॑ आब॑भूवेमा च॒ विश्वा॑ भुव॑नानि सर्व॑तः ।
 स वि॒राजं॑ प॒र्येति॑ प्र॒जान॑न् प्र॒जां पुष्टि॑ व॒र्धय॑मानो अ॒स्मे । वाज॑स्येमां प्र॒सवः॑
 शि॒श्रये॑ दि॒वमि॑मा च॒ विश्वा॑ भुव॑नानि स॒म्राट् । अदि॑त्सन्तं दा॒पय॑तु प्र॒जान॑न्
 र॒यिम् (१) च॒ नः सर्व॑वीरा॑ निय॑च्छतु । अ॒ग्ने अच्छा॑ वदे॒ह नः॑ प्र॒ति नः॑ सु॒मना॑
 भव॑ । प्र॒णो यच्छ॑ भुव॒स्पते॑ वन॒दा अ॑सि न॒स्त्वम् । प्र॒णो यच्छ॑त्व॒र्यमा॑ प्र॒भगः॑
 प्रबृ॑ह॒स्पतिः॑ । प्र॒ देवाः प्रोत॑ स॒नता॑ प्र॒ वाग्दे॒वी द॑दातु नः । अ॒र्यमु॑णं बृह॒स्प-

तिमिन्द्रं दानाय चोदय । वाचं विष्णुं सरस्वतीं सवितारं च (२) च वाजि-
 नम् । सोमं राजानं वरुणमग्निमन्वारं भामहे । आदित्यान् विष्णुं सूर्यं ब्रह्मा-
 णंश्च बृहस्पतिम् । देवस्य त्वा सवितुः प्रसवेऽश्विनोर्बोहभ्यां पूष्णो हस्ता-
 भ्यां सरस्वत्यै वाचो यन्तुर्यन्त्रेणाग्नेस्त्वा साम्राज्येनाभिषिञ्चामीन्द्रस्य बृह-
 स्पतेस्त्वा साम्राज्येनाभिषिञ्चामि—३६) [रयिं सवितारं पटत्रिंशच्च]
 ॥ १० ॥ अग्निरेकाक्षरेण वाचमुदजयदश्विनौ द्व्यक्षरेण प्राणापानावुद-
 जयतां विष्णुरुदक्षरेण त्रीन् लोकानुदजयत्सोमश्चतुरक्षरेण चतुष्पदः पशू-
 नुदजयत्पृषा पञ्चाक्षरेण पृङ्क्तिमुदजयद्वाता षडक्षरेण षड्रुतमुदजयन्मरुतः सप्त-
 क्षरेण सप्तपदां शक्रं गीमुदजयन्बृहस्पतिरष्टाक्षरेण गायत्रीमुदजयन्मित्रो नवा-
 क्षरेण त्रिवृतं स्तोममुदजयत् (१) वरुणो दशाक्षरेण विराजमुदजयदिन्द्र-

एकादशाक्षरेण त्रिष्टुभमुदंजयद्विष्वे देवा द्वादशाक्षरेण जगतीमुदंजयन्वस-
 वस्त्रयोदशाक्षरेण त्रयोदश ॥ स्तोममुदंजयन् रुद्राश्चतुर्दशाक्षरेण चतुर्दश ॥
 स्तोममुदंजयन्नादित्याः पञ्चदशाक्षरेण पञ्चदश ॥ स्तोममुदंजयन्नादितिः षोड-
 शाक्षरेण षोडश ॥ स्तोममुदंजयत्प्रजापतिः सप्तदशाक्षरेण सप्तदश ॥ स्तोम-
 मुदंजयत्—४६) [अजयत् षट्चत्वारिंशच्च] ॥ ११ ॥ उपयाम-
 गृहीतोऽसि नृषदं त्वा द्रुपदं भुवनसदमिन्द्राय जुष्टं गृह्णाम्येष ते योनिरिन्द्राय
 त्वोपयाम गृहीतोऽस्यप्सुषदं त्वा घृतसदं व्योमसदमिन्द्राय जुष्टं गृह्णाम्येष ते
 योनिरिन्द्राय त्वोपयामगृहीतोऽसि पृथिविषदं त्वान्तरिक्षसदं नाकसदमिन्द्राय
 जुष्टं गृह्णाम्येष ते योनिरिन्द्राय त्वा । ये ग्रहाः पञ्चजनीना येषां तिस्रः पर-
 मजाः । दैव्यः कोशः (१) समुब्जितः । तेषां विंशतिप्रियाणामिषमूर्ज ॥ सम-

ग्रभीमेष ते योनिरिन्द्राय त्वा । अपा २ रसमुद्गयस २ सूर्यरशि २ समाभृतम् ।
 अपा २ रसस्य यो रसस्तं वो गृह्णाम्युत्तममेष ते योनिरिन्द्राय त्वा । अथा विष्टा
 जनयन् कर्वराणि स हि घृणिरुर्वराय गातुः । स प्रत्युदैह्मरुणो मध्वो अग्र २
 स्वायां यत्तनुवांम् (२) तनूमैरयत । उपयाम गृहीतो ऽसि प्रजापतये त्वा जुष्टं
 गृह्णाम्येष ते योनिः प्रजापतये त्वा -- १३ [कोशस्तनुवां त्रयोदश च] ॥ १२ ॥

अन्वह मासा अन्विद्वनान्यन्वोषधीरनु पवैतासः । अन्विन्द्र २ रोदसी वाव-
 शाने अन्वापो अजिहत जायमानम् । अनु ते दायि मह इन्द्रियाय सत्रा ते
 विश्वमनु वृत्रहत्ये । अनु क्षत्रमनु सहो यजत्रेन्द्र देवेभिरनु ते नृपह्ये ।
 इन्द्राणीमासु नारिषु सुपत्नीमहमश्रवम् । न हास्या अपरश्चन जरसां (१)
 मरते पतिः । नाहमिन्द्राणि रारण सख्युर्वृषाकपेकृते । यस्येदमप्य २ हविः

प्रियं देवेषु गच्छति । यो जात एव प्रथमो मनस्वान् देवो देवान् कर्तुना
 पर्यभूषत् । यस्य शुष्माद्रोदसी अभ्यसेतां नृमणस्य महासर्जनासु इन्द्रः । आते
 मह ईन्द्रोत्युग्र समन्यवो यत्समरन्त सेनाः । पताति दिद्यन्नयस्य बाहुवो माते
 (२) मनो विष्वद्वियग्विचारीत् । मा नो मर्धोराभरा दृष्टि तन्नः प्रदा
 शोषे दातवे भरि यत्ते । नव्ये देष्णे शस्ते अस्मि त उक्थे प्रब्रवाम वय-
 मिन्द्र स्तुवन्तः । आ तू भर माकिरेतत्परिष्ठाद्विद्या हि त्वा वसुपतिं वसू-
 नाम । इन्द्र यत्ते माहिनें दन्नमस्त्यस्मभ्यं तद्वर्थश्च (३) प्रयन्वि ।
 प्रदातारं हवामह इन्द्रमा हविषा वयम् । उभा हि हस्ता वसुना पूणस्वा-
 प्रयच्छ दक्षिणादोत सज्यात् । प्रदाता वज्री वृषभर्तुराषाट्छुष्मी राजा
 वृत्रहा सौमपावा । अस्मिन् यज्ञे बर्हिष्या निषद्याथा भव यजमानाय शं

योः । इन्द्रः सुत्रामा स्ववा२ अवोभिः सुमङ्गीको भवतु विश्ववेदाः । बाधतां
 द्वयो अभयं कृणोत सुवीर्यस्य (४) पतयः स्याम । तस्य वय२ सुमतौ
 यज्ञियस्यापि भेद्रे सौमनेसे स्याम । स सुत्रामा स्ववा२ इन्द्रो अस्मे आरा-
 च्छिद्वेवः सनूतयुयोतु । रेवतीर्नः सधुमादु इन्द्रे सन्तु तृविवाजाः । क्षमन्तो
 याभिर्मदेम । प्रोष्वस्मै पुरोरथमिन्द्राय शूषमर्चत । अभीके चिदुलोकक-
 त्सङ्गे समत्सु वृत्रहा । अस्माकं वोधि चोदिता नभन्तामन्यकेषाम् । ज्याका
 अधि (५) धन्वसु--१) [जरसां ते हर्यश्व सुवीर्यस्याध्येकश्च] ॥१३॥

पाकयज्ञ२ (३११) स२श्रवाः (२२०) पुरोक्षं (२१५) बर्हिषो
 (३०८) ध्रुवा (२०७) मगन्म (३७४) देव (११५) देवस्य (११२)
 क्षत्रस्य (१०९) वाजस्या (१३६) ऽग्नि (१६) रुपयामर्गहीतो (११३)

नु (२५१) त्रयोदश (२६५५) ॥ १३ ॥ इति तैत्तिरीयसंहितायां प्रथम-
काण्डे सप्तमः प्रपाठकः सम्पूर्णः ॥

ॐ अनुमत्ये पुरोडाशमष्टाकपालं निर्वपति धेनुदक्षिणा ये प्रत्यञ्चः
शम्याया अवशीयन्ते तं नैर्ऋतमेककपालं कृष्णवासः कृष्णतृणं दक्षिणा
वीहि स्वाहाहुतिं जुषाण एष ते निर्ऋते भागो भूते हविर्मत्यसि मृशमम
हंसः स्वाहा नमो य इदं चुकारादित्यं चरुं निर्वपति वरो दक्षिणाग्रावैष्णव-
मेकादशकपालं वामनो वही दक्षिणाग्रीषोमीयम् (१) एकादशकपालं
हिरण्यं दक्षिणैन्द्रमेकादशकपालमृषभो वही दक्षिणाग्नेयमष्टाकपालमैन्द्रं
दध्यृषभो वही दक्षिणैन्द्राग्रं द्वादशकपालं वैश्वदेवं चरुं प्रथमजो वत्सो दक्षिणा
सौम्यश्च श्यामाकं चरुं वासो दक्षिणा सरस्वत्यै चरुं सरस्वते चरुं मिथुनौ

गावौ दक्षिणा—३४) [अग्नीषोमीयं चतुस्त्रिंशच्च] ॥ १ ॥
 आग्नेयमष्टाकपालं निर्वपति सौम्यं चरुं सावित्रं द्वादशकपालं सारस्वतं
 चरुं पौष्णं चरुं मारुतं सप्तकपालं वैश्वदेवीर्माभिक्षां द्यावापृथिव्यमेककपा-
 लम्—१८) [आग्नेयमष्टादश] ॥ २ ॥ ऐन्द्राग्नेमेकादशकपालं
 मारुतीर्माभिक्षां वारुणीर्माभिक्षां कायमेककपालं प्रघास्यान् हवामहे मरुतो
 यज्ञवाहसःकरभ्रेण सजोषसः । मो पू ण इन्द्र पृतसु देवास्तु स्म ते शुष्मि-
 न्नवा । मही ह्यस्य मीढुषो यव्या । हविषमतो मरुतो वन्दते गीः । यद्ग्रामे
 यदरण्ये यत्सभायां यदिन्द्रिये । यच्छूद्रे यदयं एनश्चकुमा वयम् । यत् (१)
 एकस्याधि घर्मीणि तस्याव्यजनमसि स्वाहा । अक्रन्कर्म कर्मकृतः सह वाचा
 मयोभूवा । देवेभ्यः कर्म कृत्वास्तं प्रेतं सुदानवः—२०) [यदिदं श्रुतिश्च]

॥ ३ ॥

अग्नयेऽनीकवते पुरोडाशमष्टाकपालं निर्वपति साकं सूर्यणो-
द्यता मरुद्भ्यः सान्तपुनेभ्यो मध्यन्दिने चरुं मरुद्भ्यो गृहमेधिभ्यः सर्वासां
दग्धे सायं चरुं पूर्णां दिवि परापतु संपूर्णा पुनरापत । वस्त्रेव विक्रीणावहा
इषमूर्जं शतक्रतो । देहि मे ददामि ते नि मे धेहि नि ते दधे । निहार-
मिन्नि मे हरा निहारम् (१) निहारामि ते । मरुद्भ्यः क्रीडिभ्यः पुरोडाशं
सप्तकपालं निर्वपति साकं सूर्यणोद्यताग्रेयमष्टाकपालं निर्वपति सौम्यं चरुं
सावित्रं द्वादशकपालं सारस्वतं चरुं पौष्णं चरुमैन्द्राग्रमेकादशकपाल-
मैन्द्रं चरुं वैश्वकर्मेणमेककपालम्—३०) [निहारं त्रिंशच्च] ॥ ४ ॥

सोमाय पितृमते पुरोडाशं षट्कपालं निर्वपति पितृभ्यो बर्हिषद्भ्यो
धानाः पितृभ्योऽग्निष्वात्तेभ्योऽभिवान्याये दग्धे मन्थमेतत्ते तत् ये च त्वाम-

न्वेतत्तैः पितामहः प्रपितामहः ये च त्वामन्वत्रं पितरो यथाभागं मन्दध्वं
 सुसुन्दरं त्वा वयं मर्धवन्मन्दिषीमहि । प्रनूनं पूर्णवन्धुरः स्तुतो यासि वशां
 अनु । यो जान्विन्द्र ते हरीं (१) । अक्षत्रमीं मदन्तु ह्यव प्रिया अधूषत ।
 अस्तौषत स्वभोनवो विप्रा नविष्ठया मती । योजान्विन्द्र ते हरीं । अक्षन्
 पितरोऽमीमदन्त पितरोऽतीतृपन्त पितरोऽमीमजन्त पितरः । परेत पितरः
 सोम्या गम्भीरैः पृथिभिः पूर्यैः । अथा पितृन्सुविदत्रां अर्पीत यमेन ये
 सधुमादं मदीन्ति । मनो न्वाहुवामहे नाराज्ञं सेन स्तोमेन । पितृणाञ्च
 मन्मभिः । आ (२) न एतु मनः पुनः कृत्वे दक्षाय जीवसे । ज्योक्
 च सूयं हृशे । पुनर्नः पितरो मनो ददातु दैव्यो जनः । जीवं व्रातं सचेमहि ।
 यदन्तरिक्षं पृथिवीमुत द्यां यन्मातरं पितरं वा जिहिस्मि । अग्निमा तस्मा-

देनसो गार्हपत्यः प्रमुञ्चतु दुरिता यानि चकृमु करोतु मारमनेनसम्—४४)
 [हरी आचतुश्चत्वारिंशच्च] ॥ ५ ॥ प्रतिपुरुषमेककपालान्विपत्ये-
 कर्मतिरिक्तं यावन्तो गृह्याः स्मस्तेभ्यः कर्मकरं पशूनां शर्मसि शर्म
 यजमानस्य शर्म मे यच्छैक एव रुद्रो न द्वितीयाय तस्य आखुस्ते रुद्र
 पशुस्ते जुषस्वैष ते रुद्र भागः सह स्वस्त्राभ्विकंया तं जुषस्व भेषजं गवे-
 श्वाय पुरुषाय भेषजमथो अस्मभ्यं भेषजं सुभेषजम् (१) यथाऽस्ति ।
 सुगं मेषाय मेष्या अवांम्ब रुद्रमदिमह्यं देवं इयंस्वकम् । यथा नः श्रेय-
 सः करदथा नो वस्यसः करदथा नः पशुमतः करदथा नो व्यवसाययात् ।
 इयंस्वकं यजामहे सुगन्धिं पुष्टिवर्धनम् । उर्वारुकमिव बन्धनान्मृत्योर्मुक्षीय
 मामृतात् । एष ते रुद्र भागस्तं जुषस्व तेनावसेन परो मूर्जवतोऽतीहि (२)

अवततधन्वा पिनाकहस्तः कुनिवासाः—३) [सुभेषजमिहि त्रीणि
 च] ॥ ६ ॥ ऐन्द्राग्रं द्वादशकपालं वैश्वदेवं चरुमिन्द्राय शुनासीराय
 पुरोडाशं द्वादशकपालं वायव्यं पर्यः सौर्यमेककपालं द्वादशगवः सौरं दक्षि-
 णाग्नेयमष्टाकपालं निर्वपति रौद्रं गावीधुकं चरुमैन्द्रं दधिं वारुणं यवमयं
 चरुं वहिनीं धेनुर्दक्षिणा ये देवाः पुरः सद्यो ऽग्निर्नेत्रा दक्षिणसदो यमनेत्राः
 पश्चात्सदः सवितृनेत्रा उत्तरसद्यो वरुणनेत्रा उपरिषद्यो बृहस्पतिनेत्रा रक्षोह-
 णस्ते नः पान्तु ते नोऽवन्तु तेभ्यः (१) नमस्तेभ्य स्वाहा समूढः रक्षः सन्द्-
 ग्धः रक्ष इदमहः रक्षोऽभि सन्द्दहाम्यग्र्यं रक्षोघ्ने स्वाहा यमायं सवित्रे वरु-
 णाय बृहस्पतये दुर्वस्वते रक्षोघ्ने स्वाहा प्रष्टिवाही रथो दक्षिणा देवस्थं त्वां
 सवितुः प्रसवैऽश्विनोर्बाहुभ्यां पूष्णो हस्ताभ्यां रक्षसो वधं जुहोमि हतः रक्षो-

[वर्धिष्म रक्षो यद्वस्ते तदक्षिणा—४५) [तेभ्यः पञ्चचत्वारिंशच्च] ॥ ७ ॥
 घात्रे पुरोडाशं द्वादशकपालं निर्वपत्यनुमत्यै चरुं राकायै चरुं सिनीवास्यै
 चरुं कुह्यै चरुं मिथुनौ गावौ दक्षिणामावैष्णवमेकादशकपालं निर्वपत्यैन्द्रावै-
 ण्ववमेकादशकपालं वैष्णवं त्रिकपालं वामनो बृही दक्षिणाम्रीषोमीयमेकाद-
 शकपालं निर्वपतीन्द्रासोमीयमेकादशकपालं सौम्यं चरुं बभ्रुदक्षिणा सोमा-
 पौष्णं चरुं निर्वपत्यैन्द्रापौष्णं चरुं पौष्णं चरुं श्यामो दक्षिणा वैश्वानरं द्वादश-
 कपालं निः (१) वपति हिरण्यं दक्षिणा वारुणं यवमयं चरुमश्वो दक्षिणा—८)
 [निरष्टौ च] ॥ ८ ॥ बार्हस्पत्यं चरुं निर्वपति ब्रह्मणो गृहे क्षिति-
 पृष्ठोदक्षिणैन्द्रमेकादशकपालं राजन्यस्य गृह ऋभो दक्षिणादित्यं चरुं
 महिष्यै गृहे धेनुदक्षिणा नैऋतं चरुं परिवृक्त्यै गृहे कुष्णानां व्रीहीणां नख-

निभिन्नं कृष्णा कृटा दक्षिणाग्नेयमष्टाकपालः सेनान्यौ गृहे हिरण्यं दक्षिणा
 वारुणं दशकपालः सुतस्य गृहे महानिरष्टो दक्षिणा मारुतः सुतकपालं
 ग्रामण्यौ गृहे पृथिदक्षिणा सावित्रं द्वादशकपालम् (१) क्षत्तुर्गृहे उप-
 ध्वस्तो दक्षिणाश्विनं द्विकपालः सङ्ग्रहीतुर्गृहे संवात्यौ दक्षिणा पौष्णं चरुं
 भागदुघस्य गृहे श्यामो दक्षिणा रौद्रं गावीधुकं चरुमक्षावापस्य गृहे शबलः
 उदारो दक्षिणेन्द्राय सुत्राम्णे पुरोडाशमेकादशकपालं प्रति निर्वपतीन्द्रायाः
 होमुचेऽयं नो राजा वृत्रहा राजा भूत्वा वृत्रं बन्ध्यान्मैत्राबार्हस्पत्यं भवति
 श्वेतायै श्वेतवत्सायै दुग्धे स्वयं मर्ते स्वयम्मथित आज्य आश्वत्थे (२)
 पात्रे चतुःस्रक्तौ स्वयमवपन्नयै शाखायै कर्णाः श्रार्कर्णाः श्र तण्डुलान्विचि-
 न्याद्ये कर्णाः स पर्यसि बार्हस्पत्योयेऽकर्णाः स आज्ये मैत्रः स्वयङ्कृता वेदि-

भ॒वति स्वय॑न्दि॒नं ब॒र्हिः स्वय॑ङ्कृत इ॒ध्मः सैव श्वे॒ता श्वेत॑वत्स॒न् दक्षि॑णा—३३)
 [द्वा॒द॒श॒क॒पा॒ल॒मा॒श्व॑त्थे त्रय॑स्त्रि॒ंशच्च] ॥ १ ॥ अ॒ग्नये॑ गृह॑प॒तये॑
 पु॒रो॒डा॒शं म॒ष्टा॒कं पा॒लं नि॒र्व॒पति॑ कृ॒ष्णानां॑ ब्री॒ही॒णां सौ॒मा॒य व॒न॒स्प॒तये॑ इ॒या॒-
 मा॒कं च॒रुः स॒वि॒त्रे स॒त्य॒प्र॒स॒वाय॑ पु॒रो॒डा॒शं द्वा॒द॒श॒क॒पा॒ल॒मा॒शनां॑ ब्री॒ही॒णां
 रु॒द्राय॑ प॒शु॒प॒तये॑ गा॒वी॒धुकं॑ च॒रुं बृ॒ह॒स्प॒तये॑ वा॒च॒स्प॒तये॑ नै॒वारं॑ च॒रुमि॒न्द्राय॑
 ज्ये॒ष्ठाय॑ पु॒रो॒डा॒शं मे॒का॒द॒श॒क॒पा॒लं म॒हा॒ब्री॒ही॒णां मि॒त्राय॑ स॒त्या॒या॒म्बानां॑ च॒रुं
 व॒रु॒णाय॑ ध॒र्म॒प॒तये॑ य॒व॒म॒यं च॒रुः स॒वि॒ता त्वां प्र॒स॒वानां॑ सु॒व॒ताम॒ग्नि॒गृ॒ह॒प॒तीनां॑
 सो॒मो व॒न॒स्प॒तीनां॑ रु॒द्रः प॒शु॒नाम् (१) बृ॒ह॒स्प॒ति॒र्वा॒चा॒मि॒न्द्रो ज्ये॒ष्ठानां॑
 मि॒त्रः स॒त्या॒नां व॒रु॒णो ध॒र्म॒प॒तीनां॑ ये दे॒वा दे॒व॒सु॒वः स्थ॑ त इ॒म॒मा॒मु॒ष्या॒य॒ण॒-
 म॒न॒मि॒त्राय॑ सु॒व॒ध्वं म॒ह॒ते क्ष॒त्राय॑ म॒ह॒त आ॒धि॒प॒त्याय॑ म॒ह॒ते जा॒न॒रा॒ज्यायै॒ष

वो भरता राजा सोमोऽस्माकं ब्राह्मणानां राजा प्रति त्यन्नामं राज्यमधायि-
 स्वां तनुवं वरुणो अशिश्नेच्छुचैर्मित्रस्य व्रत्या अभूमामन्महि महत ऋतस्य
 नाम सर्वे व्राताः (२) वरुणस्याभूवन्वि मित्र एवैरातिमतारीदसंबुदन्त
 युद्धियां ऋतेन व्यु त्रितो जरिमाणं न आनडिष्णोः क्रमोऽसि विष्णोः क्रान्त-
 मसि विष्णोर्विक्रान्तमसि—२५) [पृश्नां व्राताः पञ्चविंशतिश्च] ॥१०॥

अर्थतः स्थापां पतिरसि वृषास्यभिर्वृषसेनोऽसि व्रजक्षितः स्थ मरु-
 तामोजः स्थ सूर्यवर्चसः स्थ सूर्यत्वचसः स्थ मान्दाः स्थ वाशाः स्थ शक्रेरीः
 स्थ विश्वभृतः स्थ जनभृतः स्थामेस्तैजस्याः स्थापामोर्बधीनां रसस्थापो
 देवीर्मधुमतीरगृह्णन्तस्वतीराजसूयाय चितानाः । यामिर्मित्रावरुणावभ्यषि-
 च्चन्याभिरिन्द्रमनयन्नति (१) अरांतीः । राष्ट्रदाः स्थ राष्ट्रं दत्त स्वाहा ।

राष्ट्रदाः स्थं राष्ट्रमम्भै दत्त—११) [अत्येकादश च] ॥ ११ ॥
 देवीरापः सं मधुमतीर्मधुमतीभिः सृज्यध्वं महि वचैः क्षत्रियाय वन्वाना
 अनाधृष्टाः सीदतो जस्वतीर्महि वचैः क्षत्रियाय दधतीरनिभृष्टमसि वाचो
 बन्धुस्तपोजाः सोमस्य दात्रमसि शुक्रा वः शुक्रेणोत्पुनामि चन्द्राश्चन्द्रेणा-
 मृता अमृतेन स्वाहा राजसूयाय चितानाः । सधमादो द्युमिनीरुज एता
 अनिभृष्टा अपस्यवो वर्सानः । पस्त्यासु चक्रे वरुणः सधस्थमपाः शिशुः
 (१) मातृर्तमास्वन्तः । क्षत्रस्योर्त्वमसि क्षत्रस्य योनिरस्याविक्रो अग्निर्गृह-
 पतिराविन्न इन्द्रो वृद्धश्रेवा आविन्नः पूषा विश्ववेदा आविन्नो मित्रावरुणावता-
 वृधावाविन्ने द्यावापृथिवी धृत्वर्तते आविन्ना देव्यदितिर्विश्वरूप्याविक्रोऽयमसा-
 वांमुण्यायथोऽस्यां विश्वस्मिन्नाष्ट्रे महते क्षत्राय महत आधिपत्याय महते

जानराज्यायैष वो भरतो राजा सोमोऽस्माकं ब्राह्मणानां राजेन्द्रस्य (२)
 वज्रोऽसि वात्रैघ्रस्त्वया यं वृत्रं वध्याच्छुब्रबाधनाः स्थ पात मां प्रत्यश्च पात
 मां तिर्यश्चमन्वश्च मा पातु दिग्भ्यो मां पातु विश्वाभ्यो मा नाष्टाभ्यः पातु
 हिरण्यवर्णावृषसां विरोकेऽयं स्थूणावुदितौ सूर्यस्यारोहतं वरुण मित्र गर्तं ततं-
 श्रक्षाथामदितिं दितिश्च--४१) [शिशुरिन्द्रस्यैकं चत्वारिंशच्च] ॥१२॥
 समिधमातिष्ठ गायत्री त्वा छन्दसामवतु त्रिवृत्स्तोमो रथन्तरं सामाग्नि-
 देवता ब्रह्म द्रविणमुग्रामातिष्ठ त्रिष्टुप् त्वा छन्दसामवतु पञ्चदशस्तोमो
 बृहत्सामेन्द्रो देवता क्षत्रं द्रविणं विराजमातिष्ठ जगतो त्वा छन्दसामवतु सप्त-
 दशस्तोमो वैरूपं सामं मरुतो देवता विड् द्रविणमुदीचीमातिष्ठानुष्टुप् त्वा
 (१) छन्दसामवत्वेकविंशस्तोमो वैराजं सामं मित्रावरुणौ देवता बलं

द्रविणमूर्ध्वामातिष्ठ पङ्क्तिस्त्वा छन्दसामवतु त्रिणवत्रयस्त्रिंशौ स्तोमौ शाकर-
 रैवते सामनी बृहस्पतिर्देवता वचो द्रविणमीदृङ् चान्यादृङ् चैतादृङ् च
 प्रतिदृङ् च मितश्च सम्मितश्च सभराः । शुक्रज्योतिश्च चित्रज्योतिश्च
 सत्यज्योतिश्च ज्योतिष्माश्च सत्यश्चर्तुषाश्च (२) अत्यश्वाः । अग्रे
 स्वाहा सोमाय स्वाहा सवित्रे स्वाहा सरस्वत्यै स्वाहा पूष्णे स्वाहा बृहस्पतये
 स्वाहेन्द्राय स्वाहा घोषाय स्वाहा श्लोकाय स्वाहा शाय स्वाहा भगाय स्वाहा
 क्षेत्रस्य पतये स्वाहा पृथिव्यै स्वाहान्तरिक्षाय स्वाहा दिवे स्वाहा सूर्याय
 स्वाहा चन्द्रमसे स्वाहा नक्षत्रेभ्यः स्वाहाद्यः स्वाहौषधीभ्यः स्वाहा
 वनस्पतिभ्यः स्वाहा चराचरेभ्यः स्वाहा परिप्लवेभ्यः स्वाहा सरीसृपेभ्यः
 स्वाहा (३) [त्वाच स्वाहा] ॥ १३ ॥

मे त्विषिर्भूयादुत्तमसि मृत्योर्मा पाहि दिद्योन्मा पाह्यवेष्टा दन्दशका निरस्ते
 नमूचेः स्मिरेः । सोमो राजा वरुणो देवा धर्मसुवश्च ये । ते ते वाचं सुवन्तां
 ते ते प्राणं सुवन्तां ते ते चक्षुः सुवन्ता ते ते श्रोत्रं सुवन्तां सोमस्य त्वा
 यन्नेनाभिषिञ्चाम्यग्नेः (१) तेजसा सूर्यस्य वर्चसेन्द्रस्येन्द्रियेण मित्रावरुण-
 योर्वीर्येण मरुतामोजसा क्षत्राणां क्षत्रपतिरस्यति दिवस्पाहि समाववृत्रघ-
 रागदीचीरहिं बुधियमनुसञ्चरन्तीस्ताः पर्वतस्य वृषभस्य पृष्ठे नावश्चरन्ति
 स्वसिचं इयानाः । रुद्र यत्ते क्रयी परं नाम तस्मै हुतमसि यमेष्टमसि ।
 प्रजापते न त्वेदतान्यन्यो विश्वा जातानि परिता (२) बभूव । यत्कांमास्ते
 जुहूमस्तनौ अस्तु वयं स्याम पतयो रयीणाम्—११) [अग्नेस्तैकाद-
 शच] ॥ १४ ॥

रुणयोस्त्वा प्रशास्त्रोः प्रशिषां युनजिम युज्ञस्य योगेन विष्णोः क्रमोऽसि
 विष्णोः क्रान्तमसि विष्णोर्विक्रान्तमसि मरुतां प्रसवे जेषमाप्तं मनः सम-
 हर्मिन्द्रियेण वीर्येण पठानां मन्युरसि तवैव मे मन्युर्भूयान्नमो मात्रे पृथिव्यै
 माहं मातरं पृथिवीं हिंसिषं मा (१) मां माता पृथिवी हिंसीदियद-
 स्यायुरस्यायुर्मै धेह्युर्गस्यूर्जं मे धेहि युङ्क्षुसि वचोऽसि वचो मयि धेह्यग्रये
 गृहपतेये स्वाहा सोमाय वनस्पतेये स्वाहेन्द्रस्य बलाय स्वाहा मरुतामोजसि
 स्वाहा हंसः शुचिषद्वसुरन्तरिक्षसद्धोता वेदिप्रदतिथिदुरोणसत् । नृषद्वरसह-
 तसद्व्यो मसद्वज्रा गोजा ऋतजाः (२) अद्रिजा ऋतं बहत्—३) [मर्तजा-
 स्त्रीणि च] ॥७५॥ मित्रोऽसि वरुणोसि समहं विश्वेदेवैः क्षत्रस्य नाभि-
 रसि क्षत्रस्य योनिरसि स्योनामासीद् सुषदामासीद् मा त्वा हिंसीन्मा

मा हि॒ स्री॒त्रिष॑साद धृ॒तव्र॑तो वरुणः प॒स्त्या॑स्वा साम्राज्याय सु॒क्रतु॑ब्रह्मा॒३न्
 त्व॒ रा॒जन् ब्र॒ह्मासि॑ स॒वित॑सि स॒त्यसं॑वो ब्रह्मा॒३न् त्व॒ रा॒जन् ब्र॒ह्मासो॑मेन्द्रो॒सि
 स॒त्यौजाः॑ (१) ब्रह्मा॒३न् त्व॒ रा॒जन् ब्र॒ह्मासि॑ मि॒त्रो॒ऽसि सु॒शेवो॑ ब्रह्मा॒३न् त्व॒
 रा॒जन् ब्र॒ह्मासि॑ वरु॒णो॒ऽसि स॒त्यध॑मेन्द्रस्य॒ वज्रो॑ऽसि वा॒त्रघ्न॑स्तेन मे र॒ध्य
 दि॒शोऽभ्य॑य॒ राजा॑भूत् सु॒ष्ठो॒कौ॑३ सु॒मङ्ग॒लौ॑३ स॒त्यरा॑जा॒३न् । अ॒पांन॑ज्जे
 स्वा॒हो॒जो न॑ज्जे स्वाहा॒ग्रये॑ गृहप॑तये स्वाहा—(४०) [स॒त्यौजा॑श्च॒त्वारि॑श॒शब्द॑]
 ॥ १६ ॥ आ॒ग्नेय॑म॒ष्टाक॑पालं निर्व॑पति हि॒रण्यं॑ दक्षि॒णा सार॑स्व॒तं च॒रुं
 वे॒त्स॒तरी॑ दक्षि॒णा सा॒वि॒त्रं द्वा॑द॒शक॑पालमु॒ध्वस्तो॑ दक्षि॒णा पौ॒ष्णं च॒रुं
 इ॒यामो॑ दक्षि॒णा बा॒र्हस्प॑त्यं च॒रुं शि॑ति॒प॒ष्ठो दक्षि॑णै॒न्द्रमे॒काद॑श॒कपाल॑मु॒षभो॑
 दक्षि॑णा वा॒रुणं॑ द॒शक॑पालं म॒हानि॑र॒ष्टो दक्षि॑णा सौ॒म्यं च॒रुं व॒भ्रुर्वक्षि॑णा

त्वाष्ट्रमष्टाकपालश्शुण्ठो दक्षिणा वैष्णवं त्रिकपालं वामनो दक्षिणा—४२)
 [आग्नेयं द्विचत्वारिंशत्] ॥ १७ ॥ सद्यो दीक्षयन्ति सद्यः सोमं
 क्रीणन्ति पुण्डरिस्रजां प्रयच्छति दशभिर्वित्सुरैः सोमं क्रीणाति दशपेयो
 भवति शतं ब्राह्मणाः पिबन्ति सप्तदश स्तोत्रं भवति प्राकाशावध्वयवे
 ददाति स्रजमुद्गात्रे रुक्मश्हेत्रेऽश्वं प्रस्तोतृप्रतिहृतृभ्यां द्वादश पष्ठौहीर्ब्रह्मणे
 वृशां मैत्रावरुणार्यर्षभं ब्राह्मणाच्छसिने वासंसी नेष्टापोतृभ्याश्स्थूरिं यवा-
 चितमच्छावाकायानुद्गाहमग्नीधेर्भागवो होता भवति आयन्तीयं ब्रह्मसामं
 भवति वारवन्तीयम् (१) अग्निष्टोमसामसोरस्वतीरपो गृह्णाति—४)
 [वारवन्तीयं चत्वारिं च] ॥ १८ ॥ अग्नेयमष्टाकपालं निर्वपति हिरण्यं
 दक्षिणैन्द्रमेकादशकपालमुषभो दक्षिणा वैश्वदेवं चरुं पिशङ्गी पष्ठौही दक्षिणा

मैत्रावरुणीमामिक्षां वृशा दक्षिणा बार्हस्पत्यं चरुं शितिपृष्ठो दक्षिणादित्या
 मल्हां गभिणीमालभते मारुतीं पृश्निं पष्ठौहीमश्विभ्यां पूष्णे पुरोडाशं द्वाद-
 शकपालं निर्वपति सरस्वते सत्यवाचे चरुं संवित्रे सत्यप्रसवाय पुरोडाशं
 द्वादशकपालं तिसृधन्वश्शुष्कहृतिर्दक्षिणा—४७) [आग्नेयं सप्तचत्वारिं-
 शत्] ॥११॥ आग्नेयमष्टाकंपालं निर्वपति सौम्यं चरुं सावित्रं द्वाद-
 शकपालं बार्हस्पत्यं चरुं त्वाष्ट्रमष्टाकंपालं वैश्वानरं द्वादशकपालं दक्षिणो
 रथवाहनवाहो दक्षिणा सारस्वतं चरुं निर्वपति पौष्णं चरुं मैत्रं चरुं वारुणं
 चरुं क्षैत्रपत्यं चरुमादित्यं चरुमुत्तरो रथवाहनवाहो दक्षिणा—३४) [आग्नेयं
 चतुस्त्रिंशत्] ॥२०॥ स्वाहो त्वा स्वादुना तीव्रां तीव्रेणामताममतेन
 सुजामि सः सोमैनु सोमोऽश्विभ्यां पृथग्स्व सरस्वत्यै पृथग्स्वेन्द्राय

सुत्राग्नें पच्यस्व पुनानु ते परिस्तुतु सोमं सूर्यस्य बुद्धिता । वारेण शश्वता
 तना । वायुः पतः पवित्रेण प्रत्यङ् सोमो अतिद्रुतः । इन्द्रस्य युज्यः सखा ।
 कुविदङ्ग यवमन्तो यवं चिद्यथा दान्यनुपूर्वं विर्यय । इहेहवां कृणुत भोज-
 नानि (१) ये बर्हिषो नमोवृक्तिं न जग्मुः । आश्विनं भ्रममालभते सार-
 स्वतं मेघमैन्द्रमृषभमैन्द्रमेकादशकपालं निर्वपति सावित्रं द्वादशकपालं
 वारुणं दशकपालं सामप्रतीकाः पितरस्तृणुत वडवा दक्षिणा—२६)
 [भोजनानि षड्विंशतिश्च] ॥ २१ ॥ अग्राविष्णु महि तदां महिष्वं
 वीतं घृतस्य गुह्यानि नाम । दमेदमे सप्त रत्ना दधाना प्रति वां जिह्वा घृत-
 माचरणयेत् । अग्राविष्णु महि घामं प्रियं वां बीथो घृतस्य गुह्यां जुषाणा ।
 दमेदमे सुष्टुतीर्वावधाना प्रति वां जिह्वा घृतमुच्चरणयेत् । प्र णो वेवी सर-

स्वती वाजैर्भिर्वाजिर्नावती । धीनामंविज्यवतु । आ नो दिवो बृहतः (१)
 पर्वतादा सरस्वती यजता गन्तु यज्ञम् । हवै देवी जुजुषाणा घृताचीं अरमां
 नो वाचमुशती शृणोतु । बृहस्पते जुषस्व नो हव्यानि विश्वेदेव्य । रास्व-
 रत्नानि दाशुषे । एवा पित्रे विश्वेदेवाय वृष्णे यज्ञैर्विधेम नमसा हविर्भिः ।
 बृहस्पते सुप्रजा वीरवन्तो वयं स्याम पतयो रयीणाम् । बृहस्पते अति-
 यदुर्यो अर्ह्युमद्भिभति क्रतुमज्जनेषु । यद्दीदयच्छवसा (२) ऋतप्रजात-
 तदस्मासु द्रविणं धेहि चित्रम् । आ नो मित्रावरुणा घृतैर्गव्यंतिमुक्षतम् ।
 मध्वा रजांसि सुक्रतू । प्र बाहवो सिसृतं जीवसे न आ नो गव्यंति-
 मुक्षतं घृतेन । आ नो जनै श्रवयतं युवाना श्रुतं म मित्रावरुणा हवेमा ।
 आग्निं वः पूज्यं गिरा देवर्मदि वसूनाम् । सपर्यन्तः पुरुप्रियं मित्रं न क्षेत्र-

साधे॑सम् । म॒क्षुदे॒ववे॑तो रथः (३) शू॒रो वा प॒त्सु का॒सु चि॒त् । दे॒वानां
 य इ॒न्मनो॑ य॒जमान॑ इय॒क्षत्य॒भीद॑र्य॒ज्वनो॑ भुवत् । न य॒जमान॑ रि॒ष्यसि॒ न
 मु॒न्वान॑ न दे॒वयोः । अ॒सुद॒त्रं स॒र्वीर्य॑मू॒त त॒यदा॒श्वश्चि॑यम् । नकि॒ष्टं कर्म॑णा
 न॒शन्न॑ प्रयोष॒न्न योष॑ति । उ॒प॒क्षर॑न्ति सि॒न्धवो॑ म॒योभु॑र्व॒ईजा॑नश्च॒ यक्ष्य॑माणश्च
 धे॒नवः । पु॒णन्त॑श्च॒ प॒पु॒रिश्च॑ (४) श्र॒व॒स्यवो॑ घृ॒तस्य॑ धा॒रा उ॒प॑यन्ति वि॒श्वतः॑ ।
 सोमा॑रु॒द्रा वि॒वृ॒हत् वि॒षू॒चीम॑र्मी॒वा या नो॑ ग॒र्यमा॑वि॒वे॒श । आ॒रे बा॑धे॒था
 नि॒ऋ॒तिं प॒राचैः॑ कृतं चि॒दे॒नः प्र॑मु॒मुक्त॑म॒स्मत् । सोमा॑रु॒द्रा यु॒वमे॒तान्य॑स्मे
 वि॒श्वा त॒नूषु॑ भेष॒जानि॑ ध॒त्तम् । अ॒व॒स्य॑तं मू॒ञ्च॒तं यन्नो॑ अ॒स्ति त॒नूषु॑ ब॒ह्वं
 क॒तमे॒नो अ॒स्मत् । सोमा॑पू॒षणा॑ ज॒न॒ना र॒थीणां॑ ज॒न॒ना दि॒वो ज॒न॒ना (५)
 पृथि॒व्याः । जा॒तौ वि॒श्वस्य॑ भु॒वन॑स्य गो॒पौ दे॒वा अ॑क॒ण्वन्न॑मृत॒स्य नाभि॑म् ।

इमौ देवौ जार्थमानौ जुषन्तेमौ तमासि गहूतामजुष्टा । आभ्यामिन्द्रः
 पक्रमामास्वन्तः सोमांपषभ्यां जनदुस्त्रियांसु--२५) [बृहतः शवंसा रथं
 श्व जनना पञ्चविंशतिश्च] ॥ २२ ॥ अनुमत्या (८४) आग्नेय
 (१८) मैन्द्राग्न (७०) मग्नये (८०) सोमाय (१४४) प्रतिपूरुष
 (१०३) मैन्द्राग्नं (१५) घात्रे (५८) बार्हस्पत्य (१३३) मग्नये
 (१२५) ऽर्थेतो (६१) देवीः (१४१) समिधश्च (१५०) सोमस्ये
 (१११) न्द्रस्य (१०३) मित्र (१०) आग्नेयश्च (४२) सद्य (५४)
 आग्नेय (४७) माग्नेयश्च (३४) स्वाही (७६) मग्नाविष्णू (२७५)
 द्वाविंशतिः (२०१४) ॥ २२ ॥ इति तैत्तिरीयसंहितायां प्रथमकाण्डे
 अष्टमः प्रपाठकः ॥ इष (१५३०) आपो (१६१०) देवस्या (१५६७)

ऽऽदेदे (१८००) देवासुराः (२७२८) संत्वा (२५१९) पाकयज्ञ
(२६५५) मनुमत्या (२०९४) अष्टौ (१६५८३) ॥ प्रथमकाण्डः सम्पूर्णः ॥

ॐ वायव्यं श्वेतमालभेत् भृतिकामो वायुर्वै क्षेपिष्ठा देवता वायु
मेव स्वेन भागधेयेनोपधावति स एवैनं भूतिं गमयति भवत्येवातिक्षिप्रा देव-
तेत्याहुः सैनमीश्वरा प्रदह इत्येतमेव सन्तं वायुर्वै नियुत्वन्त आलभेत् नियुद्वा
अस्य धृतिर्धृत एव भूतिमुपैत्यप्रदाहाय भवत्येव (१) वायुर्वै नियु-
त्वन्त आलभेत् ग्रामकामो वायुर्वा इमाः प्रजा नस्योता नैनीयते वायुमेव
नियुत्वन्तस्वेन भागधेयेनोपधावति स एवास्मै प्रजा नस्योता नियच्छति
ग्राम्यैव भवति नियुत्वन्ते भवति ध्रुवा एवास्मा अनपगाः करोति वायुर्वै
नियुत्वन्त आलभेत् प्रजाकामः प्राणो वै वायुरपानो नियुत् प्राणापानौ खलु

वा एतस्य प्रजायाः (२) अपक्रामतो योऽलं प्रजायै सन् प्रजां न विवर्त्ते
 वायुमेव नियुत्वन्तस्त्वेन भागधेयेनोपधावति स एवास्मै प्राणापानाभ्यां
 प्रजां प्रजनयति विन्दते प्रजां वायवे नियुत्वन्त आलभेत ज्योगामयावी
 प्राणो वै वायुरपानो नियुत् प्राणापानौ खलु वा एतस्मादपक्रामतो यस्य
 ज्योगामयति वायुमेव नियुत्वन्तस्त्वेन भागधेयेनोप (३) धावति स-
 एवास्मिन् प्राणापानौ दधात्युत यदीतासुर्भवति जीवत्येव प्रजापतिर्वा इद-
 मेक आसीत् सोऽकामयत प्रजाः पृश्नन्सृजेयेति स आत्मनो वपामुर्वक्त्रि-
 दत्ताममौ प्रागृह्णात्तोऽजस्तूपरः समभवत् स्वयै देवताया आलभत ततो
 वै स प्रजाः पृश्नन्सृजत यः प्रजाकामः (४) पृश्नकामः स्यात् स एतं
 प्राजापत्यमजं तूपरमालभेत प्रजापतिमेव स्वेन भागधेयेनोपधावति स

ए॒वास्मै॑ प्र॒जां प॒शून् प्र॒ज॒नय॑ति॒ यच्छृ॒णस्तत् पुरु॑षाणां॒ रूपं॑ यच्च॒ पर॑स्तद॒श्वानां॑
 यद॒न्यतो॑द॒न्तर्द्वां यद॒व्या इ॒व श॒फास्तद॒वानां॑ यद॒जस्तद॒जाना॑मि॒तावं॒क्तो
 वै ग्रा॒म्याः प॒शव॑स्तान् (५) रूपे॒णैवा॑व॒रुन्धे॑ सो॒मायौ॒ष्णं त्रै॒नमाल॑भेत्
 प॒शुका॑मो॒ द्वौ वा अ॒जायै॑ स्तनौ॒ नानै॒व द्वाव॑भिजाय॑ते ऊ॒र्जं पु॒ष्टिं तृती॑यः
 सो॒माप॑ष॒णविव॑ स्वेन॒ भाग॑धेय॒नार्प॑धाव॒ति तावे॒वास्मै॑ प॒शून् प्र॒ज॒नय॑तः सा॒मो
 वै रे॒तो॒धाः प॒शा प॑शूनां प्र॒ज॒नयि॑ता सोम॑ ए॒वास्मै॑ रे॒तो दधा॑ति॒ प॒षा प॑शून्
 प्र॒ज॒नय॑त्यौद॒म्बरो॑ य॒पः (६) भ॒वत्यु॑ग॒र्वा उ॒द॒म्बर् ऊ॒र्कं प॑श॒वं ऊ॒र्जे॒वास्मा
 ऊ॒र्जं प॑शून्वरु॒न्धे—१३) [ए॒व प्र॒जाया॑ उप॒ प्र॒जाका॑मस्तान् य॒पस्त्वयो॑व॒श
 च] ॥ १ ॥ प्र॒जाप॑तिः प्र॒जा असृ॑जत् ता अ॒स्मात्सृ॒ष्टाः परा॑चीराय॒न्
 ता वरु॑णमगच्छ॒न् ता अ॒न्यैश्चाः पु॒नर॑याच॒त् ता अ॒स्मै न पु॒नर॑ददात् सोऽब्र॑-

वी॒ह॒रं वृ॒णी॒ष्व॒ाथ मे पु॒न॒र्दे॒ह॒ति तासां वर॒माल॑भत् स कृ॒ष्ण एक॑शि॒तिपा॒व-
 भव॒द्यो वरु॑णगृही॒तः स्यात् स ए॒तं वारु॑णं कृ॒ष्णमेक॑शि॒तिपा॒वमाल॑भेत् वरु॒-
 णम् (१) ए॒व स्वेन॑ भा॒गधे॒येनोप॑धा॒वति॒ स ए॒वैनं॑ वरु॒णपा॒शान्मुञ्च॑ति कृ॒ष्ण
 एक॑शि॒तिपा॒द्भव॑ति वारु॒णो ह्योष॑ दे॒वत॑या॒ सम॑द्ध्ये सु॒व॒र्भानु॑रा॒सुरः सूर्य॑ तम॒-
 सावि॑ध्य॒त्तस्मै दे॒वाः प्राय॑श्चि॒त्तिमै॒च्छन् तस्य॑ यत्प्र॒थमं॑ तमोऽपा॒भ्रन्त॑सा कृ॒ष्णा-
 वि॒रभ॑व॒द्यद्विती॒यः सा फ॑ल्गु॒नी यत्तृती॒यः सा व॑ल॒क्षी यद॑ध्य॒स्थाद॒पाकृ॑न्त॒न्तसा-
 वि॒र्व॒शा (२) सम॑भव॒त्ते दे॒वा अ॑नु॒बन् दे॒वप॑शु॒र्वा अ॒यः सम॑भू॒त क॑स्मा
 इ॒ममाल॑प्स्याम॒ह इत्य॑थ वै तर्ह्य॒त्पां पृथि॒व्यासी॒दजा॑ता ओष॑ध॒यस्ताम॑विं
 व॒शामा॑दित्येभ्यः॒ कामा॒याल॑भन्त॒ ततो॒ वा अ॑प्र॒थत॑ पृथि॒व्याजा॑यन्तोष॒धयो॒ यः
 का॒मये॑त् प्रथे॒य प॑शुभिः॒ प्र प्र॑जया॑ जाये॒येति॒ स ए॒ताम॑विं व॒शामा॑दित्येभ्यः

कामाय (३) आलभेतादित्यानेव कामः स्वेन भागधेयेनोप धावति त एवेन प्रथयन्ति पशुभिः प्र प्रजयां जनयन्त्युसावादित्यो न व्यरोचत तस्मै देवाः प्रायश्चित्तिमैच्छन् तस्मा एता मल्हा आलभन्ताग्नेयीं कृष्णग्रीवीं संहितामैन्द्रीं श्वेतां बार्हस्पत्यां ताभिरेवास्मिन् रुचमदधुर्यो ब्रह्मवर्चसकामः स्यात्तस्मा एता मल्हा आलभेत (४) आग्नेयीं कृष्णग्रीवीं संहितामैन्द्रीं श्वेतां बार्हस्पत्यामेता एव देवताः स्वेन भागधेयेनोपधावति ता एवास्मिन् ब्रह्मवर्चसं दधति ब्रह्मवर्चस्यैव भवति वसन्ताः प्रातरग्नेयीं कृष्णग्रीवीमालभेत ग्रीष्मे मध्यन्दिने संहितामैन्द्रीं शरद्यपराह्णे श्वेतां बार्हस्पत्यां ग्रीणि वा आदित्यस्य तेजांसि वसन्ता प्रातर्ग्रीष्मे मध्यन्दिने शरद्यपराह्णे यावन्त्येव तेजांसि तान्येव (५) अवरुन्धे संवत्सरं पुर्याल-

भ्यन्ते संवत्सरो वै ब्रह्मवर्चसस्य प्रदाता संवत्सर एवास्मै ब्रह्मवर्चसं
 प्रयच्छति ब्रह्मवर्चस्यैव भवति गर्भिण्यो भवन्तीन्द्रियं वै गर्भं इन्द्रियमे-
 वास्मिन् दधति सारस्वतीं मेधीमालंभेत् य इश्वरो वाचो वदितोः सन् वाचं
 न वदेद्वाग्वै सरस्वती सरस्वतीमेव स्वेन भागधेयेनोपधावति सैवास्मिन्
 (६) वाचं दधाति प्रवदिता वाचो भवत्यर्पन्नदती भवति तस्मा-
 न्मनुष्याः सर्वा वाचं वदन्त्याग्नेयं कृष्णग्रीवमालंभेत् सौम्यं बभ्रुं ज्योगा-
 मयाव्यग्निं वा एतस्य शरीरं गच्छति सोमः रसो यस्य ज्योगामयत्यग्नेरे-
 वास्य शरीरं निष्क्रीणाति सोमाद्रसंमुत् यदीतासुर्भवति जीवत्येव सौम्यं
 बभ्रुमालंभेताग्नेयं कृष्णग्रीवं प्रजाकामः सोमः (७) वै रेतोधा अग्निः
 प्रजानां प्रजनयिता सोम एवास्मै रेतो दधात्यग्निः प्रजां प्रजनयति विन्दते

प्रजामाग्नेयं कृष्णग्रीवमालभेत सौम्यं बभ्रुं यो ब्राह्मणो विद्यामनूच्य न
 विरोचेत् यदाग्नेयो भवति तेज एवास्मिन् तेन दधाति यत् सौम्यो ब्रह्मव-
 र्चसं तेन कृष्णग्रीव आग्नेयो भवति तम एवास्मादपहन्ति श्वेतो भवति (८)
 रुचमेवास्मिन् दधाति बभ्रुः सौम्यो भवति ब्रह्मवर्चसमेवास्मिन् त्विषिं
 दधात्याग्नेयं कृष्णग्रीवमालभेत सौम्यं बभ्रुमाग्नेयं कृष्णग्रीवं पुरोधयाः
 स्पर्वमान आग्नेयो वै ब्राह्मणः सौम्यो राजन्योऽभितः सौम्यमाग्नेयो भवत्-
 स्तेजसैव ब्रह्मणोभयतो राष्ट्रं परिगृह्णात्येकधा समावृद्धे पुर एनं दधते—४३)
 [वरुणं वशा कामाय लभेतैवास्मिन् सोमो भवति त्रिचत्वारिंशच्च] ॥२॥

देवासुरा एषु लोकेष्वस्पर्वन्त स एतं विष्णुर्वामनमपश्यत् स्वयै
 देवताया आलभत् ततो वै स इमौल्लोकानभ्यजयद्दृष्ट्वा वामनमालभेत स्पर्व-

मानो विष्णुरेव भूत्वेमौल्लोकानभिजयति विषम आलभेत विषमा इव हीमे
 लोकाः समृद्ध्या इन्द्राय मन्युमते मनस्वते ललामं प्राशुङ्गमालभेत सङ्ग्रामे
 (१) संयत्त इन्द्रियेण वै मन्युना मनसा सङ्ग्रामं जयतीन्द्रमेव मन्युमन्तं
 मनस्वन्तं स्वैनं भागधेयेनोपधावति स एवाहिमिन्निद्रियं मन्युं मनो दधाति
 जयति तं सङ्ग्राममिन्द्राय मरुत्वते पृथिसक्थमालभेत ग्रामकाम इन्द्रमेव
 मरुत्वन्तं स्वैनं भागधेयेनोपधावति स एवास्मै सजातान् प्रयच्छति ग्राम्यैव
 भवति यदृषभस्तेन (२) ऐन्द्रो यत् पृथिस्तेन मारुतः समृद्धयै पृथ्वात्
 पृथिसक्थो भवति पश्चादन्ववसायिनीमेवास्मै विशं करोति सौम्यं बभ्रुमा-
 लेभेतान्नकामः सौम्यं वा अन्नं सोममेव स्वेन भागधेयेनोपधावति स
 एवास्मा अन्नं प्रयच्छत्यन्नाद एव भवति बभ्रुभवत्येतद्वा अन्नस्य रूपं समृद्धयै

सौम्यं बभ्रुमालभेत् यमलंम् (३) राज्याय सन्तं राज्यं नोपनमेत् सौम्यं
 वै राज्यं सोममेव स्वेन भागधेयेनोपधावति स एवास्मै राज्यं प्रयच्छत्यु-
 पेनं राज्यं नमति बभ्रुभवत्येतद्वै सोमस्य रूपं समृद्ध्या इन्द्राय वज्रतुरे-
 ललामं प्राशङ्कुमालभेत् गतश्रीः प्रतिष्ठाकांमः पाप्मानंमेव वज्रं तीर्त्वा
 प्रतिष्ठां गच्छतीन्द्रायाभिमातिब्रे ललामं प्राशङ्कुमा (४) लभेत् यः पाप्मानो
 गृहीतः स्यात्पाप्मा वा अभिमातिरिन्द्रमेवाभिमातिहन् स्वने भागधेयेनो-
 पधावति स एवास्मात् पाप्मानंमभिमातिं प्रणुदत् इन्द्राय वज्रिणे ललामं
 प्राशङ्कुमालभेत् यमलं राज्याय सन्तं राज्यं नोपनमेदिन्द्रमेव वज्रि-
 णं स्वेन भागधेयेनोपधावति स एवास्मै वज्रं प्रयच्छति स एनम्
 (५) वज्रो भूत्या इन्धु उपैनं राज्यं नमति ललामः प्राशङ्कु भवत्ये-

तद्वै वर्जस्य रूपं समृद्धयै—१५) [सङ्गमे तेनालमैनं पञ्चदश च]॥ ३॥

असावा॒दित्यो न व्य॑रोचत् तस्मै॒ देवाः प्रायश्चि॑न्मिच्छन् तस्मा॑ एतां
दश॑र्षिभा॒माल॑भन्त तथै॒वास्मिन् रुच॑मदधुर्यो ब्रह्मवर्च॑सका॒मः स्यात्तस्मा॑ एतां
दश॑र्षिभा॒माल॑भेतामु॒मेवा॒दित्य॑स्वेन॒ भाग॑धेयेनोपधावति स ए॒वास्मिन् ब्रह्म॑-
वर्च॑सं दधाति ब्रह्मवर्च॑स्यैव भवति वसन्ता॑ प्रा॒तस्त्रीन् ल॒लामा॑नालेभेत ग्रीष्मे
म॒ध्यन्दि॑ने (१) त्रीञ्छितिपृष्ठाञ्छर॑द्यपराह्वे त्रीञ्छिति॒वारान् त्रीणि॒ वा आदि॑-
त्यस्य तेजा॑स्सि वसन्ता॑ प्रा॒तर्ग्रीष्मे म॒ध्यन्दि॑ने शर॑द्यपराह्वे याव॑न्त्येव तेजा॑स्सि
तान्ये॒वाव॑रुन्धे त्रय॑स्त्रय आल॑भ्यन्तेऽभिपूर्वमे॒वास्मिन् तेजो॑ दधाति संवत्सरं
प॒र्याल॑भ्यन्ते संवत्सरो॒ वै ब्रह्मवर्च॑सस्य प्र॒दाता संवत्सर॑ ए॒वास्मै ब्रह्मवर्च॑सं
प्रय॑च्छति ब्रह्मवर्च॑स्यैव भवति संवत्सर॑स्य प॒रस्ता॑त् प्राजाप॒त्यं कद्रु॑म् (३)

आलभेत प्रजापतिः सर्वा देवता देवतास्वेव प्रतितिष्ठति यदि विभीषादृश्रमा
 भविष्यामीति सोमापौष्णश्श्याममालभेत सौम्यो वै देवतया पुरुषः पौष्णाः
 पशव स्वयैवास्मै देवतया पशुभिस्त्वचं करोति न दृश्रमौ भवति देवाश्च वै
 यमश्चास्मिँल्लोकेऽस्पर्धन्त स यमो देवानामिन्द्रियं वीर्यमयुवत् तद्यमस्य (३)
 यमत्वं ते देवा अमयन्त यमो वा इदमभ्यद्वयस्म इति ते प्रजापतिमुपा-
 धावन्त एतौ प्रजापतिरात्मन उक्षवशौ निरमिमीत ते देवा वैष्णावरुणी वशा-
 मालभन्तैन्द्रमुक्षाणं तं वरुणेनैव ग्राहयित्वा विष्णुना यज्ञेन प्राणुदन्तैन्द्रेणै-
 वास्येन्द्रियमवृजत यो भ्रातृव्यवान्त्स्यात् स स्पर्धमानो वैष्णावरुणिम् (४)
 वशामालभेतैन्द्रमुक्षाणं वरुणेनैव भ्रातृव्यं ग्राहयित्वा विष्णुना यज्ञेन प्रणु-
 दत् एन्द्रेणैवास्येन्द्रियं वृद्धे भवत्यात्मना परास्य भ्रातृव्यो भवतीन्द्रो वृत्रम-

हन् तं वृत्रो हतः षोडशभिर्भोगैरसिनात्तस्य वृत्रस्य शीर्षतो गाव उदायन्
 ता वैदेह्याऽभवन् तासामृषभो जघनेऽनूदत्तमिन्द्रः (५) अचायत्सोऽमन्यत्
 यो वा इममालभेत् मुच्येतास्मात् पाप्मन इति स आग्नेयं कृष्णग्रीवमाल-
 भतैन्द्रमृषभं तस्याग्निरेव स्वेन भागधेयेनोपसृतः षोडशधावृत्रस्य भोगान-
 प्यदहदेन्द्रेणोन्द्रियमात्मन्नघत्त यः पाप्मना गृहीतः स्यात् स आग्नेयं कृष्ण-
 ग्रीवमालभेत्तैन्द्रमृषभमग्निरेवास्य स्वेन भागधेयेनोपसृतः (६) पाप्मानमपि
 दहत्यैन्द्रेणोन्द्रियमात्मन्धत्ते मुच्यते पाप्मनो भवत्येव द्यावापृथिव्यां धेनुमा-
 लभेत् ज्योगंपरुद्धोऽनयोहिं वा एषोऽप्रतिष्ठितोऽथैष ज्योगंपरुद्धो द्यावापृ-
 थिवी एव स्वेन भागधेयेनोपधावति ते एवैनं प्रतिष्ठां गमयतः प्रत्येव तिष्ठति
 पर्यारिणी भवति पर्यारीव ह्येतस्य राष्ट्रं यो ज्योगंपरुद्धः समृद्धयै वायव्यम्

(७) वत्समालभेत वायुर्वा अनयोर्वत्स इमे वा ।
विडपंशुष्काथैष ज्योगपरुद्धो वायुमेव स्वेन भागधे
इमाँल्लोकान् विशं प्रदापयति प्रास्मा इमे लोकाः
तिष्ठते—४२) [मध्यन्दिने कर्तुं यमस्य वैष्णावः
द्विचत्वारिंशच्च] ॥ ४ ॥ इन्द्रो बलस्य बि
पशुरासीत् तं पृष्ठं प्रति सङ्गृह्योदंक्खिदत् तं सहस्र
तोऽभवद्यः पशुर्कोमः स्यात् स एतमैन्द्रमुन्नतमाल
येनोपधावति स एवास्मै पशून् प्रयच्छति पशु
भवति साहस्री वा एषा लक्ष्मी यदुन्नतो लक्ष्मियैवं
पशून् प्राप्नुयादथ वैष्णवं वामनमालभैतैतस्मिन् ॥ ४ ॥

स्मादिष वांमनः समीषितः पशुभ्य एव प्रजतिभ्यः प्रतिष्ठां वधाति कोऽहति
 सहस्रं पशून् प्राप्तुमित्याहुरहोरात्राण्येव सहस्रं * सम्पाद्यालभेत पशवः (२)
 वा अहोरात्राणि पशून् एव प्रजातान् प्रतिष्ठां गमयत्योषधीभ्यो वेहतमालभेत
 प्रजाकाम ओषधयो वा एतं प्रजायै परिबाधन्ते योऽलं प्रजाये सन् प्रजां
 न विन्दत ओषधयः खलु वा एतस्यै सतमपि घ्नन्ति या वेहद्भवत्योषधीरेव
 स्वेन भागधेयेनोपधावति ता एवास्मै स्वाद्योनेः प्रजां प्रजनयन्ति विन्दते
 (३) प्रजामापो वा ओषधयोऽस्मत्पुरुष आप एवास्मा असतः सधवति
 तस्मादाहुयश्चैवं वेद यश्च नापस्त्वावासतः सधदतीत्यैन्द्री * सतवशामालभेत
 भूतिकामोऽजातो वा एष योऽलं भूत्यै सन् भूतिं न प्राप्नोतीन्द्रं खलु वा
 एष सूत्वा वशाभनत् (४) इन्द्रमेव स्वेन भागधेयेनोपधावति स एवैनं भूतिं

गमयति भवत्येव य^५ सत्त्वा वशा स्यात्तमैन्द्रमेवालभेतैतद्वाव तदिन्द्रिय^५
 साक्षादेवेन्द्रियमवरुन्ध ऐन्द्राग्रं पुनरुत्सृष्टमालभेत य आ तृतीयात् पुरुषात्
 सोमं न पिबेद्विच्छिन्नो वा एतस्य सोमपीथो यो ब्राह्मणः सन्ना (५) तृती-
 यात् पुरुषात् सोमं न पिबेतीन्द्राग्नी एव स्वेन भागधेयेनोपधावति तावेवास्मै
 सोमपीथं प्रयच्छत उर्येन^५ सोमपीथो नमति यदैन्द्रो भवतीन्द्रियं वै सोमपीथ
 इन्द्रियमेव सोमपीथमवरुन्धे यदाग्नेयो भवत्याग्नेयो वै ब्राह्मणः स्वामेव देव-
 तामनुसन्तनोति पुनरुत्सृष्टो भवति पुनरुत्सृष्ट इव होतस्य (६) सोमपीथः
 समृद्धयै ब्राह्मणस्पत्यं तूपरमालभेताभिचरन् ब्रह्मणस्पतिमेव स्वेन भागधे-
 येनोपधावति तस्मा एवैनमावृश्चति ताजगतिमाच्छति तूपरो भवति भुरप-
 चिर्वा एषा लक्ष्मी यत्तूपरः समृद्धयै स्पयो यूपो भवति वज्रो वै स्पयो वज्र-

मेवास्मै प्रहरति शरमयं बर्हिः शणात्येवैनं वैर्भीदक इध्मः (७) भिनत्यै-
वैनम्—३) [उन्नतः पशवोविन्दतेऽभवदैतस्येध्मस्त्रीणि च] ॥ ५ ॥

बार्हस्पत्यः शितिपुष्टमालंभेत ग्रामकामो यः कामयेत पुष्टः समा-
नानाः स्यामिति बृहस्पतिमेव स्वेन भागधेयेनोपधावति स एवैनं पुष्टः
समानानां करोति ग्राम्येव भवति शितिपुष्टो भवति बार्हस्पत्यो ह्येष
देवतया समृद्धयै पौष्णः श्याममालंभेतान्नकामोऽन्नं वै पूषा पुषणमेव
स्वेन भागधेयेनोपधावति स एवास्मै (१) अन्नं प्रयच्छत्यन्नाद एव
भवति श्यामो भवत्येतद्वा अन्नस्य रूपः समृद्धयै मारुतं पृश्निमालंभे-
तान्नकामोऽन्नं वै मरुतै मरुतं एव स्वेन भागधेयेनोपधावति त एवास्मा
अन्नं प्रयच्छत्यन्नाद एव भवति पृश्निर्भवत्येतद्वा अन्नस्य रूपः समृद्धया

पु॒न॒रु॒ण॒मा॒ल॒भे॒ते॒न्द्रि॒य॒का॒म॒ इ॒न्द्र॒मे॒व (२) स्वे॒न॒ भा॒ग॒धे॒ये॒नो॒प॒धा॒-
 व॒ति॒ स॒ ए॒वा॒स्मि॒न्नि॒द्वि॒षं॒ द॒धा॒ती॒न्द्रि॒या॒व्ये॒व भ॒व॒त्य॒रु॒णो भू॒मा॒न् भ॒व॒त्ये॒-
 त॒द्वा इ॒न्द्र॒स्य॒ रू॒प॒२ स॒मृ॒द्ध॒यै सा॒वि॒त्रमु॒प॒ध्व॒स्त॒मा॒ल॒भे॒त स॒नि॒का॒मः स॒वि॒-
 ता॒ वै प्र॒स॒वा॒ना॒मी॒शो स॒वि॒ता॒र॒मे॒व स्वे॒न॒ भा॒ग॒धे॒ये॒नो॒प॒धा॒व॒ति॒ स॒ ए॒वा॒स्मे
 स॒निं प्र॒सु॒व॒ति॒ दा॒न॒का॒मा अ॒स्मै प्र॒जा भ॒व॒न्त्यु॒प॒ध्व॒स्तो भ॒व॒ति॒ सा॒वि॒-
 त्रो ह्ये॒षः (३) दे॒व॒त॒या स॒मृ॒द्ध॒यै वै॒श्व॒दे॒वं ब॒हुरु॒प॒मा॒ल॒भे॒ता॒न्न॒का॒मो वै॒श्व॒-
 दे॒वं वा अ॒न्नं वि॒श्व॒नि॒व दे॒वा॒न्स्वे॒न॒ भा॒ग॒धे॒ये॒नो॒प॒धा॒व॒ति॒ त॒ ए॒वा॒स्मा अ॒न्नं
 प्र॒य॒च्छ॒न्त्य॒न्ना॒द ए॒व भ॒व॒ति॒ ब॒हुरु॒पो भ॒व॒ति॒ ब॒हुरु॒प॒२ ह्य॒न्न॒२ स॒मृ॒द्ध॒यै वै॒श्व॒-
 दे॒वं ब॒हुरु॒प॒मा॒ल॒भे॒त॒ ग्राम॒का॒मो वै॒श्व॒दे॒वा वै सं॒जा॒ता वि॒श्व॒नि॒व दे॒वा॒न्स्वे॒न॒
 भा॒ग॒धे॒ये॒नो॒प॒धा॒व॒ति॒ त॒ ए॒वा॒स्मै (४) सु॒जा॒ता॒न् प्र॒य॒च्छ॒न्ति॒ ग्राम्ये॒व भ॒व॒ति॒

बहुरूपो भवति बहुदेवत्योऽद्वौष समृद्धये प्राजापत्यं तूपरमालभेत यस्या-
 नाज्ञातमिव ज्योगामयेत् प्राजापत्यो वै पुरुषः प्रजापतिः खलु वै तस्य केव-
 यस्यानाज्ञातमिव ज्योगामयति प्रजापतिमेव स्वेन भागधेनोपधावति स
 एवैनं तस्मात्त्रामान्मुञ्चति तूपरो भवति प्राजापत्यो हि (५) एष देवतया
 समृद्धयै—३) [अस्मा एवैषौस्मै हि त्रीणि च ॥ ६ ॥ वषट्कारो
 वै गायत्रियै शिरोऽच्छिनत्तस्यै रसः परापतत्तं बृहस्पतिरुपांगृह्णात् सा शिति-
 पुष्ठा वशाभंवद्यो द्वितीयः परापतत्तं मित्रावरुणमुपांगृह्णीता २ सा द्विरूपा
 वशाभंवद्यस्तृतीयः परापतत्तं बिश्वे देवा उपांगृह्णन्त्सा बहुरूपा वशाभंवद्य-
 श्वेतुर्थः परापतत्तस पृथिवी प्राविशत्तं बृहस्पतिरभि (१) अगृह्णावस्त्वेवायं
 भोगयेति स उक्षवशः समभवद्यच्छोहितं परापतत्तद्रुद्र उपांगृह्णात् सा रौप्री

रोहिणी वृशाभं वद्वाहस्पत्या ॥ शितिपृष्ठामालं भेत ब्रह्मवर्चसकामो बृहस्पतिमेव
 स्वेन भागधेयेनोपधावति स एवास्मिन् ब्रह्मवर्चसं दधाति ब्रह्मवर्चस्यैव भवति
 छन्दसां वा एष रसो यद्दशा रस इव खलु (२) वै ब्रह्मवर्चसं छन्दसामेव
 रसेन रसं ब्रह्मवर्चसमवर्तुन्धे मैत्रावरुणीं द्विरूपामालं भेत वृष्टिकामो मैत्रं
 वा अहर्वारुणी रात्रिरहोरात्राभ्यां खलु वै पर्जन्यो वर्षति मित्रावरुणावेव
 स्वेन भागधेयेनोपधावति तावेवास्मा अहोरात्राभ्यां पर्जन्यं वर्षयतु छन्दसां
 वा एष रसो यद्दशा रस इव खलु वै वृष्टिः छन्दसामेव रसेन (३) रसं
 वृष्टिमवर्तुन्धे मैत्रावरुणीं द्विरूपामालं भेत प्रजाकामो मैत्रं वा अहर्वारुणी
 रात्रिरहोरात्राभ्यां खलु वै प्रजाः प्रजायन्ते मित्रावरुणावेव स्वेन भागधेयेनो-
 पधावति तावेवास्मा अहोरात्राभ्यां प्रजां प्रजंनयतु छन्दसां वा एष रसो

यद्दशा रसं इव खलु वै प्रजा छन्दसामिव रसेन रसं प्रजामबे (४) रुन्धे
वैश्वदेवीं बहुरूपा मालभेतान्नकामो वैश्वदेवं वा अन्नं विश्वानेव देवान्त्स्वेन
भागधेयेनोपधावति त एवास्मा अन्नं प्रयच्छन्त्यन्नाद एव भवति छन्दसां वा
एष रसो यद्दशा रसं इव खलु वा अन्नं छन्दसामिव रसेन रसमन्नमबरुन्धे
वैश्वदेवीं बहुरूपा मालभेतु ग्रामकामो वैश्वदेवा वै (५) सजाता विश्वानेव
देवान्त्स्वेन भागधेयेनोपधावति त एवास्मै सजातान् प्रयच्छन्ति ग्राम्यैव
भवति छन्दसां वा एष रसो यद्दशा रसं इव खलु वै सजाता छन्दसामिव
रसेन रसं सजातानवरुन्धे बार्हस्पत्यमुक्षवशमालभेत ब्रह्मवर्चसकामो बृह-
स्पतिमेव स्वेन भागधेयेनोपधावति स एवास्मिन् ब्रह्मवर्चसम् (६)
दधाति ब्रह्मवर्चस्यैव भवति वशं वा एष चरति यदुक्षा वश इव खलु वै

ब्रह्मवर्चसं वशीनैव वदं ब्रह्मवर्चसमवहन्त्ये रौद्री रौद्रीणिमालभेताभिस्त्रिव
 रुद्रमेव स्वेन भागधेयेनोपधावति तस्मा एवैनमावृश्चति ताजगतिमच्छति
 रौद्रीणी भवति रौद्री ह्येषा देवतया समृद्धयै स्फयो यूपः (७) भवति वज्रो वै
 स्फयो वज्रमेवास्मै प्रहरति शरमयं बहिः शृणाल्यैवेनं वै भीदक इध्मो भिन-
 स्यैवेनम्—११) [अभि खलु रसेना व वै ब्रह्मवर्चसं यूप एकाविवि-
 श्रतिश्च] ॥ ७ ॥ असावादित्यो न व्यरोचत तस्मै देवाः प्रायश्चित्ति-
 मैच्छन् तस्मा एता रौद्री रौद्रीणिमालभन्त तथैवास्मिन् रुचमद्भूयो
 ब्रह्मवर्चसकामः स्यात्तस्मा एता रौद्री रौद्रीणिमालभेतासुमेवादित्य
 स्वेन भागधेयेनोपधावति स एवास्मिन् ब्रह्मवर्चसं वधाति ब्रह्मवर्चस्यैव
 भवति ब्रह्मो यूपो भवत्यसौ (१) वा आदित्यो यतोऽजायत् ततो ब्रह्म

उच्यतेषु तस्योन्येव ब्रह्मवर्चसमवरुन्धे ब्राह्मणस्पत्यां बभ्रुकुर्णामालभेताभि-
 खरन् वारुणं वशंकपालं पुरस्तान्निवपद्भरुणेनैव भ्रातृव्यं ग्राहयित्वा ब्रह्मणा
 स्तृणुते बभ्रुकुर्णी भवत्येतद् ब्रह्मणो रूपं समृद्धयै रूपो भवति बभ्रु-
 द्वे रूपयो वज्रमेवास्मै प्रहरति शरमयं कीहिः शृणाति (२) एवैनं वैभीदक
 इध्मो भिनस्येवैनं वैष्णवं वामनमालभेत् यं यज्ञो नोपनमोद्विष्णुर्वै यज्ञो
 विष्णुमेव स्वेनं भागधेयेनोपधावति स एवास्मै यज्ञं प्रयच्छत्युपमं यज्ञो नमति
 वासुनो भवति वैष्णवो ह्येष देवतया समृद्धयै त्वाष्ट्रं वडवमालभेत् पशुक-
 मस्त्वष्टा वै पशूनां मिथुनानाम् (३) प्रजनयिता त्वष्टारमेव स्वेन भागधेये-
 नोपधावति स एवास्मै पशून् मिथुयान् प्रजनयति प्रजा हि वा एतस्मिन् पशवः
 प्रविष्टा अथैष पुमात्सन् वडवः साक्षादेव प्रजां पशूनवरुन्धे सुत्रं स्वेतमा

लंभेत सङ्गमे संयत्ते सम्यकामो मित्रभेव स्वेनं भागधेयेनोपधावति स एवैनं
 मित्रेण सन्नयति (४) विगालो भवति व्यवंसाययत्येवैनं प्राजापत्यं
 कृष्णमालंभेत वृष्टिकामः प्रजापतिर्वै वृष्ट्या ईशे प्रजापतिभेव स्वेनं भागधेये-
 नोपधावति स एवास्मै पर्जन्यं वर्षयति कृष्णो भवत्येतद्वै वृष्ट्यै रूपै रूपैव
 वृष्टिमवर्तुन्वे शबलो भवति विद्युतमेवास्मै जनयित्वा वर्षयत्यवाशुङ्गो भवति
 वृष्टिमेवास्मै नियच्छति—५) [असौ शृणाति मिथुनानां नयति यच्छति]
 ॥ ८ ॥ वरुणः सुषवाणमन्नाद्यं नोपानमत्स एतां वारुणीं कृष्णां वशा-
 मपश्यताः स्वार्थै देवताया आलभत ततो वै तमन्नाद्यमुपानमद्यमलमन्नाद्याय
 सन्तमन्नाद्यं नोपनमेत्स एतां वारुणीं कृष्णां वशामालंभेत वरुणमेव स्वेनं
 भागधेयेनोपधावति स एवास्मा अन्नं प्रयच्छत्यन्नादः (१) एव भवति कृष्णा

भवति वारुणी ह्येषा देवतया समृद्धयै मैत्रं श्वेतमालभेत वारुणं कृष्णमपाश्रो
 वधीनाश्च सन्धावन्नकामो मैत्रीया ओन्नधयो वारुणीरापोऽपाश्च खलु वा
 औषधीनाश्च रसमुपजीवामो मित्रावरुणावेव स्वेन भागधेयेनोपधावति तावे-
 वास्मा अन्नं प्रवेच्छतोऽन्नाद एव भवति (२) अपाश्रौषधीनाश्च सन्धावा-
 लभत उभयस्यावरुद्धयै विशाखो यूपो भवति द्वे ह्येते देवते समृद्धयै मैत्रं
 श्वेतमालभेत वारुणं कृष्णं ज्योगामयावी यन्मैत्रो भवति मित्रेणैवास्मै
 वरुणं शमयति यद्दारुणः साक्षादैव न वरुणपाशान्मुञ्चत्युत यदीतासुर्भवति
 जीवत्येव देवा वै पुष्टिं नार्विन्दन् (३) तां मिथुनेऽपश्यन् तस्यां न सम-
 राधयन्तावश्विनवब्रूतामावयोर्वा एषामैतस्यां वदध्वमिति साश्विनोरैवाभ-
 वयः पुष्टिकामः स्यात्स एतामाश्विनीं यमीं वशामालभेताश्विनविव स्वेन

भागधेयेनोपधावति तावेवास्मिन् पुष्टिं धत्तः पुष्ट्वति प्रजयां वृक्षभिः—४५)
 [अन्नादौ भवत्यविन्दन् पञ्चवत्वारिऽशच्च] ॥ ९ ॥ आश्विनं धूमलं-
 लाममालभेत यो बुब्रूक्षणः सोमं पिपासेदश्विनौ वै देवानामसौमपावास्तौ
 तौ पश्चात्सौमपीथं प्राप्तुतामश्विनवितस्य देवता यो बुब्रूक्षणः सोमं पिपा-
 सत्यश्विनविव स्वेन भागधेयेनोपधावति तावेवास्मै सोमपीथं प्रयच्छत
 उपैतः सोमपीथो नमति यद्धृद्धो भवति धृष्टिमाणमेवास्मादपहन्ति ललामः
 (१) भवति सुखत एवास्मिन् तेजो दधाति वायुद्वयं गोमृगमालभेत यम-
 सन्निवाः समभिषाः येयूरपूता वा एतं वायुच्छति यमसन्निवाः समभिषाः
 सन्ति नैव ग्राम्यः पशुनोरण्यो यज्ञोमगो नैवैष ग्रामे नारण्ये यमसन्निवाः
 समभिषाः सन्ति वायुर्धै देवामां पवित्रं वायुमेव स्वेन भागधेयेनोपधावति स

एव (२) एनं पृथयति परावी वा एतस्मै व्युच्छन्ती व्युच्छति तमः पाप्मानं
 प्रविशति यस्योऽन्विने शस्यमाने सूर्यो नाविर्भवति सूर्यं बहुरूपमालभेतामु
 मेवादित्यस्वेन भागधेयेनोपधावति स एवास्मान्तमः पाप्मानमपहन्ति प्रती-
 द्यदस्मै व्युच्छन्ती व्युच्छत्यप् तमः पाप्मानं हते—४६) [ललाम् एव
 षट्चत्वारिंशच्च] ॥१०॥ इन्द्रं वो विश्वतस्परीन्तं नरो मरुतो यद्धं वो
 दिवो या वः शर्म । भरेष्विन्द्रं सुहवं हवामहेऽहोमुचं सुकृतं देव्यं जन्मम् ।
 अग्निं मित्रं वरुणं सातये भगं द्यावापृथिवी मरुतः स्वस्तये । मम तु नः परिणमा
 वसुहो मम तु बातो अषां वृषण्वान् । छिणीतमिन्द्रापर्वता युवं नस्तन्नो विश्वे
 वरिवस्यन्तु देवाः । प्रिया वो नाम (१) द्रुवे तुराणाम् । आ यत्तुपन्मरुतो
 वावशानाः । भ्रियसे कं भानुभिः सन्निभिमिक्षिरे ते रुमिभिस्त ऋकंभिः

सुखावर्यः । ते वार्शमन्त इष्टिमणो अभिरवो विद्रे प्रियस्य मारुतस्य धात्रीः ।
 अग्निः प्रथमो वसुभिर्नो अग्यात् सोमो रुद्रभिर्भिरक्षतु त्मना । इन्द्रो मरुद्भि-
 र्ऋतुषा ऋणोत्वादित्यैर्नो वरुणः सः शिशातु । संनो देवो वसुभिरग्निः सम्
 (२) सोमस्तनूभि रूद्रियाभिः । समिन्द्रो मरुद्भिर्यज्ञियैः समदित्यैर्नो वरुणो
 अजिज्ञिपत् । यथादित्या वसुभिः सम्बभूवुर्मरुद्भी रुद्राः समजानताभि । एवा
 त्रिणामन्नहंणीयमाना विश्वे देवाः समनसो भवन्तु । कुत्रा चिद्यस्य समृतो
 रणवा नरो नृषदने । अहन्तभिर्यमिन्धुते संजनयन्ति जन्तवः । सं यविषो वना-
 महे सः हव्या मानुषाणाम् । उत युन्नस्य शवसः (३) ऋतस्य रश्मिमाददे ।
 ग्रहो देवानां प्रत्येति सुन्नमादित्यासो भवता मृदयन्तः । आ वो ऽवाची सुम-
 तिववृत्यादुः होभिद्या वरिवो विचरासन्त । शुचिर्दृषः सुयवसा अवन्तु तप-

भवति वृद्धवैयाः सुवीरः । न किं हं ब्रूम्यन्ति तो न दूराद्य आदित्यानां भवति
 प्रणीतौ । शारयन्त आदित्यासो जगत्स्था देवा विश्वस्य भुवनस्य गोपाः ।
 दीर्घाधिगो रक्षमाणाः (४) असुर्यमृतावानश्रयमाना ऋणानि । तिलो
 भूर्मोर्धारयन् त्रीरुत द्यून् त्रीणि व्रता विदधे अन्तरेषाम् । ऋतेनादित्या-
 महिं वो महित्वं तदर्थमन्वरुण मित्र चारुं । त्याद्रु क्षत्रियाश्च अवं आदित्या-
 न् याचिषामहे । सुमृहीकाश्च अभिष्टये । न दक्षिणा विचिकित्ते न सव्या न
 प्राचीनमादित्या नोत पृथा । पाक्या चिह्नसवो धीर्यौ चित् (५) यदमा-
 नीतो अभयं ज्योतिरश्याम् । आदित्यानामवसा नूतनेन सक्षीमहि शर्मणा
 सन्तमेन । अनागास्त्वे अदितित्वे तुरासं इमं यज्ञं दधतु श्रोत्रमाणाः । इमे
 मे वरुण श्रुषी इवमया च मृडय । त्वामवस्पुराचके । तत्त्वा यामि वरुणा-

वन्द्मानस्तदाशस्ते वज्रमानो हविर्भिः । अहोडमानो वरुणोऽहोऽप्यरुणोऽहो
मा न आयुः प्रमोषीः—४१) [नाम स२ अर्धतो रक्षमाणश्चिदेकाग्रप-
त्राशर्च ॥ ११ ॥ वायव्यं (३१३) प्रजापति (३४३) देवासुरा
(२६५) अस्ता (३१२) बिन्द्रो (३५३) बार्हस्पत्यं (२५३) वषट्-
कारो (३६१) ऽसौ (२५०) वरुण (११५) माग्नि (१४६) मिन्द्र
(२११) मेकादश (३२७८) ॥ ११ ॥ इति तैत्तिरीयसंहितायां
द्वितीयकाण्डे अथमः प्रपाठकः ॥

ॐ प्रजापतिः प्रजा असृजत ताः सृष्टा इन्द्राग्नी अर्चागृहताऽसौ ऽवा-
च प्रजापतिरित्वाग्नी वै मे प्रजा अर्चापुभतामिति स एतमैन्द्राग्रमेकादश-
कपालम्पदपुनं निर्यपुत्तावस्मै प्रजाः प्रास्तावतामिन्द्राग्नी वा एतस्य प्रजा-

मपंगूहत्तो गोऽलं प्रजायै सन् प्रजां न विदुस्त ऐन्द्राग्रमेकादशकपालं निर्ध-
नेत् प्रजाकाम इन्द्राग्नी (१) एव स्वेन भागधेयेनोपधावति तावेवास्मै
प्रजां प्रसाधयतो विन्दते प्रजामैन्द्राग्रमेकादशकपालं निर्वपेत्सर्वमानः क्षेत्रे
वा सजातेषु वेन्द्राग्नी एव स्वेन भागधेयेनोपधावति ताभ्यामेवेन्द्रियं वीर्यं
भ्रातृव्यस्य वृक्षे वि पाप्मना भ्रातृव्येण जयतेऽप वा एतस्मादिन्द्रियं वीर्यं
क्रामति यः सङ्ग्राममुपप्रयात्यैन्द्राग्रमेकादशकपालं निः (२) वपेत्सङ्ग-
ममुपप्रयास्यन्निन्द्राग्नी एव स्वेन भागधेयेनोपधावति तावेवास्मिन्निन्द्रियं वीर्यं
धत्तः सहेन्द्रियेण वीर्येणोपप्रयाति जयति तत्सङ्ग्रामं वि वा एष इन्द्रि-
येण वीर्येण धर्यते यः सङ्ग्रामं जयत्यैन्द्राग्रमेकादशकपालं निर्वपेत्सङ्ग्रामं
जित्वेन्द्राग्नी एव स्वेन भागधेयेनोपधावति तावेवास्मिन्निन्द्रियं वीर्यं

(३) घृत्तो मेन्द्रियेण वीर्येण व्यृध्यतेऽप वा एतस्मादिन्द्रियं वीर्यं
 कामति य एति जनतामैन्द्राग्रमेकादशकपालं निर्वियेज्जनतामिष्यान्नि
 न्द्राग्नी एव स्वेन भागधेयेनोपधावति तावेवास्मिन्निन्द्रियं वीर्यं घृतः
 सहन्द्रियेण वीर्येण जनतामिति पौष्णं चरुमनु निर्वियेत्पुषा वा इन्द्रियस्य
 वीर्यस्यानुप्रदाता पूष्णमेव (४) स्वेन भागधेयेनोपधावति स एवास्मा
 इन्द्रियं वीर्यमनु प्रयच्छति क्षेत्रपत्यं चरुं निर्वियेज्जनतामागत्येयं वै क्षेत्रस्य
 पतिरस्यामेव प्रतितिष्ठत्यैन्द्राग्रमेकादशकपालमुपरिष्टान्निर्वियेदस्यामेव प्रति-
 ष्ठायेन्द्रियं वीर्यमुपरिष्टादात्मन्वत्ते—३९) [इन्द्राग्नी निर्वीर्यमेवैकोन्नव-
 त्वारिःशब्द] ॥ १ ॥ अग्रथे परिकृते पुरोडाशमष्टाकपालं निर्वियेको
 देवोपूष्णमासयजो सन्नमावास्यां वा पौर्णमासी वतिपादयेत्पयो वा एषो-

उप्यपेक्षेति यो वंशपूर्णमासयाजी सन्नमावास्थां वा पौर्णमासी वातिपादय
 त्वग्निमेव पंथि कृतस्त्वेन भागधेयेनोपधावति स एवेनमपथात् पन्थामपि
 नयत्यनङ्गान् वक्षिणा वही ह्येव समृद्धया अग्रये व्रतपत्तये (१) पुरोडाशमष्टाक-
 पालं निर्वपेद्य आहिताग्निः सन्नव्रत्यमिव चरेदग्निमेव व्रतपत्तिस्त्वेन भागधे-
 येनोपधावति स एवैनं व्रतमालम्भयति व्रत्यो भवत्यग्रये रक्षोघ्ने पुरोडाशम-
 ष्टाकपालं निर्वपेद्य रक्षांसि सचरन्नग्निमेव रक्षोहणस्त्वेन भागधेयेनोपधा-
 वति स एवास्माद्रक्षांस्यपहन्ति निशितायां निर्वपेत् (२) निशितायां हि
 रक्षांसि प्रेरते सम्प्रेणान्येवैर्नानि हन्ति परिश्रिते याजयेद्रक्षसामनन्त्ववचाराय
 रक्षोघ्नी याज्यानुवाक्ये भवतो रक्षसास्तृत्या अग्रये रुद्रवते पुरोडाशम-
 ष्टाकपालं निर्वपेदभिचरन्नेवा वा अस्य घोरा तनूर्यद्रुद्रस्तस्मा एवेनमालम्भवति

ताजगार्तिमाच्छ्रुत्यग्रये सुरभिमतं पुरोडाशमष्टाकपालं निर्वपेयस्य माघो वा
 पुरुषाः (३) वा प्रमीयेरन् यो वा विभीयादेवा वा अस्य भेषज्यो तनूर्वत्सुर
 भिमती तथैवास्मै भेषजं करोति सुरभिमतं भवति पूतीगन्धस्यापहत्या अग्रये
 क्षामवते पुरोडाशमष्टाकपालं निर्वपेत्सङ्गमे संयत्ने भागधेयेनैवैनं शम-
 यित्वा परानभि निर्दिशति यमवरेषां विध्यन्ति जीवति स य परेषां प्र स
 मीयते जयति तत्सङ्गमम् (४) अभि वा एष एतानुच्यति येषां पूर्वापरा-
 अन्वञ्चः प्रमीयन्ते पुरुषाहुतिर्ह्यस्य प्रियतमाग्नये क्षामवते पुरोडाशमष्टाकपालं
 निर्वपेद्भागधेयेनैवैनं शमयति नैषां पुरायुषोऽपरः प्रमीयतेऽभि वा एष एतस्य
 गृहानुच्यति यस्य गृहान् वहस्यग्नये क्षामवते पुरोडाशमष्टाकपालं निर्वपेद्भा-
 गधेयेनैवैनं शमयति न (५) अस्यापरं गृहान् दहति—(४) [इतपतये

वपेत् पुहयाः सङ्गमं न चत्वारि च] ॥ २ ॥ अग्रये कामाय पुरोडा-
 शमष्टाकपालं निर्वपेद्यं कामो मोषनमेवमिमेव कामस्त्वेन भागधेये-
 नोपधावति स एवेनं कामेन समर्धयत्युपेनं कामो नमत्यग्रये यविष्ठाय
 पुरोडाशमष्टाकपालं निर्वपेत् स्पर्धमानः क्षेत्रे वा सजातेषु वामिमेव
 यविष्ठस्त्वेन भागधेयेनोपधावति तेनैवेन्द्रियं वीर्यं भ्रातृव्यस्य (१) पुवते
 वि पाप्मना भ्रातृव्येण जयतेऽग्रये यविष्ठाय पुरोडाशमष्टाकपालं निर्वपेद-
 भिचर्यमाणोऽग्रिमेव यविष्ठस्त्वेन भागधेयेनोपधावति स एवास्माद्रक्षास्ति
 यवयति नैनमभिचरन्स्तृणुतेऽग्रय आयुष्मते पुरोडाशमष्टाकपालं निर्वपेद्यः
 कामयेत् सर्वमार्युरियामित्यग्रिमेवायुष्मन्तस्त्वेन भागधेयेनोपधावति स ए-
 वास्मिन् (२) आयुर्दधाति सर्वमार्युरेत्यग्रये जातवैवसे पुरोडाशमष्टाक-

पालं निर्वपेद्भूतिकामोऽग्निमेव जातवैवसः स्वैनं भागधेयेनोपधावति स एवैनं
भूर्तिं गमयति भवत्येवाग्नये रुक्मं ते पुरोडाशं मुष्टाकं पालं निर्वपेदुक्कामोऽग्नि-
मेव रुक्मन्तेः स्वैनं भागधेयेनोपधावति स एवास्मिन् रुचं दधाति रोचंतं
एवाग्नये तेजस्वते पुरोडाशं (३) अष्टाकं पालं निर्वपेत्तेजस्कामोऽग्निमेव
तेजस्वन्तेः स्वैनं भागधेयेनोपधावति स एवास्मिन् तेजो दधाति तेजस्व्यैव
भवत्यग्नये साहन्त्यायं पुरोडाशं मुष्टाकं पालं निर्वपेत्सीक्षमाणोऽग्निमेव साह-
न्त्यः स्वैनं भागधेयेनोपधावति तेनैव संहते यः सीक्षते—३८) भ्रातृव्यस्या
स्मिन् पुरोडाशं मुष्टात्रिंशच्च] ॥ ३ ॥ अग्नयेऽन्नवते पुरोडाशं मुष्टाकं-
पालं निर्वपेद्यः कामयेतान्नवान्स्यामित्यग्निमेवान्नवन्तः स्वैनं भागधेयेनोप-
धावति स एवैनमन्नवानेव करोत्यन्नवानेव भवत्यग्नयेऽन्नादायं पुरोडाशं मुष्टाकं

पालं निर्वपेद्यः कामयेतान्नादः स्यामित्यग्निमेवान्नादस्वेन भागेष्वेनोपधा-
 वति स एवैनमन्नादः करोत्यन्नादः (१) एव भवत्यग्नये ऽन्नपतये पुरोडाशम-
 द्वाकपालं निर्वपेद्यः कामयेतान्नपतिः स्यामित्यग्निमेवान्नपतिस्वेन भागेष्वे-
 येनोपधावति स एवैनमन्त्रपतिं करोत्यन्नपतिरेव भवत्यग्नये पर्वमानाय पुरोडा-
 शमष्टाकपालं निर्वपेद्यग्नये पावकायाग्नये शुचये ज्योगामयावी यदग्नये पर्व-
 मानाय निर्वपति प्राणमेवास्मिन् तेन दधाति यदग्नये (२) पावकाय वाच-
 मेवास्मिन् तेन दधाति यदग्नये शुचय आयुरेवास्मिन् तेन दधात्युत यदीतासु-
 भवति जीवत्येवैतामेव निर्वपेच्छुक्लामो यदग्नये पर्वमानाय निर्वपति प्राणमे-
 वास्मिन् तेन दधाति यदग्नये पावकाय वाचमेवास्मिन् तेन दधाति यदग्नये-
 शुचये चक्षुरेवास्मिन् तेन दधाति (३) उत यद्यन्धो भवति प्रैव पश्यत्य-